

**R.X. SAYDAHMEDOV, T.O. ALMATAYEV,
U.A. ZIYAMUXAMEDOVA**

**MATERIALSHUNOSLIK
VA KONSTRIUKSION
MATERIALLAR
TEKNOLOGIYASI**

TOSHKENT

30-3
8-22

O'ZBEKISTON RESPUBLIKASI OLIY VA O'RTA MAXSUS
TA'LIM VAZIRLIGI

R.X. SAYDAHMEDOV, T.O. ALMATAYEV,
U.A. ZIYAMUXAMEDOVA

MATERIALSHUNOSLIK VA KONSTRUKSION MATERIALLAR TEKNOLOGIYASI

*O'zbekiston Respublikasi Oliy va o'rta maxsus ta'lim vazirligi
tomonidan o'quv qo'llanma sifatida tavsiya etilgan.*

6810

uol 2022u

O'ZBEKISTON RESPUBLIKASI
OLIY VA O'RTA MAXSUS TA'LIM VAZIRLIGI
TOSHKENT VILOYATI CHIRCHIQ
DAVLAT PEDAGOGIKA INSTITUTI
AXBOROT RESURS MARKAZI

TOSHKENT – 2017

UO'K: 66.017 (075)
KBK 30.3
S-22

S-22 R.X. Saydahmedov, T.O. Almatayev, U.A. Ziyamuxamedova. Materialshunoslik va konstruksion materiallar texnologiyasi. –T.: «Fan va texnologiya», 2017, 128 bet.

ISBN 978-9943-11-653-5

Mazkur o'quv qo'llanmada metallar va qotishmalarining ichki tuzilishi, xossalari; temir-uglerod qotishmalarining holat diagrammasi; uglerodli, konstruksion, asbobsozlik po'latlari va ularning sinflanishi; po'latga termik ishlov berish usullari; legirlangan po'latlarning tasnifi va markalanishi; qora va rangli metallar texnologiyasi: cho'yan va po'lat ishlab chiqarish; quymakorlik, po'lat quymalar olish usullari; metallarga bosim ostida ishlov berish usullari; metallarni sinash, cho'zish, presslash, bolg'lash va shtamplash; metallarni sinash: qattqlikni aniqlash usullari; nometall konstruksion materiallar: plastmassalar, ularni mexanik ishlash, presslash va payvandlash haqidagi ma'lumotlar yoritilgan.

O'quv qo'llanma materialshunoslik va konstruksion materiallar texnologiyasini o'rganayotgan mashinasozlik bakalavr yo'nalishlari talabalari uchun mo'ljallangan.

UO'K: 66.017 (075)
KBK 30.3

Taqrizchilar:

Q.H.Mahkamov – TDTUning «Qishloq xo'jalik texnikasi va servisi» kafedrası professori, t.f.d.

ISBN 978-9943-11-653-5

© «Fan va texnologiya» nashriyoti, 2017.

KIRISH

Mustaqil Respublikamiz iqtisodiyoti va sotsial taraqqiyotini rivojlanishida mashinasozlikning o'rni o'ta muhim bo'lib, yangi texnika va texnologiyalarni ishlab chiqarishga joriy etish bilan bir qatorda zamonaviy talablarga javob beradigan yuqori sifatli konstruksion materiallar yaratish va ulardan tejamli foydalanish hozirgi kunning dolzarb masalalaridan hisoblanadi[1].

O'quv qo'llanmaning maqsadi talabalarda mashinasozlikda qo'llaniladigan metallar va nometall materiallarining tuzilishi, xossalari; temir-uglerod qotishmalari; po'latga termik ishlov berish; qora va rangli metallar texnologiyasi; quymakorlik; metallarga bosim ostida ishlov berish; metallarni sinash usullari va nometall konstruksion materiallar, eng yaxshi texnologik usullarni tanlash usullari bo'yicha yo'nalishlar profiliga mos bilim, ko'nikma va malakani shakllantirishdan iboratdir[2-3].

O'quv qo'llanmani yaratishda qator mualliflarning[3-8] ma'lumotlaridan foydalanildi.

Ushbu o'quv qo'llanma tarkibiy jihatdan quyidagi 8 bobni o'z ichiga olgan: metallar va qotishmalarining tuzilishi, xossalari; temir-uglerod qotishmalarining tasnifi; po'latga termik ishlov berish; qora va rangli metallar texnologiyasi; quymakorlik; metallarga bosim ostida ishlov berish; metallarni sinash usullari va nometall konstruksion materiallar.

Birinchi bobda texnik metallar, metallografiya, kristallografiya, metallarning fizik, kimyoviy, mexanik va texnologik xossalari berilgan.

Ikkinchi bobda temir-uglerod qotishmalarining tasnifi keltirilgan. Konstruksion po'latlar, po'lat guruhlari, cho'yan kabi asosiy tushunchalar ham mazkur bobda berilgan.

Uchinchi bobda po'latga termik ishlov berish: yumshatish, me'yorlash, toblash va ularning usullari haqida batafsil ma'lumotlar bayon etilgan.

To'rtinchi bobda metallurgiya, rudalarni boyitish, yonilg'ilar, Domna pechi, Marten pechi, quymalar haqida ma'lumotlar berilgan.

O'quv qo'llanmaning 5-bobida quymakorlik haqidagi ma'lumotlar keltirilgan. Jumladan model, sterjen, qolip, quyma olish

texnologik jarayonlari va quymakorlik usuli bilan olinadigan detallar haqida bayon etilgan.

Mazkur qo'llanmaning oltinchi bobida metallarni bosim ostida ishlov berish usullari haqida ma'lumotlar keltirilgan. Shuningdek, mazkur bobda mo'rt metallar, deformatsiya turlari, metallarni prokatlash, metallarni cho'zish va presslash, metallarni bolg'alash, shtamplash turlari haqida ma'lumotlar keltirilgan.

Yettinchi bobda metallarning sinash uslublari haqida so'z yuritilgan. Qattqlikni Brinell, Rokvell va Shor uslublari bilan o'lchash, shuningdek, materiallarni cho'zishga sinash haqida ma'lumotlar keltirilgan.

Qo'llanmaning sakkizinchi bobida nometall konstruktsion materiallarning sinflanishi, plastmassalar va ularga ishlov berish usullari kabi tushunchalar keltirilgan.

Mazkur o'quv qo'llanma 5310500-Avtomobilsozlik va traktor-sozlik; 5310600- Yer usti transport tizimlari va ularning ekspluatatsiyasi; 5320300-Texnologik mashina va jihozlar; 5320100-Materialshunoslik va yangi materiallar texnologiyasi; 5320200-Mashinasozlik texnologiyasi, mashinasozlik ishlab chiqarishini jihozlash va avtomatlashtirish bakalavr yo'nalishlari talabalariga mo'ljallangan.

1. METALL VA QOTISHMALARNING TUZILISHI, XOSSALARI

1.1. Metall va qotishmalar


Metall deb tavsifli xususiyatga, yaltiroq va plastik bo'lgan, elektr va issiqlik o'tkazuvchanligi yuqori, shaffof bo'lmagan jismga aytiladi.

Texnikada metallarni ikki guruhga bo'lish mumkin:

- 1) *oddiy yoki sodda metallar* (nisbatan boshqa kimyoviy elementlardan toza bo'lgan);
- 2) *murakkab metallar yoki qotishmalar* (metall asosida bir necha elementlarning birikmasi).

D.I. Mendeleyev davriy sistemasiga ko'ra hozirda 110 ta kimyoviy element bo'lib, shulardan 3/4 qismi metallardir. Qolgan qismi nometallardir. Tabiatda metallar ko'p bo'lishiga qaramasdan sanoatda ularning juda oz qismi ishlatiladi (1-rasm).

Bilish kerak!



1-rasm. Materiallarning sinflanishi.

Texnik metallar

Rangli metallar qimmat bo'lgani uchun sanoatda iloji boricha ularning o'rini bosa oladigan qora metallardan ishlatishga harakat qilinadi.

Yuqorida ko'rsatilgan rangli metallardan tashqari sanoatda xrom-Cr, nikel-Ni, marganes-Mn, molibden-Mo, kobalt-Co ham ishlatiladi. Bu metallar, asosan, asosiy metallarning xususiyatlarini yaxshilash uchun, ularga ma'lum xususiyatlar berish uchun qo'shimcha materiallar hisoblanadi. Misol uchun V, W, Ti va So lar qirg'ish asboblari tayyorlashda qo'llaniladi.

Sanoat va texnikada keng tarqalgan metallar bu po'lat va uning qotishmalari bo'lib, ularning fizik-mexanik xossalari metall xossalariidan ancha yuqori bo'ladi. Ulardan mustahkam, talabga javob beradigan, har xil xossali qotishmalar olinadi. Sanoat keng ishlatiladigan oddiy metallarga mis-Cu va aluminiiy-Al lar kirib, ular elektr simlari va boshqa detallar tayyorlash uchun ishlatiladi.

Metallmas kimyoviy elementlardan sanoatda eng muhim rol o'ynaydiganlari: elementlar kislorod, uglerod, azot, vodorod va boshqalardir.


Texnikada azotning birikmasi NH_3 -ammiak gazi po'latni sirtqi qismi qattiqligini oshirish va azotga boyitish uchun ishlatiladi.

Kislorod O_2 sanoatda metallarni payvandlash va qirg'ishda, domna va konverter pechlarida metall ishlab chiqarish jarayonini tezlashtirish uchun ishlatiladi.

Kremniy Si esa turli xil metall qotishmalarini olishda ishlatiladi, metallarni jilvirlashda, silliqlashda kremniy karborundi SiC dan foydalaniladi.

Sanoat ahamiyatiga ega bo'lgan asosiy metall bu temir (Fe) bo'lib, uning uglerod (C) bilan birikmasi qora metallarni tashkil etadi. Dunyo bo'yicha sanoatda ishlatiladigan metallarning 93% qora metallardir. Mashina va mexanizmlarni tayyorlashda, asosan, qora metallar ishlatiladi. Qolgan metallar va ularning qotishmalari rangli metallar guruhiga kiradi. Rangli metallardan sanoat ahamiyatiga ega bo'lganlari mis-Cu, aluminiiy-Al, magniiy-Mg, titan-Ti, qo'rg'oshin-Pb, rux-Zn, qalay va boshqalar bo'lib, ular texnik ahamiyatga egadir (2-rasm).

Tonna



2-rasm. Sanoatda qo'llaniladigan asosiy metallar.

Oltinugurt S cho'yan va po'lat tarkibida juda oz miqdorda bo'ladi.

Uglerod C esa olmos, grafit, ko'mir holida uchraydi.

Po'lat va cho'yanning xossalari uglerodning miqdori va holatiga bog'liq (erkin, ya'ni grafit holida, temir bilan kimyoviy birikkan - sementit holida bo'ladi).

Fosfor P juda ko'p metallar bilan tez birikadi, temirning barcha uglerodli birikmalari tarkibida mavjud. Fosfor bilan oltinugurt po'lat tarkibidagi zararli elementlar hisoblanadi, chunki ularni mo'rtiligini oshiradi.

Metall va qotishmalardan to'g'ri foydalanish uchun ularning xossalari va ularni qanday sharoitda o'zgarishini bilish kerak. Metall va qotishmaning ichki tuzilishi o'zgarishi bilan ularning xossalari ham o'zgaradi.

1.2. Metallarning ichki tuzilishi

Metallarning ichki tuzilishini o'rgatadigan fan metallografiya deb aytiladi.

Qattiq moddalar ikkiga: amorf va kristall moddalarga bo'linadi.

Amorf moddalarning atomlari tartibsiz joylashgan bo'ladi, ularni sin-diriganda ham tartibsiz yo'nalishda sinadi, siniqlarida tekis yuzalar bo'lmaydi. Qizdirilganda asta-sekin yumshab boradi va suyuqlanadi, ularning muayyan bir suyuqlanish va qotish harorati bo'lmaydi (yelim, kanifol, shisha va boshqalar). Amorf degan so'z shaksiz demakdir.

Hamma metall va qotishmalar kristall tuzilishiga ega. Kristall moddalarni atomlari aniq fazoviy geometrik shaklda tartibli joylashgan bo'ladi.

Ba'zi moddalar sharoitga qarab, ba'zan amorf, ba'zan esa kristall holatda bo'lishi mumkin (kauchuk, yelim va h.k.).

Kristallar haqidagi fan kristallografiya deb ataladi.

Kristall moddalar muayyan suyuqlanish va qotish haroratlariga, ularning atomlari muayyan geometrik shakllarga egadir, ularning xossalari turli yo'nalishlarda turlicha bo'ladi, bu xususiyat *anizotropiya* deb ataladi.

Kristall moddalarning mexanik puxtaligi, issiqligi va elektr o'tkazuvchanligi, suyuqlanish tezligi va harorati, ularni atom tuzilishiga bog'liq va xossalari ta'sir etadi.



3-rasm. Kristall panjara.

Kristallar ko'pincha eritmalaridan olinadi. Eritma qizdirilganda erituvchi bug'lanib, kristall hosil bo'ladi. Bu hodisani *kristallanish* deb ataladi. Kristallanish sharoitiga qarab, kristallar mayda yoki yirik bo'lishi mumkin (3-4 rasmlar).




4-rasm. Kristallning ko'rinishi

Eritma past haroratda asta-sekin bug'latilsa yirik kristallar, yuqori haroratda bug'latilib, tez sovitsa mayda kristallar hosil bo'ladi. Mayda donali po'latlar qattiq, yirik donli po'latlar nisbatan yumshoq bo'ladi. Hosil bo'lgan kichik bir kristall atrofiga muntazam ravishda o'suvchi yirik kristall olish mumkin. Bu jarayon *kristallning o'sishi* deb aytiladi. Hamma metall va qotishmalar kristall tuzilishiga ega. Kristall donalar geometrik shaksiz bo'lib, tashqi tomonidan kristall - ko'p qirraga o'xshaydi va ularni *kristall donalar* yoki *granulalar* deb ataladi.

Metallarning ichki tuzilishi

 Kristallarni tashkil etgan zarrachalar shu kristallarni hajmi-da tartibli geometrik tarzda joylashadi, bu joylashish *kristall panjara* deb aytiladi.



5-rasm.

Kristall panjara va uya.


Bilish
kerak!

Rentgen nurlari yordamida tekshirishlar shuni ko'rsatadiki, aksari metallarning kristall panjalarining turi quyidagicha bo'ladi (5-6-rasmilar):

1) *markazlashgan kub panjara*. Bunda kristall panjara o'zida 9 ta atom bo'lib, kub burchaklarini uchlarida 8 ta atom, 1 ta atom esa kubning markazida joylashgan. Bunday panjara Fe, Na, Cr va boshqa metallarga xos (6-a-rasm);

2) *yoqlari markazlashgan kub panjara*. Elementlar uyda 14 ta atom joylashgan bo'lib, 8 ta atom kub uchlarida va 6 ta atom esa kub tomonlari markazlarida joylashgan. Bunday kristall panjara aluminii, qo'rg'oshin, oltin, nikel va boshqa metallarga xos (6-b-rasm);

3) *geksagonal panjara (olti yoqli prizma)* metall atomlarining 12 tasi prizma burchaklarining uchida, 3 tasi esa prizmaning o'rta ko'ndalang kesimida joylashgan va 2 tasi prizmaning yuqori va ostki yuza markazlarida joylashgan. Bunday metall panjara magniy, rux, titan va boshqa metallarga xos (6-d-rasm).




6-rasm. Kristall panjalarining turlari:

a) markazlashgan kub panjara, b) yoqlari markazlashgan kub panjara, d) geksagonal panjara.

Metallarning xossalari kristall panjara xiliga, atomlarining diametriga hamda atomlar orasidagi masofaga qarab o'zgaradi. Kristall moddalarning atomlari fazoviy panjaraga ma'lum tartibda joylashgan, bu moddalar muayyan erish haroratiga ega bo'ladi. Kristall moddalarga hamma metallar va ularning qotishmalari misol bo'ladi.

Fazoviy panjaraning bir turdan ikkinchi turgacha o'tishi muayyan kritik haroratlarda ro'y berib, *allotropik o'zgarishlar* deb yuritiladi.



7- rasm. Kristallanish jarayoni.

Kristall moddalarning fazoviy panjarasida atomlar bir tekis va ma'lum tartibda joylashganligi har xil yo'nalishda ularning xossalari har xil bo'ladi, chunki atomlar orasidagi masofa o'zgaradi.

Elementlar uyani tashkil etgan atomlarning o'lchamlari juda kichik, ularni o'lchash uchun angstrom birligi ishlatiladi.

$$1 \text{ \AA} = 0,00000001 \text{ sm ga teng.}$$

Kristall panjarani tashkil etgan atomlar markazlari orasidagi masofaning qiymati ham juda kichik bo'ladi. Har bir metall o'ziga xos kristall panjaraga ega.

Atomlarning muayyan tartibda joylashuvi natijasida hosil bo'ladigan geometrik jihatdan to'g'ri shakl, *butun kristall* yoki *monokristall* deb yuritiladi.

Butun kristall uni o'sishiga biror tashqi qarshilik ko'rsatilmagan taqdirdagina hosil bo'ladi. Odatda, kristall soviyotgan suyuq metall ichida sodir bo'la boshlaydi. Metall qotgan sari unda o'sayotgan boshqa kristallar shakllangan kristallarning to'g'ri shaklini buzib yuboradi, natijada kristallar donalarga o'xshab qoladi. Demak, tashqi shakli *noto'g'ri kristall donalar* deb ataladi. Donlar ichida atomlar muayyan tartibda joylashganicha qoladi.

Metallarning kristallanish jarayoni ikki bosqichdan iborat bo'lib, kristall markazlarining hosil bo'lishi va hosil bo'lgan markazlar atrofida kristallarning o'sishidan iborat (7-rasm). Kristallarning hosil bo'lish jarayonini o'rganish katta amaliy ahamiyatga ega, chunki metallarning xossalari donlarni shakliga, joylashishiga va kattaligiga bog'liq. Demak, metallarni suyuq holatdan qotish holatga o'tish jarayoni, atomlarni to'g'ri tartibda joylashish (qattiq kristall panjara hosil bo'lishi) dan iborat.

Kristall jismlar ma'lum haroratda suyuq holatdan qattiq holatga va aksincha qattiq holatdan suyuq holatga o'tadi. Bu haroratni *erish nuqtasi* va *qotish nuqtasi* deb aytiladi.



Suyuq metallning harorati pasayganda qattiq holatga o'tish jarayoni *birlamchi kristallanish* deb ataladi.

Bilish kerak!

Ba'zi bir metall va qotishmalarda kristallanish jarayoni tugagandan keyin ham, ularni tuzilishida o'zgarishlar davom etadi. Bu jarayon *ikkinchi kristallanish* deb ataladi.

Qattiq holatdagi metall tuzilishida yuz beradigan o'zgarishlar *allotropik o'zgarishlar* deyiladi.

Ikki lamchi kristallanish jarayoni shundan iboratki, ma'lum haroratda metallni kristall panjarasi o'zgaradi. Bu o'zgarish vaqtida atomlar qayta guruhlanib, yangi kristall panjara hosil qiladi. Ikki lamchi kristallanish vaqtida metallning xossalari o'zgarishiga sabab shundan iborat. Bunday o'zgarishlarni metallarga termik islov berish jarayonida kuzatish mumkin.

1.3. Metall va qotishmalarining xossalari

Metall va qotishmalardan tayyorlangan detallarning ishlatilishiga qarab turlicha talablar qo'yiladi.

Metallarning xossalari quyidagi turlardan iborat:

1. Fizik xossalari.
2. Kimyoviy xossalari.
3. Mexanik xossalari.
4. Texnologik xossalari.



Metallarning fizik xossalari metallarning rangi, solishtirma og'irligi, elektr o'tkazuvchanligi, magnit xususiyati, issiqlik o'tkazuvchanligi, issiqdan kengayishi, issiqlik sig'imi va boshqalar.



Metallarning kimyoviy xossalari metallarning oksidlanishi, eruvchanligi, korroziyaga chidamliligi va boshqalar.




Metallarning mexanik xossalari metallarning mustahkamligi, qattiqligi, egiluvchanligi va boshqalar.



Metallarning texnologik xossalari metallning quyuvchanligi, oquvchanligi, kesiluvchanligi, payvandlanishligi, bolg'alanuvchanligi, toblanuvchanligi va boshqalar.

Metallarning rangi shaffof bo'lmaydi, har bir metall o'ziga xos yaltiroqlikka va rangga ega. Mis-qizil, rux-kulrang, temir-kumushsimon va hokazo.



Solishtirma og'irligi – moddaning hajm(P) birligiga to'g'ri keladigan metallarning miqdori(V) bo'lib, quyidagicha aniqlanadi.

$$\gamma = P/V \text{ (g/sm}^3\text{)}$$




Hamma metallarning solishtirma og'irligi D.I.Mendeleyev davriy sistemasida berilgan.




Eriş harorati. Metallarning batamom suyuq holga o'tadigan harorati *erish harorati* deb ataladi. Har qaysi metallning erish harorati jadvallarda berilgan.

Issiqlik o'tkazuvchanlik. Metallarni qizdirganda yoki sovutganda o'tidan issiqlikni qanchalik tezlik bilan o'tkazishga aytiladi. Issiqlik o'tkazuvchanligini taqqoslash uchun shartli belgilardan foydalaniladi. Metallarning issiqlik o'tkazuvchanligi koeffitsiyent bilan ifodalanadi. Misol uchun (koeffitsiyent miqdori) mis 0,9, aluminiy 0,5, temir 0,15, simob 0,02. Issiqlikni o'tidan yomon o'tkazadigan metallarni to'la qizishi uchun, uzoq vaqt qizdirilishini talab etadi. Bunday metallarni tez sovutganda yoritib ketishi mumkin. Metallarni termik islovda ana shu xususiyatini hisobga olish zarur.

Amaliyotda radiatorlar va elektr asboblarning detallari issiqlikni yaxshi o'tkazadigan metallardan tayyorlanadi.



Issiqlikdan kengayish. Ma'lumki, issiqlikdan metallarning hajmi va o'lchamlari o'zgaradi. Shuning uchun mashina va mexanizmlar tayyorlanayotganda ularning detallarini issiqdan kengayishini hisobga olish zarur. Misol uchun mashina va traktorlarning dvigatellarining klapanlari, ko'priklar, relslar va hokazolar.



Elektr o'tkazuvchanlik. Metallarda elektr o'tkazuvchanlik har xil bo'ladi. Elektr tokiga qarshilik ko'rsatadigan metallar elektrni yaxshi o'tkazadi. Metallarning harorati oshishi bilan elektr o'tkazuvchanligi kamayadi va aksincha. Metallni absolyut nol (-273°C) ga sovitilganda elektr qarshiligi nolga teng bo'ladi.



Magnit xossalari. Po'lat va cho'yanning magnit xossalari faqatgina ularning kimyoviy tarkibiga emas, balki ichki tuzilishiga ham bog'liq. Bundan shu narsa kelib chiqadiki, metallarning magnit xossalari doimiy emas, ularga termik va mexanik ishlov berilganda ushbu xossalari o'zgaradi.

Temirni sovuq holatida magnit xossalari ancha sezilarli bo'lib, uni qizdirganda magnit xossalari ancha kamayib boradi va butunlay yo'qolishi ham mumkin.



Magnit xossalari ega bo'lgan po'latlar texnikaning juda ko'p tarmoqlarida ishlatiladi. Misol uchun rudalarni saralashda, temir-tersaklarni ko'tarishda, elektr dvigatellarida, radio-telefon, telegraf detallarini tayyorlashda ishlatiladi.

Ba'zi magnit xossalari ega bo'lmagan po'latlarni ishlatishga to'g'ri keladi. Bunday po'latlarning tarkibida ma'lum miqdorda nikel va marganets bo'ladi.

Metallarning kimyoviy xossalari



8-rasm. Korroziyaga uchragan panjara.

Metallar va qotishmalar muhit ta'sirida kimyoviy o'zgaradi. Bu o'zgarishlarni *korroziya* deb ataladi.

Korroziya turli metallarda turlicha ro'y beradi: temir zanglaydi, misning ustki qismi ko'karadi, qo'rg'oshin xiralashadi, aluminiy qorayadi va hokazo (8-rasm).



Ko'p metallar va qotishmalar yuqori harorat sharoitida kimyoviy jihatdan o'zgaradi. Metallar oksidlanishi sababi chiqindiga chiqishi mumkin.


Yuqori darajada qizdirilganda, oksidlanmaydigan metallar *issiqlikka chidamli metallar* deb ataladi.

Ba'zi metallar yuqori darajagacha qizdirilganda ham, o'z tuzilishini saqlash, yumshamaslik va og'ir vaznlarda ham deformatsiyalanmaslik xususiyatiga ega, bunday metallarni *o'tga chidamli metallar* deb ataladi.

Ko'p metallar ishqorlar, kislotalar, tuzlar ta'sirida bo'ladi. Agar ular metallarga ta'sir etmasa, bunday metallar *kislotaga, tuzga, ishqorga chidamli metallar* deb ataladi.

Metallarning mexanik xossalari

Metallarning mexanik xossalari: mustahkamlik, qattqlik, egiluvchanlik, plastiklik va hokazolar.
Bunda har xil metall namunalari mashinalarda sinab ko'riladi.




Ushbu bo'limda, metallarning qattqlik-giga to'xtashga to'g'ri keladi, chunki mashinasozlik sanoatida metallarning qattqligini o'zgartirish usullari mavjud bo'lgani sababli uning ahamiyati katta.

9-rasm. Mexanik xossalarni aniqlash.

Sharikni namunada qoldirgan izi qancha katta bo'lsa, metall shuncha yumshoq va aksincha bo'ladi.

Metallarning qattqligi deb metallni unga bir qattiqroq jismini botishiga qarshilik ko'rsatish qobiliyatiga aytiladi. Qattqlik metallning eng asosiy xususiyatlaridan bo'lib, detallar tayyorlashda metallning ishga yaroqli va yaroqsizligini ifodalaydi. Metall qancha qattiq bo'lsa, uni ishlash uchun shuncha ko'p kuch talab etadi. Metallarning qattqligi turlicha aniqlanadi. Ko'proq qo'llaniladigan usullardan namunaga toblangan sharik, konussimon olmos yoki piramidasiimon olmos botirish yo'li bilan aniqlanadi (9-rasm).


Qattqlikni aniqlashning quyidagi usullari keng tarqalgan:




1. Toblangan sharikni botirish (Brinell bo'yicha qattqlikni aniqlash)

Brinell usuli

2. Olmos konusning uchini botirish (Rokvell bo'yicha qattqlikni aniqlash).



Rokvell usuli



3. Olmos piramidaning uchini botirish (Vickers bo'yicha qattqlikni aniqlash).

Vickers usuli



Vickers usulida juda yumshoq va qattiq metallarning qattqlikini aniqlash mumkin. Bu usulda namuna uchlaridagi burchak 136° bo'lgan piramida bosiladi. Bosiladigan kuch 550-1200 N. Izning o'Ichami priborning o'zidagi mikroskop yordamida aniqlanadi.

Qattqlikni aniqlashda metallni sindirmasdan tekshiriladi. Detalning qalinligi va qattqlikiga qarab, shariklarning har xil diametrdagisi olinadi. Misol uchun, nagruzka 30000 N bo'lganda diametri 10 mm li, 7500 N bo'lganda 5 mm li, nagruzka 1800 N bo'lganda diametri 2,5 mm li bo'lgan sharik qabul qilinadi.

Sharik botirilgandan so'ng hosil bo'lgan izning metallning qalinligidan kamida 10 marta kam bo'lishi zarur. Izni markazidan metallning yuza chetigacha bo'lgan oraliq sharning diametridan katta bo'lishi kerak.

Qattqlik qiymati HB bilan belgilanadi va aniqlash usulining indeksi qo'yiladi.

$$HB = P/F \text{ (H/mm}^2\text{)}$$

bunda, P—sharikka qo'yilgan kuch, H;

F—shar qoldirgan izning yuzasi, mm^2

$$F = \frac{\pi \cdot D^2}{2} - \frac{\pi \cdot D}{2} \sqrt{D^2 - d^2}, \text{ mm}^2$$

bunda, D—sharning diametri, mm; d—izning diametri, mm.



Brinell usuli

Metallarning texnologik xossalari

Metallarning texnologik xossalari ularning bolg'alanuvchanligi, payvandlanuvchanligi, oquvchanligi, kesib ishlanuvchanligi va boshqalar kildadi.

Tekshirish uchun savollar

1. Materialshunoslik va materiallarni tekshirish faniga izoh bering.
2. Texnikada ishlatiladigan asosiy metallarga izoh bering.
3. Metallarning xossalari ta'riflang.
4. Materialning qattqligi qanday tushuniladi va uni aniqlash usullarini ko'rsating.
5. Metallarning ichki tuzilishini tushuntiring. Kristall panjaralarning turlarini keltiring.




Rokvell usuli

Rokvell usulida diametri 1,58 mm bo'lgan po'lat sharik yoki 120° burchakli olmos konusdan foydalaniladi. Bunda qattqlik indikatoridagi shkaladan aniqlanadi. Sharik yumshoq metallar uchun, olmos konus qattiq metallarni sinash uchun ishlatiladi.

2. TEMIR-UGLEROD QOTISHMALARINING TASNIFI

2.1. Qotishmalar haqida ma'lumotlar



Ikki va undan ortiq elementlarni birga suyuqlanish yo'li bilan olingan murakkab jism *qotishma* deb aytiladi. Bunga misol uchun cho'yan, po'lat, bronza, latun, duraluminiy va boshqalarni keltirish mumkin.

Ba'zan qotishmani uning tarkibiga kiruvchi elementlarning kukunlarini aralashtirib, unga shakl berib hosil qilingan buyumni maxsus pechlarda 1100-1400°C da pishirish yo'li bilan ham olish mumkin. Misol uchun qattiq qotishmalar, metallokeramik detallar shu yo'sinda olinadi.

Qotishma tarkibiga kiruvchi elementlarning atom diametrlari farqiga, kristall panjara turiga va ularning suyuqlanish haroratiga ko'ra qotishmalar: *mexanik aralashma*, *kimyoviy birikma* va *qattiq eritmaga* bo'linadi.

Mexanik aralashma

Agar qotishma tarkibiga kiruvchi elementlarning atomlari kristallanish jarayonida bir-biriga tortilmay, bir-biridan qochsa, qotishma tarkibiga kiruvchi har bir element atomlari qattiq holatda mustaqil kristallar hosil qiladi. Bunda hosil bo'lgan kristall donlar mexanik aralashmadan iborat bo'ladi.

Qotishmani kristallanish sharoitiga ko'ra mexanik aralashma turli mexanik va o'Ichamlik kristallardan iborat bo'ladi.

Kimyoviy birikma

Agar qotishma tarkibiga kiruvchi elementlarning atomlari kristallanish jarayonida o'zaro kimyoviy ta'sir etsa, bunday elementlar qotish natijasida kimyoviy birikma hosil qiladi. Kimyoviy birikmaning kristall panjarasi murakkab, ularni ko'proq metall va metallmas elementlar birikib hosil qiladi.

Qattiq eritma


Qotishmaga kiruvchi elementlardan biri ikkinchisida erib qolganda sof metall kabi kristall panjarali tuzilish hosil qiladi. Misol uchun, temir S, Ni, Mn, Si va boshqa elementlar bilan, Cu, Ni, Zn, Al, Si va boshqa elementlar bilan qattiq eritma hosil qiladi.

Qattiq eritmalar hosil qilishda qotishma tarkibidagi qaysi elementning kristall panjarasi saqlanib qolsa, shu element *erituvchi element* deb, kristall panjarasi saqlanmagan elementni esa, *eruvchi element* deb aytiladi va A(V) A-erituvchi, V-eruvchi deb nomlanadi.

Qotishmalar tarkibiga kirgan elementlarning o'zaro munosabatlariga ko'ra elementlarning eruvchanligi turlicha bo'ladi. Misda nikel, nikelda mis xohlagancha eriydi.

Hamma metallar ham bir-birida yaxshi erivermaydi. Ba'zi elementlar yaxshi, o'rta, yomon va unuman erimasligi mumkin. Rentgen nurlari yordamida tekshirilganda shu narsa aniqlandiki, eruvchi element atomlari bilan erituvchi element atomlari o'rin almashuvi natijasida qattiq eritma hosil bo'ladi.

Atomlarning bunday o'rin almashuvi uchun A va V elementlarning kristall panjaralari bir xil bo'lishi va atomlar radiuslari bir-biriga yaqin bo'lishi kerak.



Odatda, qotishmani hosil qiluvchi asosiy komponentlardan tashqari qotishma tarkibida oz miqdorda boshqa elementlar ham mavjud bo'ladi va ularni *primeslar* (qo'shimchalar) deb yuritiladi. Bu primeslar(qo'shimchalar) qotishmaga rudani eritib olayotganda yoki qotishma eritilayotganda tushadi. Ular qotishmani xossalarga ta'sir etmaydi.


2.2. Qotishmalarning holat diagrammasi




Metall (qotishma) sovutilgan vaqtda kristallanadi, ya'ni suyuq holatdan qattiq holatga o'tadi. Bunday kristallanish birlamchi kristallanish deb ataladi.

Metallarning kristallanish grafigi. Har qanday metall va qotishmalarning ichki tuzilishi, xossalari uni qizdirganda va sovitganda ro'y beradigan hodisalar, aralashmaning bir-biri bilan qanday miqdorda aralashishiga bog'liq. Odatda, metall (qotishma) sovutilgan vaqtda kristallanadi, ya'ni suyuq holatdan qattiq holatga o'tadi. Bunday kristallanish **birlamchi kristallanish** deb ataladi (10-rasm).


Qotgan metallning qizdirilgandan so'ng sovishi natijasida qaytadan kristallanish **ikkilamchi kristallanish** deb aytiladi. Kristallanish jarayonini yaxshiroq o'rganish uchun kristallanishni grafikda ko'ramiz (10-rasm).



Grafikdan ko'rinib turibdiki, harorat ma'lum darajaga yetganda birmuncha o'zgar-may turadigan to'xtash (bu to'xtashlar sovutganda ham mavjud bo'ladi) bo'lib, bunda ichki o'zgarishlar sodir bo'ladi.





Metall qizdirilgan vaqtda berilgan issiqlikni o'ziga yutadi, sovutilganda esa metall-dan issiqlik ajraladi, bu esa metallni qizdirganda yoki sovishida to'xtatishga sabab bo'ladi.




Metallning biror holatida yoki tuzilishidagi o'zgarishlarga mos keladigan harorati **kritik nuqta** deb aytiladi. Erigan metallning kris-tallanishi uchun erish haroratidan pastroq bo'lgan haroratgacha sovutish kerak, chunki ana shu haroratga atomlar aniq bir sxema bo'yicha guruhlanib kristall hosil qiladi.

10-rasm. Metallni erish va sovish grafigi.

Metallarni kristallanishi harorati **pirometr** deb ataluvchi asbob bilan aniqlanadi, ya'ni vaqt ichida suyuq metallni qotish yoki metallni qattiq holatdan suyuq holatga o'tishi kuzatiladi. Ma'lum vaqt birligida yuz bergan o'zgarishlar yozib olinib, olingan material bo'yicha sovish yoki qotish egri chizig'ini harorat va vaqt koordinata o'qlarida chiziladi (11-rasm).



11-rasm. Kristallanish darajasi.



Ma'lumki, qotishma ikki va undan ko'p elementlarning bir-biri bilan aralashtirilib hosil qilinadigan birikmadir. Ko'pchilik qotishmalar erish yo'li bilan olinadi, lekin elektroliz, bug' holatiga o'tkazib va boshqa usullar bilan ham qotishma olish mumkin. Aralashmalar ichida metallmas elementlar ham bo'lishi mumkin, ammo asosiy elementni metall tashkil etadi. Hamma metallar ham aralashib qotishma hosil qilavermaydi. Misol uchun temir bilan qo'rg'oshin aralashmasidan qotishma hosil bo'lmay, balki qatlamli birikma hosil bo'ladi.

Qotishmalarning holat diagrammasi erigan aralashmaning qotish jarayonida tuzilish o'zgarishini tavsiflab, berilgan qotishmani tuzilishi haqida yaqqol ma'lumot beradi. Holat diagrammasi bo'yicha berilgan qotishmani avvaldan tuzilishini va xossasini bilish mumkin. Bundan tashqari, holat diagramma qotishmalarni termik ishlashni ilmiy jihatdan asoslab berish uchun xizmat qiladi.


Qo'rg'oshin va surma bir-birida yaxshi erib, juda ko'p turdagi qotishmalarni hosil qiladi.

Ma'lumki qotishmaning holat diagrammasini chizish uchun erish va kristallanish kritik haroratlari va nuqtalari zarur bo'ladi. Ular tajriba yo'li bilan olinadi.

Holat diagrammasini chizish uchun 6 ta tavsifli qo'rg'oshin-surma

Qot. №	Tarkibi		Qotishma-ning erish harorati, °C	Qotishma-ning kristallanish harorati, °C
	Qo'r-g'oshin	Surma		
1.	95	5	296	246
2.	90	10	260	246
3.	87	13	246	246
4.	80	20	280	246
5.	60	40	395	246
6.	20	80	570	246

Qotishmaning holat diagrammasini qurishni qo'rg'oshin-surma holat diagrammasini chizish misolida ko'ramiz



12-rasm. Qo'rg'oshin-surma holat diagrammasi.

Qotishmalarning holat diagrammasi. Har qanday qotishmaning holat diagrammasini chizish uchun mashtabdan gorizontol bo'yicha qotishmaning % miqdori (chap tomoni toza qo'rg'oshin, o'ng tomoni toza surma) quyiladi.

Vertikal bo'yicha kritik nuqtalarni hamda surma va qo'rg'oshin erish nuqtasini (327°C, 630°C) mashtabda belgilab chiqamiz (13-rasm).


Pastdagi kritik nuqtalarni birlashtirib DE chizig'ini va yuqoridagi kritik nuqtalarni birlashtirib AV va VS egri chiziqlarini olamiz. Ikkala egri chiziq V nuqtada, ya'ni DE to'g'ri chizig'ida kesishadi. Diagrammadan ko'rinib turibdiki, qotishmalarning qotish boshlanishi nuqtalari har xil bo'lib, qotish va kristallanish oxiri bir nuqtada ekan. Aralashmalarining ichida faqat 13% surma va 87% qo'rg'oshinli qotishma kristallanishining boshi va oxiri bir xil bo'lib, bir nuqtada (haroratda) qotar ekan.

Diagrammadan ko'rinib turibdiki, ABC chizig'idan yuqorida hamma qotishmalar suyuq holda bo'ladi, bu chiziqni likvidus chizig'i deb aytiladi (lotin tilida - suyuq ma'noni bildiradi). DBE chizig'ini solidus chizig'i deb aytiladi (solidus - lotincha qattiq ma'noni bildiradi).

2.3. Temir - uglerod holat diagrammasi

Temir-uglerod (Fe-S) holat diagrammasi po'lat va cho'yan haqida fundamental bilimlar beradi. Uglerod temir bilan kimyoviy birikma (sementit-temir karbidi Fe₃C) yoki erkin holda grafit shaklida birikkan bo'lishi mumkin. Temir va uglerod aralashmasini o'rganishdan oldin temirni qizdirganda va sovitganda sodir bo'ladigan o'zgarishlar grafigini ko'ramiz

Yodda tutign!



13-rasm. Temirning sovish va erish grafigi.

Eslab qoling!

Grafikda temirni sovish va erish egri chizig'i berilgan. Ma'lumki temir 1539°C da eriydi. Temirni qizdirganda bir necha allotropik shakl o'zgarishi bo'lib o'tadi. Temirni qizdirganda va sovitganda egri chiziqlar birmuncha vaqt o'zgarmay turadi. Ular pog'onalar bilan ifodalanadi. Bu pog'onalar temir soviganda ham, qiziganda ham unda o'zgarishlar sodir bo'lishini ko'rsatadi. Temirni qizdirganda sodir bo'ladigan bu o'zgarishlar vaqtda metallga berilgan issiqlikni o'ziga oladi, sovganda ro'y beradigan o'zgarishlar vaqtda metalldan issiqlik ajraladi (13-rasm).

Temir 768°C dan past bo'lgan haroratda magnit xossasiga ega bo'lib kristall panjarasi markazlashgan kub panjaradan iborat, temirning bu shakli α -temir deb ataladi.

Harorat 768°C dan oshganda temir magnitsizlanadi. Bu shakli o'zgargan temirni β -temir deb yuritiladi. 900-910°C da temirda kristall panjara o'zgarib tomonlari markazlashgan kub shaklini oladi.

Temir va uglerod qotishmalarida 910°C da sodir bo'ladigan o'zgarishlar, ayniqsa, katta ahamiyatga ega. Temirni Rentgen nurlari bilan tekshirganda, kristall panjalarining o'zgarishini ko'rish mumkin, bunda temirga berilgan issiqlik ana shu o'zgarishga sarf bo'lib, egri chiziqli to'xtab pog'ona hosil qiladi va γ -temirga aylanadi. Tomonlari markazlashgan panjara temirni 1400°C qizdirgungacha o'zgarmaydi va harorat 1401°C da temirda kristall panjara yana o'zgaradi va markazlashgan kub holiga o'tadi (γ -temir). Metall suyuq holga kelganda kristall panjara buziladi va atomlar tartibsiz harakatda bo'ladi. Suyuq temirni sovutilgan vaqtda hamma o'zgarishlar teskari tartibda takrorlanadi.

Bilish kerak!

Temirning qattiqlik holati 2 xil fazoviy kristall panjaraga ega bo'lgan 3 xil ko'rinishda bo'ladi.
Uglerod atomlari temir panjarasida joylashganda uglerod temir bilan qattiq eritma hosil qiladi. Bu eritma (α Fe) ferrit deb, (γ -Fe) qattiq eritma austenit deb aytiladi.

Uglerod temirda yaxshi erimaydi. Uglerodning temirda eruvchanligi haroratga bog'liq: 720°C da uglerod maksimal 0,05 % erishi mumkin, magnit xossasiga ega, elektr tokini yaxshi o'tkazadi, xona haroratida uglerod 0,006% gacha erigan holda bo'ladi. Austenitda (γ -Fe) uglerod 2,14% eriy oladi. 1130°C γ -temirni anchagina uglerodni eritish qobiliyati bo'lib, temir va kimyoviy temir jarayonlarini bajarish imkoniyatini tug'diradi.


Eslab qoling!

1868-yilda rus olimi D.K.Chernov tomonidan po'latdagi uglerodning miqdoriga qarab kritik nuqtalarni mavjudligi aniqlangan. Temirda uglerodni eng ko'p miqdori 6,67% bo'lib, bunda kimyoviy birikma hosil bo'ladi.

Bu birikmani **sementit** (temir karbidi Fe_3C) deb yuritiladi. Sementit turg'unmas kimyoviy birikma bo'lib, katta haroratda bo'linib ketadi:



Shuning uchun o'rganilmoqchi bo'lgan diagrammani "Temir-sementit" yoki bo'lmasa "Temir-uglerod" holat diagrammasi deb yuritiladi (14-rasm). Temir-uglerod holat diagrammasi yuqorida qurilgan uslubda olingan kritik nuqtalar va haroratlarda asosida mashtablarda chiziladi



Temir-uglerod qotishmalarining holat diagrammasi

14-rasm. Temir-uglerod holat diagrammasi.

Fe-C holat diagrammasini tahlil qilamiz (14-rasm)

ACD chizig'i *likvidus* chizig'i bo'lib, uning yuqorisida joylashgan hamma qotishmalar suyuq holatda, AECF chizig'i esa *solidus* chizig'i bo'lib, undan pastda joylashgan hamma qotishmalar qattiq holatda bo'ladi.

Chiziqlarning tavsifi diagramma murakkab ekanini, ya'ni 1 va 2 tipdagi diagrammalar yig'indisidan tashkil topganligini ko'rsatadi. Bu yerda A nuqtadan E nuqtagacha 2 tipdagi va E dan F gacha 1 tipdagi diagrammalardir. Sovish jarayonida aralashmadagi uglerod miqdoridan qat'i nazar AS chizig'i bo'ylab suyuq aralashmalardan qattiq eritmaning birinchi kristallari paydo bo'la boshlaydi, buni *austenit* deb yuritiladi.

Demak, ACE hududida aralashma ikki fazadan iborat bo'lib, suyuq aralashma va austenitdan tashkil topgan.

CD chizig'i bo'yicha suyuq aralashmadan qattiq sementitni kristallari paydo bo'la boshlaydi. 6,67% C li sementitning bir qancha kristallari paydo bo'lib S nuqtada suyuq aralashmadagi qolgan sementit kristallanadi va evtektik aralashma hosil qilib (4,3%S) 1147°C da qotadi. Demak, ECF chizig'ida sementit to'la qotib bo'ladi. CFD hududi ikki fazali aralashmadan iborat bo'lib, suyuq qotishma va sementitdan iborat. C nuqtada (4,3% C) bir vaqtning o'zida austenit va sementit kristallanib evtektika, ledeburit hosil qiladi. Ledeburit, tarkibida 2,14-6,67% C bo'lgan hamma qotishmalarda mavjud bo'ladi va bu qotishmalarni *cho'yan* deb yuritiladi (15-rasm).

Iltilash kerak!

E nuqta temirni uglerod (2,14%) bilan to'yingan nuqtasi hisoblanadi. E nuqtadan chap tomonda yotgan hamma qotishmalar to'la qotgan vaqtida austenitni bir o'zidan iborat bo'lib, bunday qotishmalar *po'lat guruhini* hosil qiladi (16-rasm).

Qotgan qotishmadagi o'zgarishlarni ko'ramiz. GSE, PSK va GPQ chiziqlari ko'rsatib turibdiki, qotgan aralashmalarda ham tuzilish o'zgarishlari yuz beradi. Qattiq holatdagi o'zgarishlar temir bir modifikatsiyasi ikkinchi modifikatsiyasiga o'tishda uglerodning temirda eruvchanligini o'zgarishi hisobiga bo'ladi.

15-rasm. Cho'yaning kristall atom tuzilishi.



16-rasm. Po'latning kristall atom tuzilishi.

Diagrammada AGSE hududida austenit (A) bo'lib, qotishma sovishi davomida austenitdan GS chizig'i bo'ylab ferrit ajraladi. Ferrit uglerodning Fe₂ dagi qattiq eritmasi, boshqacha qilib aytisak gamma temir (Fe_γ) alfa temir (Fe_α) ga o'tadi. Bundan tashqari, harorat 1147°C dan 727°C pasayishida uglerodning Fe₂ eruvchanligi 2,14% dan 0,8% gacha pasayadi.

Diagrammada SE chizig'i bo'yicha austenitdan ikkinchi sementit ajraladi. Bu sementit qattiq qotishmadan ajralib chiqadi.

GSP hududi ikki fazadan iborat, ya'ni ferrit va bo'linuvchi, o'zgaruvchi austenitdan iborat.

S nuqtada (0,8%C) 272°C da hamma austenit bo'linib, o'zgarib ferrit va ikkilamchi sementitdan iborat mayin mexanik aralashma hosil qiladi. Ushbu evtektoid aralashma *perlite* deb ataladi. Tarkibida 0,8% dan kam uglerod bo'lgan po'latlarni *evtektoidgacha bo'lgan po'latlar* va tarkibida 0,8%-2,14%C bo'lgan po'latlarni evtektoiddan keyingi po'latlar deb ataladi.

PSK chizig'i bo'yicha barcha qotishmalarda qoldiq hamma austenitdan perlit hosil bo'ladi. Shuning uchun PSK chizig'i *perlite* hosil qiluvchi chiziq deb yuritiladi.

Diagrammadan S va C nuqtalarni bir-biriga solishtirsak, quyidagilarni ko'ramiz (14-rasm).

1) C nuqtadan yuqorida suyuq aralashma, S nuqtadan pastda esa qotgan austenit bo'ladi

2) C nuqtada AC va CD chiziqlari uch-rashgan bo'lib, suyuq aralashmadan kristall paydo bo'lishini ko'rsatadi. S nuqtadan GS va SE chiziqlari uch-rashgan bo'lib, qotgan aralashmani ikkilamchi kristallanishini ko'rsatadi

3) C nuqtada 4,3% C li suyuq aralashma bo'lib, kristallanib ledeburit evtektika hosil qilsa, S nuqtada 0,8% C li aralashma qayta kristallanib perlit hosil bo'ladi

4) C nuqta sathida FE evtektik-ledeburit chizig'i yotgan bo'lsa, S nuqta sathida RK chizig'i, evtektoid-perlit chizig'i yotibdi

5) C nuqta birlamchi kristallanish markazi bo'lsa, S nuqta qotishmaning ikkilamchi kristallanish markazi hisoblanadi

Temir-uglerod qotishmasini suyuq holatdan asta-sekin (soatiga 10°C dan) uy haroratigacha sovutilib borilganda, quyidagi tuzilishlarni ko'ramiz. Ferrit, sementit, austenit, perlit va ledeburit.

a) Ferrit (F) uglerodning alfa temirdagi qattiq eritmasi bo'lib, bu eritmada uglerod juda oz miqdorda (0 dan 0,006% gacha) bo'ladi. Ferrit texnik toza temirdir.

b) Sementit (S) temir bilan uglerodning kimyoviy birlamchi (temir karbidi), bu birlamchi juda qattiq bo'lib, uning qattiqligi $NV=80 \text{ N/mm}^2$.

c) Austenit (A) uglerodni gamma temirdagi qattiq eritmasi bo'lib, unda uglerod 2,14% bo'ladi.

d) Perlit (P) ferrit bilan sementit mayda donalaridan hosil bo'lgan mexanik aralashma (evtektoid aralashma).

e) Ledeburit (L) austenit bilan sementitning mexanik aralashmasi bo'lib, bunday aralashma cho'yanni 1147°C da qotishidan hosil bo'ladi.

Temir-uglerod qotishmalari po'latlar (2,14% gacha C) va cho'yanlarga (2,14 dan 6,67 gacha C) tasniflanadi.

Po'latlar va oq cho'yanlarning temir-sementit diagrammasiga muvofiq tasniflanadi. Vazifasiga ko'ra uglerodli po'latlar konstruksion, asbobozlik po'latlar va maxsus maqsadlarda ishlatiladigan po'latlarga tasniflanadi.

2.4. Konstruktion polatlar va ularning sinflanishi

Eslab qoling!

Mashinasozlikda mashinalarning detal-
lari va konstruksiyalarini tayyorlash uchun
keng ko'lamda ishlatiladigan po'latlar kon-
struktsion po'latlar deyiladi.



Sifatli po'latlar qanday maqsadda ishlatilishiga qarab A, B va C guruhlariga ajratiladi.

Barcha guruhlarda 1-4 raqamli po'latlar qaynaydigan (kp) - tinch (sp) va yarimtinch (ps) qilib tayyorlanadi; 5-6 raqamli yarimtinch (ps) va tinch (sp) po'latlar bo'ladi.

Me'yorlanadigan ko'rsatkichlariga qarab har qaysi guruhlardagi po'lat quyidagi toifalarga (kategoriyalarga) bo'linadi:

A guruh - 1, 2, 3 - toifalar;

B guruh - 1, 2 - toifalar;

C guruh - 1, 2, 3, 4, 5, 6 - toifalar.

Me'yorlanadigan ko'rsatkichlar:

A guruh

birinchi toifa - σ_v, δ ;

ikkinchi toifa - $\sigma_v, \delta, \sigma_{izg}$; uchinchi toifa - $\sigma_v, \delta, \sigma_{izg}, \sigma_i$;

B guruh

birinchi toifa (%) - S, Mn, Si, S, P, As, N.

ikkinchi toifa (%) - C, Mn, Si, S, P, As, N, Cr, Ni, Cu

C guruh

birinchi toifa - kimyoviy tarkibi va $\sigma_v, \delta, \sigma_{izg}$;
ikkinchi toifa - kimyoviy tarkibi va $\sigma_v, \delta, \sigma_{izg}, \sigma_i$;
uchinchi toifa - kimyoviy tarkibi va $\sigma_v, \delta, \sigma_{izg}, \sigma_i, KS + 20^\circ C$;
to'rtinchi toifa - kimyoviy tarkibi va $\sigma_v, \delta, \sigma_{izg}, \sigma_i, KS - 20^\circ C$;
beshinchi toifa - kimyoviy tarkibi va $\sigma_v, \delta, \sigma_{izg}, \sigma_i, KS - 20^\circ C$, KS eskirgandan keyin;
oltinchi toifa - kimyoviy tarkibi va $\sigma_v, \delta, \sigma_{izg}, \sigma_i, KS$ eskirgandan keyin.

A guruh

A guruh - odatdagi sifatli po'latlar, kimyoviy tarkibi aniqlanmasdan mexanik xossalari bo'yicha yetkazib beriladi. Bu guruh po'latlari St harflari va 0, 1, 2, 3, 4, 5, 6 raqamlari bilan markalanadi. Raqam qancha katta bo'lsa, po'latning mushtakamligi shuncha yuqori bo'ladi.

Toifani belgilash uchun markaning oxiriga toifa tartib raqami qo'shiladi (birinchi toifa ko'rsatilmaydi). Masalan, St3ps2. Oksidsizlantirish usulini ko'rsatuvchi indeks bilan marka raqami orasida G harfi bo'lishi mumkin, u marganetsning miqdori ko'pligini bildiradi. Masalan, St5Gps.

Eslab qoling!

B guruh

kimyoviy tarkibi kafolatlangan holda yetkazib beriladigan po'latlar. Ular B indeks, St harflar va 0, 1, 2, 3, 4, 5, 6 raqamlari bilan markalanadi. Raqam qancha katta bo'lsa, uglerodning miqdori shuncha ko'p bo'ladi. Markaning oxirigi raqami toifa raqami ko'rsatilmadi, masalan, BSt1, BSt3kp.

C guruh

kimyoviy tarkibi va mexanik xossalari kafolatlangan holda yetkazib beriladigan po'latlar. Bu po'latlar C indeks, St harflari va 1, 2, 3, 4, 5 raqamlari bilan markalanadi. Marka oxiriga toifa raqamini ko'rsatuvchi raqam qo'shiladi. Masalan, CSt3kp4.

B va C guruhlar po'latlarida qaynoq holda bosim bilan ishlov berish hamda termik ishlov berish (me'yoriylash, toblash va bo'shatish) mumkin.

2.5. Uglerodli sifatli asbobsozlik po'latlari

Uglerodli sifatli asbobsozlik po'latlari U harfi (uglerodli) va bu harfdan keyin keluvchi raqamlar (7, 8, 9, ..., 13) bilan markalanadi, raqamlar uglerod foizining o'ndan bir ulushlaridagi o'rtacha miqdorini ko'rsatadi. Yuqori sifatli po'latlarda raqamlar ketidan A harfi qo'yiladi, masalan, U12A-1,2 %C, min S va P.

Maxsus maqsadlarga mo'ljallangan uglerodli po'latlarga avtomat po'lat va list po'latlar kiradi.

Avtomat po'latlarga kesib ishlov berish oson. Kesib ishlov berishni osonlashtirish uchun po'latga oltingugurt, qo'rg'oshin, selen, tellur, kalsiy qo'shiladi.

Po'latning shtamplanuvchanligi uning kimyoviy tarkibiga nihoyatda bog'liq bo'ladi: po'latda uglerod qancha ko'p bo'lsa, u shuncha yomon shtamplanadi. Kremniy miqdorining ko'payishi shtamplanuvchanligini ayniqsa, cho'zib shtamplashda, yomontashiradi. Shu sababli sovuqlayin shtamplash, ayniqsa, qattiq cho'zib shtamplash uchun ishlatiladigan po'latlarda uglerod bilan kremniyning miqdori kamaytirilgan bo'ladi (ko'pi bilan 0,08%).

25, 30, 40, 45, 50 markali po'latlarning plastikligi past ($\delta=23-14$ va $\psi=50-40\%$) bo'lgan holda mustahkamligi yuqori bo'ladi ($\sigma_v = 460 - 640$ MPa).

10, 15, 20, 25, 30, 35, 40, 45, 50 markali po'latlar kalibrlangan, sovuqlayin cho'zilgan va aniq o'lchamli simlar holda ham ishlatiladi. Parchalash natijasida mustahkamligi ortadi, lekin plastikligi pasayadi.

Uglerodli asbobsozlik po'latlari tarkibida 0,7 - 1,5% uglerod bo'ladi.

Odatda sifatli po'latlar qurilish konstruksiyalari, armaturalar va mashinalarning muhim bo'lmagan detallarini tayyorlash uchun ishlatiladi; ular prokat: to'sinlar, shvellarlar, chiviqlar, burchaklilar, listlar, quvurlar va boshqalar holda yetkazib beriladi.

Uglerodli sifatli po'latlar marten pechlarida yoki elektr pechlarida quyulqantirib olinadi; ular oksidsizlantirish usuliga qarab tinch yoki qaynaydigan bo'lishi mumkin. Sifatli po'latlarda uglerodning miqdori chegaralari tor, oltingugurtning miqdori 0,04% ga va fosforning miqdori 0,04% ga qadar kamaytirilgan bo'ladi.

Uglerodli sifatli po'latlar 5, 08, 08kp (harflar «qaynaydigan po'lat» degan ma'noni bildiradi). 10, 20, ... 45 va hokazo raqamlar bilan markalanadi, ular uglerodning foizini yuzdan bir ulushlaridagi o'rtacha miqdorini ko'rsatadi.

Uglerod miqdori aniq bo'lgan po'latlarning (08, 10, 15, 20) mustahkamligi nisbatan past ($\sigma_v=330-420$ MPa) va plastikligi yuqori ($\delta=25-32\%$ va $\psi=55-60\%$) bo'ladi. Bunday po'latlar yaxshi payvandlanadi hamda shtamplanadi.

Oltingugurtli avtomat po'latlar tarkibida oltingugurt (0,15 - 0,3% gacha) va fosfor miqdori ko'p (0,05 - 0,15% gacha) bo'ladi. Tarkibida oltingugurt bilan fosfor miqdori ko'pligi sababli avtomat po'latlarga kesib ishlov berish oson bo'lib, bunda sirti juda sifatli chiqadi. Avtomat po'latlar A harfi va raqamlar bilan markalanadi, raqamlar uglerodning foizining yuzdan bir ulushlaridagi miqdorini ko'rsatadi, masalan, A12, A20 va h. Po'lat tarkibida marganets miqdori ko'p bo'lganda po'lat markasiga G harfi qo'shiladi - AZOG.

Avtomat po'lat boltlar, gaykalar, vintlar va hokazolar tayyorlash uchun ishlatiladi. Mustahkamligini oshirish maqsadida sovuqlayin cho'ziladi, natijada ular puxtalangani. Masalan, A20 po'latining mustahkamlik chegarasi 460-610 MPa dan 620 - 800 MPa ga qadar ortadi. Tarkibida 0,20% gacha S bo'lgan avtomat po'latlar mustahkamlovchi sifatida, uglerod miqdori yanada ko'plari esa sifatini yaxshilovchi sifatida ishlatiladi. Qo'rg'oshinli avtomat po'latlar ($Pb=0,08-0,15\%$) AS14, AS40 va hokazo tarzda markalanadi, raqamlar esa foizning yuzdan bir ulushlari hisobidagi uglerod miqdorini ko'rsatadi. Selenli avtomat po'latlarda markaning oxiriga E harfi qo'yiladi, masalan 5E.

Po'latdan tayyorlangan listlar quyidagi markalarda chiqariladi: 12K, 15K, 16K, 18K, 20K, 22K; ularda uglerod miqdori 0,08 dan 0,28% gacha bo'ladi.

Bir qolipda quyish uchun, (ayniqsa, transport mashinasozligida) ishlatiladigan uglerodli po'latlar foizning yuzdan bir ulushlari hisobidagi uglerod miqdorini ko'rsatadigan raqam va L harfi bilan markalanadi, masalan 15L, 40L.

2.6. Korroziyabardosh po'latlar

Metallarning tashqi muhit bilan kimyoviy yoki elektr-kimyoviy o'zaro ta'sirlashuvi natijasida yemirilishi korroziya deyiladi.



Bir jinsli (gomogen) tuzilishli qotishmalarning korroziyabardoshligi eng katta bo'ladi. Agar po'latning tuzilishi bir jinsli bo'lmasa (geterogen), u holda tuzilishning alohida tashkil etuvchilari-ferrit, austenit, karbidlar elektr-kimyoviy potentsiali turlicha bo'lgani sababli galvanik juftliklar hosil qilishi va korroziyalanishni keltirib chiqarishi mumkin.

Po'latlarda bir jinsli tuzilish hosil qilish uchun ularga α - sohani kengaytiradigan va ferritning bir jinsli qattiq eritmasini yuzaga keltiradigan elementlar (Cr, Ni, Mo, W, V va h.) yoki γ -sohani kengaytiradigan va austenitning bir jinsli qattiq eritmasini hosil qiladigan elementlar (Ni, Mn) qo'shish lozim.

Po'latning korroziyabardoshligini oshirish uchun po'lat sirtida asosiy metall bilan puxta bog'langan va metallni atrof-muhit ta'siridan saqlaydigan himoya qatlamlari hosil qiladigan elementlar bilan legirlash lozim.

Tekshirish uchun savollar

1. Qotishma deb nimaga aytiladi? Qotishmalarning qanday turlari bor?
2. Temir-uglerod tizimi qanday tasniflanadi?
3. Temir-uglerod diagrammasidagi asosiy nuqta va chiziqlarni aytib bering.
4. Fe-Fe₃C tizimining faza va tarkibiy tashkil etuvchilarini aytib bering.
5. Sovitilganda Fe-Fe₃C qotishmalarning tuzilmasi qanday shakllanadi?
6. Temir-uglerod tizimining qotishmalari qanday tasniflanadi?
7. Uglerodli sifatli asbobsozlik po'latlari qanday tasniflanadi?
8. Korroziyabardosh po'latlari qanday tasniflanadi?

3. PO'LATGA TERMIK ISHLOV BERISH

Po'latlarga termik ishlov berishning quyidagi usullari mavjud: yumshatish, me'yorlash (normallash), toblash va bo'shatish. Quyida ushbu usullar bilan tanishamiz.

3.1. Yumshatish turlari

Po'latni faza o'zgarishlaridan yuqori haroratgacha qizdirib, so'ngra sekin sovutish (odatda, pech bilan birga) yumshatish deyiladi.




Sekin sovutilganda po'latlar fazaviy va tuzilma viy muvozanatga yaqin keladi. Yumshatishdan keyin yuzaga kelgan tuzilmalar temir-sementit diagrammasida ko'rsatilgan. Yumshatilgandan keyin po'latning qattiqligi va puxtaligi pasayadi, plastikligi oshadi.

Yodda saqlang!

Yumshatishdan ko'zlangan asosiy maqsadlar: po'latni qayta kristallash (donalarini maydalash), ichki zo'riqlarini yo'qotish, qattiqligini pasaytirish va ishlantuvchanligini yaxshilash.

Ko'p hollarda yumshatish termik ishlov berish bilan tayyorlash hisoblanadi. Quymalar, pokovkalar, prokat yumshatiladi (masalan, yirik quymalarni yumshatish) oxirgi termik ishlov sanaladi. 1-tur va 2-tur yumshatish bo'ladi. 1-tur yumshatishda oldingi ishlov berishda paydo bo'lgan zo'riqlar qisman yoki batamom yo'qoladi: bu yumshatish faza o'zgarishlari bilan bog'liq emas.



17-rasm. Yumshatish turlari.

Diffuzion yumshatish. Ligerlangan po'lat quymlar dendrit likvatsiyani kamaytirish uchun yumshatishning shu turiga duchor qilinadi. Metall 1100-1200°C haroratgacha qizdiriladi. Chunki shunda po'lat alohida hajmlarining kinyoviy tarkibini bir xillashirish uchun zarur bo'lgan diffuziya jarayonlari ancha to'liq kechadi (17-rasm).

Qizdirish 100-150 grad/soat tezlik bilan amalga oshiriladi, qizdirish haroratida tutib turish vaqti po'latning tarkibiga va quymlar massasiga bog'liq bo'ladi. Diffuzion yumshatishdan keyin po'lat sekin sovutiladi.

Bir jinsli qilishda haddan tashqari uzoq tutib turish maqsadga muvofiq emas, aks holda jarayonning unumdorligi kamayadi va elektr energiya (yo'nlilg'i) ortiqcha sarflanadi. Yumshatish haroratini oshirish tutib turish vaqtini oshirishga qaraganda ko'proq samara beradi. Diffuzion yumshatishda shu haroratda tutib turish vaqti bir necha soatdan bir necha o'n soatgacha davom etishi mumkin (isitish vaqtini hisoblamaganda). Jarayonning muddatini haroratni oshirish bilan qisqartirish mumkin.

Bir jinsli qilingandan keyin po'lat yirik donali bo'ladi, u keyinchalik bo'shatish bilan ishlov berishda yoki odatdagi to'liq yumshatish bilan maydalanadi.

Past haroratda yumshatish. Agar qaynoq holda mexanik ishlov berilgandan keyin po'latning tuzilishi yaxshi bo'lsa va qayta kristallashga hojat qolmasa, faqat ichki zo'riqlashni yo'qotish talab qilinsa, u holda po'lat AS₁ chizig'idan past haroratda qizdiriladi. Qizdirish 100-150 grad/soat tezlik bilan amalga oshiriladi, shu haroratda tutib turilgandan keyin havoda sovutiladi.

Yumshatish haroratida tutib turish vaqti bir tonna quymaga 0,5-1,0 soatni tashkil etadi. Uglerodli va legirlangan po'latlar kesish, bosim ostida va boshqa yo'llar bilan ishlov berishdan oldin past haroratda yumshatiladi. Past haroratda yumshatishda qizdirish tezligi va ayniqsa, sovutish tezligi kichikroq bo'lishi kerak, shunda yangi ichki termik zo'riqlashlar yuzaga kelmaydi.

Rekristallash yo'li bilan yumshatish deformatsiyalangan metall yoki qotishmaga termik ishlov berishdan iborat bo'lib, rekristallanish asosiy jarayon hisoblanadi. Termik ishlov berishning bu turi ko'pincha sovuqlayin deformatsiyalashdan keyin qo'llaniladi.

Naklyop – plastik deformatsiyalanishi tufayli metallning tuzilishi va xossalari o'zgaradi, yuza qatiami puxtalanaadi.

Plastik deformatsiyalanish natijasida kristall panjara buziladi, metall donalari deformatsiyalanadi va muayyan yo'nalish oladi, deformatsiyalanishga qadar dona teng o'qli shaklda bo'ladi, deformatsiyalangan donalardan keyin sirpanish tekisliklari bo'yicha siljishi natijasida donalar ta'sir etayotgan kuchlar yo'nalashida cho'ziladi va tolali tuzilish (tekstura) hosil qiladi.

Deformatsiya qancha kuchli bo'lsa, dona shuncha ko'p cho'ziladi va 80-90% deformatsiyalangan donalarning chegaralari yaxshi ko'rinmaydi. Bunga sabab shuki, deformatsiyalanish natijasida ichki zo'riqlashlar paydo bo'ladi, kristall panjara buziladi, dona o'rtasi qismning ishlanuvcchanligi chekka qismlarning ishlanuvcchanligiga yaqinlashadi.

Muayyan metallarda plastik deformatsiyalanishdagi siljish kristall bo'yicha ko'chishlar natijasida sodir bo'ladi. Lekin plastik deformatsiyalanish metallardan yangi ko'chishlarning paydo bo'lishi va to'planishiga olib keladi. Deformatsiyalanmagan metallarda ko'chishlar zichligi 1 sm^2 da 10^6-10^8 ni tashkil etadi, deformatsiyalangan keyin xuddi shu metallarda u 1 sm^2 da $10^{10}-10^{12}$ ga etadi. Deformatsiyalangan metallarda ko'chishlarning to'planishi ularning kristall bo'lib harakatlanishini qiyinlashtiradi va sekinlashiradi bu esa, o'z navbatida, metallning deformatsiyalanishiga qarshilik ko'rsatishiga, ya'ni uning puxtalalanishiga sabab bo'ladi.

Deformatsiyalanmagan metallga nisbatan deformatsiyalangan metallning energiya zaxirasi ko'p bo'ladi va muvozanatsiz, termodynamik beqaror holatda bo'ladi. Bunday metallarda hatto, xona haroratida ham uni yanada beqaror holatga olib keladigan jarayonlar o'z-o'zidan sodir bo'lishi mumkin. Agar, deformatsiyalangan metall qizdirilsa, bu jarayonlarda tezligi ortadi. Ozroq qizdirish (temir uchun 300-400°C) kristall panjaradagi buzilishlarni yo'qotadi, lekin mikrotruzilish o'zgarishsiz qoladi, donalar avvalgidek cho'zilgan bo'ladi. Bunda puxtalik qisman pasayadi, plastiklik esa ortadi. Bunday ishlov berish qaytarish yoki o'ldirish deyiladi.

Harorat yanada ko'tarilganda atomlarning harakatchanligi ortadi va cho'zilgan donalar orasida yangi zarralar ko'plab hosil bo'ladi va o'sadi, ular teng o'qli zo'riqlashlardan holi bo'ladi. Yangi donalarning zarralari kristall panjara eng ko'p buziladi, erkin energiyaning darajasi yuqori, termodynamik jihatdan eng beqaror qismlarda paydo bo'ladi. Yangi donalar eski, cho'zilgan donalar to'liq yo'qolgunga qadar o'sadi. Bu hodisa **rekristallanish (birlamchi)** deyiladi.

Rekristallanish singish (diffuzion) jarayoni bo'lib, notekis kechadi, ayrim donalar oldinroq, boshqalari keyinroq paydo bo'ladi va o'sadi. Rekristallanishdan keyin metall yangi teng o'qli donalardan iborat bo'lib qoladi. Yanada yuqori haroratda qizdirish yig'ma rekristallanishning avj olishiga, ya'ni ayrim rekristallangan donalarning boshqa maydaroq, donalar hisobiga o'sishiga olib keladi. Qizdirish harorati qancha yuqori bo'lsa, yig'ma rekristallanish shuncha shiddatli ketadi, chunki harorat ko'tarilishi bilan singish jarayonlari tezroq boradi va yirik donali metall hosil bo'lishi uchun sharoit yaratiladi.

Yig'ma rekristallanish ham notekis ketadi va amalda ishlov berishdagi rekristallanish tugashidan ancha oldin boshlanadi.

Rekristallangan donaning o'Ichami metallning xossalari ga kuchli ta'sir etadi. Mayda donali po'latlarda puxtalik bilan plastiklik eng yaxshi bo'lishi kuzatiladi. Rekristallangan donaning katta-kichikligiga rekristallizatsion yumshatish harorati jarayonning muddati, oldidan deformatsiyalash darajasi va metallning kimyoviy tarkibi ta'sir ko'rsatadi. Yumshatish harorati qancha yuqori va jarayon uzoqroq davom etadigan bo'lsa, rekristallangan donaning o'Ichami shuncha katta bo'ladi.

Deformatsiyaning kritik darajasida (3-15%) yumshatishdan keyin donaning o'Ichami keskin kattalashadi va boshlang'ich donaning o'Ichamidan bir necha marta katta bo'lishi mumkin. Shu sababli deformatsiya darajalari kichik bo'lishiga yo'l qo'ymaslik kerak. Kritik deformatsiya qiymati metallga bog'liq bo'ladi. Umuman, deformatsiyalanish darajasi qancha katta bo'lsa, rekristallangan donaning o'Ichamlari shuncha kichik bo'ladi. Bunga sabab shuki, deformatsiya darajasi ortishi bilan keyingi rekristallanishda zarralar hosil bo'lish tezligi ularning o'sish tezligidan katta bo'ladi.

3.2. To'la yumshatish

To'la yumshatishda evtektoiddan oldingi po'lat AS_3 chizig'idan $30-50^\circ C$ yuqori haroratda qizdiriladi, shu haroratda to'la qiziguncha tutib turiladi va sekin sovutiladi. Bu holda ferrit perlitli tuzilishi qizdirilganda austenitli tuzilishga aylanadi, so'ngra sekin sovutilganda qaytadan ferrit va perlitga aylanadi. To'la qayta kristallanish sodir bo'ladi.

Amalda qizdirish tezligi odatda 100 grad/soat ga yaqin bo'ladi, shu haroratda tutib turish vaqti esa 1 t qizdiriladigan metalga $0,5$ dan 1 soatgacha bo'ladi. AS_3 nuqta tepasida qizdirish haroratini haddan tashqari oshirib yuborish austenit donalarning o'sishiga olib keladi, bu esa po'latning xossalari ni yomonlashtiradi. Sekin sovutish austenitning parchalanishini ta'minlashi kerak. Legerlangan po'latlar uglerodli po'latlarga ($150-200 \text{ grad/soat}$) qaraganda ancha sekin ($10-100 \text{ grad/soat}$) sovutiladi.

To'la yumshatishdan ko'zda tutilgan asosiy maqsadlar: metallga oldingi ishlov berishda (qiyish, qizdirib deformatsiyalash, puyvandlash va termik ishlov berishda) paydo bo'lgan tuzilishdagi nuqsonlarni yo'qotish, metallarga kesib ishlov berishdan oldin po'latni yumshatish va ichki zo'riqlashlarni yo'qotish.

3.3. Chala yumshatish

Chala yumshatish AS_1 chizig'idan yuqori haroratda qizdirish va sekin sovutishdan iborat. Bunda perlitni tashkil etuvchi donalar qisman qayta kristallanadi.

Agar dastlabki qizdirib ishlov berishda yirik donalar yuzaga kelmagan bo'lsa, evtektoiddan oldingi po'latlar ichki zo'riqlashlarni yo'qotish va kesib ishlanuvchanligini yaxshilash maqsadida chala yumshatiladi. Evtektoiddan keyingi po'latlarni chala yumshatish sferoidlash uchun yumshatish deyiladi. Sferoidlash uchun yumshatish natijasida donador perlit tuzilishi olinadi. Sferoidlash paytida sekin sovutish kerak, shunda austenit ferrit-karbid aralashmasiga parchalanadi va hosil bo'lgan karbidlar bir-biriga yopishib yiriklashadi (koagulyatsiya).

Izotermik yumshatish. Amalda vaqtni tejash maqsadida ko'pincha izotermik yumshatishdan foydalaniladi. Bu holda po'lat qizdiriladi, so'ngra A_{s1} dan $50-100^\circ C$ past haroratga qadar tez sovutiladi (ko'pincha boshqa pechga o'tkaziladi). Shu haroratda po'lat austenit to'la parchalangunga qadar tutib turiladi, shundan keyin havoda sovutiladi.

Hozirga vaqtda izotermik yumshatish legerlangan po'latlar uchun ko'p qo'llaniladi, chunki u jarayon muddatini qisqartiradi.

3.4. Me'yorlash (Normallash)

Evtektoiddan oldingi po'latni A_{s1} dan yuqori haroratgacha, evtektoiddan keyingi po'latni esa A_{s2} dan 50-60°C yuqori haroratgacha qizdirib, so'ngra havoda sovitish me'yorlash (normallash) deb ataladi. Me'yorlashda po'lat qayta kristallanib, quyish yoki bolg'lashda hosil bo'lgan yirik donali tuzilish yo'qoladi.

O'rtacha uglerodli po'latlar uchun me'yorlash toblash va yuqori haroratda bo'shatish (yaxshilash) o'rni qo'llaniladi. Bunda ularning mexanik xossalari pasayadi, lekin buyumlarning deformatsiyalanishi toblashdagiga nisbatan kamayadi.

Havoda sovitish natijasida austenit past haroratlarda ferrit-sementit aralashmasiga parchalanadi, demak, aralashmaning mayda zararlarga bo'linishi (dispersligi) ortadi.


Ko'p uglerodli (evtektoiddan keyingi) po'latlar qattiqligini yo'qotish maqsadida me'yorlanadi.

Me'yorlash va keyin yuqori haroratda (600-650°C) bo'shatish ko'pincha legirlangan po'latlarning tuzilishini to'g'rilash uchun yumshatish o'rni qo'llaniladi.

3.5. Toblash usullari

Toblashning eng maqbul usuli po'latning tarkibi, detallning shakli va o'lchamlariga bog'liq holda tanlanadi. Po'latda uglerod qancha ko'p bo'lsa, hajmiy o'zgarishlar shu qadar katta, austenitning martensitga aylanishi shuncha past haroratda sodir bo'ladi, darzlar hosil bo'lish ehtimoli shuncha katta bo'lib, sovitish usulini shu qadar diqqat-e'tibor bilan tanlashga to'g'ri keladi.

Detal qancha murakkab bo'lsa, detalning kesimidagi farqlar shuncha katta, sovitishda paydo bo'ladigan ichki zo'riqlar qiymati shu qadar katta bo'ladi.



Bitta sovitgichda toblash eng ko'p qo'llaniladi. Muayyan haroratgacha qizdirilgan detal toblash muhitiga botiriladi, bu yerda u to'la soviguncha qoladi. Bu usul uglerodli va legirlangan po'latlardan yasalgan oddiy shaklli detallar uchun qo'llaniladi. Uglerodli po'latdan yasalgan, diametri 5 mm dan katta detallar suvda, kichiklari moyda sovitiladi. Legirlangan po'latlar moyda sovitiladi. Ichki zo'riqlarni kamaytirish maqsadida detallar ba'zan toblash muhitiga botirishdan oldin ma'lum vaqt havoda sovitiladi. Toblashning bu usuli sovitib toblash deyiladi. Sovitishda detalning harorati konstruksion po'latlar uchun A_{s1} nuqtadan va asbobsozlik po'latlar uchun A_{s2} nuqtadan pastga tushmasligi zarur. Bunday toblashdan maqsad detallarning, ayniqsa, mustahkamlangan detallarning ichki zo'riqlarini va toblashni kamaytirishdir.

Ikki muhitda toblashda qizdirilgan detal dastlab suvda M_6 dan bir oz yuqori haroratgacha sovitiladi, so'ngra tezda boshqa muhitga (moy, selitra yoki tuz muhitiga) o'tkaziladi, bu yerda u 20°C gacha soviydi. Ikkinchi toblash muhitida, austenitning martensitga aylanishi bilan bog'liq bo'lgan ichki zo'riqlar kamayadi. Bu usul tarkibida uglerodli ko'p po'latlarni toblashda qo'llaniladi va toblovchi ishchining yuqori malakali bo'lishini talab etadi, chunki detalni suvda tutib turish muddatini aniqlash va rostlash ancha qiyin. Bu muhitda odatda juda qisqa bo'ladi va 3-4 sekundni tashkil qiladi.

Bosqichli toblashda qizdirilgan detal harorati M_s nuqtadan balandroq (odatda $230-250^\circ\text{C}$) bo'lgan toblash muhitida sovitiladi va harorat butun kesimda tekislangunga qadar shu muhitda tutib turiladi. Tutib turish muddatida juda uzoq bo'lmashligi kerak, aks holda austenit beynitga aylanishi mumkin. Shundan keyin havoda uzil-kesil sovitish lozim, bu vaqtda austenit martensitga aylanadi. Bosqichli toblashda hajmiy o'zgarishlar, toblashlar va darz paydo bo'lish xavfi kamayadi. Tob tashlashga moyil detallar havoda sovitish vaqtida to'g'rilanadi. Uglerodli po'latlar uchun bosqichli toblash buyumning diametri ko'pi bilan 10-12 mm, legirlangan po'latlar uchun esa 20-30 mm gacha bo'lgandagina tatbiq etiladi.

Izotermik toblash bosqichli toblash kabi o'tkaziladi, lekin toblash muhitida tutib turish vaqti uzoqroq bo'ladi. Bunday tutib turishda austenit izotermik parchalanib beynit hosil qiladi. Toblash muhitida tutib turish muddat M_s dan yuqori haroratta o'ta sovitilgan austenitning barqarorligiga bog'liq bo'ladi va har qaysi po'lat markasi uchun austenitning izotermik o'zgarish diagrammasidan aniqlanadi. Asosan legirlangan po'latlar izotermik toblanadi. Bosqichli va izotermik toblashda sovituvchi muhit sifatida suyuqlantirilgan tuzlar (masalan, 55% KNO va 45% NaNO₂) yoki suyuqlantirilgan ishqorlar (20% NaOH va 80% KOH) ishlatiladi. Ishqorlar va tuzlarning suyuqlanmalariga 5-10% suv qo'shilsa, sovitish tezligi ortadi.

O'z-o'zidan bo'shaydigan qilib toslashda qizdirilgan detalning ish qismi suvga botiriladi va qisqa vaqt tutib turilgandan keyin chiqarib olinadi. Detalning suvga botirilmagan qismidagi issiqlik hisobiga buyumning ish qismi qiziydi. Qizish harorati issiqlikning o'tish ranglariga qarab aniqlanadi. detalni suvda tez sovitish yo'li bilan keyingi qizishi to'xtatiladi. Bo'shatish vaqtida ($200-300^\circ\text{C}$ da) o'tish ranglarining paydo bo'lishiga toza (sayqallangan, silliqlangan) sirtida oksidlarning yupqa qatlamlari yuzaga kelishi sabab bo'ladi. Oksidlar qatlamlarning rangi uning qalinligiga bog'liq.

3.6. Legirlovchi elementlarning po'latdagi o'zgarishlarga ta'siri

Vodda saqlang!

Tuzilishi va xossalarni o'zgartirish maqsadida po'latga ma'lum konsentratsiyalarda maxsus qo'shiladigan elementlar *legirlovchi elementlar* deyiladi. Legirlovchi elementlar qo'shilgan po'latlar *legirlangan po'latlar* deyiladi.

Legirlangan po'latlarda legirlovchi elementlar quyidagi holatlarda bo'lishi mumkin:

- erkin holatda (mis bilan qo'rg'oshin po'latda erimaydi va metall qo'shimmalar tarzida erkin holatda bo'ladi)
- karbidlar holida (uglerodga yaqin bo'lgan ko'pincha elementlar sementda eriydi yoki mustaqil karbidlar hosil qiladi)

temir bilan yoki bir-biri bilan hosil qilgan intermetall birikmalar holida (ko'pincha legirlovchi elementlar muayyan konsentratsiyalarda intermetall birikmalar hosil qiladi, shu sababli ular ko'pincha yuqori legirlangan po'latlarda uchraydi)

oksidlar va sulfidlar holida (po'latni oksidsizlantirish uchun qo'shiladigan barcha elementlar oksidlarni yuzaga keltiradi, temirga qaraganda olingugurtga ko'proq yaqin bo'lgan elementlar esa sulfidlar hosil qiladi)

temirdagi eritma holida (davriy tizimda temirdan chapda joylashgan elementlar temirda erishi ham, karbidlar hosil qilishi ham mumkin, temirdan o'ngda joylashgan elementlar esa ular bilan faqat qattiq eritmalar hosil qiladi).

Temirda eriydigan barcha elementlar uning allotropik shakl o'zgarishlarining mavjud bo'lish harorati oralig'iga (intervaliga) ta'sir etadi, ya'ni A_1 va A_4 nuqtalari siljيتadi.

Manganets, nikel va boshqa elementlar γ -sohaning harorat oralig'ini kengaytiradi, ya'ni A_1 nuqtani ko'tarib, A_3 nuqtani pasaytiradi. γ -sohada bo'ladigan qotishmalar austenitli qotishmalar deyiladi.

Volfram, molibden, xrom va boshqa elementlar γ -sohaning harorat oralig'ini toraytiradi va α -sohani kengaytiradi, ya'ni A_4 haroratni pasaytiradi va A_3 ni oshiradi. γ -sohada bo'ladigan qotishmalar ferritik qotishmalar deyiladi.

3.7. Legirlangan polatlarning tasnifi va markalanishi

Legirlangan po'latlar yumshatilgan (muvozanat) holatidagi tuzilishiga ko'ra tuzilishida ortiqcha ferrit bo'ladigan evtektoiddan oldingi po'latlarga, perlit tuzilishiga ega bo'lgan evtektoid po'latlarga, tuzilishiga ortiqcha (ikkilamchi) karbidlar bo'ladigan evtektoiddan keyingi po'latlarga, tuzilishida suyuq eritmadan ajralib chiqqan birlamchi karbidlar bo'ladigan ledeburitli po'latlarga bo'linadi.


E'tiborli bo'ling!

Amaliy jihatdan po'latni me'yoriy holatdagi tuzilishiga ko'ra tasniflash muhim hisoblanadi. Uglerod va legirlovchi elementlarning miqdoriga qarab, legirlangan po'latlarni quyidagi sinflarga ajratish mumkin: legirlangan ferrit tuzilishiga ega bo'lgan ferritli po'latlar; perlit tuzilishiga ega bo'lgan perlitli po'latlar; martensit tuzilishiga ega bo'lgan martensitli po'latlar; austenit tuzilishiga ega bo'lgan austenitli po'latlar. Bundan tashqari, ferrit – perlitli, yarim austenitli va hokazo po'latlar ham bo'lishi mumkin.

Vazifasiga ko'ra po'latlar quyidagi guruhlariga birlashtiriladi:

- ✓ mashinalar detallarini tayyorlashga mo'ljallangan konstruktsion po'latlar;
- ✓ kesuvchi, o'lash asboblari, shtamplovchi va boshqa asboblarni tayyorlash uchun ishlatiladigan asbobsozlik po'latlari;
- ✓ alohida xossalari po'lat va qotishmalar.

Po'latlar davlat standartlarini hisobga olib markalanadi. Har qaysi legirlovchi element harf bilan belgilanadi:




Vodda saqlang!

Konstruktsion po'latlar markalaridagi dastlabki raqamlar uglerod foizining yuzdan bir ulushlari hisobidagi o'rtacha miqdorini ko'rsatadi. Harflardan keyingi raqamlar legirlovchi elementning o'rtacha miqdorini ko'rsatadi.

Agar elementning miqdori 1 % kam yoki unga teng bo'lsa, u holda raqam bo'lmaydi.

Yuqori sifatli po'latlarda belgining oxirida A harfi turadi. Masalan, tarkibida 0,28 – 0,35% C, 0,8 – 1,1 % Cr, 0,9 – 1,2% Mn, 0,8 – 1,2% Si bo'lgan po'lat 30XLCA tarzida belgilanadi.


Murakkab legirlangan asbobsozlik po'latlarini markalash konstruksion po'latlarni markalashdan birmuncha farq qiladi. Masalan, X12M po'lati tarkibida 1,45 – 1,70% C, 11 – 12,5% Cr, 0,5 – 0,8% Mo bo'ladi. Sharikli podshipniklar yasalgan po'latlar Sh harfi bilan, teskesar po'latlar P harfi bilan belgilanadi.



Legirlangan po'latlarga termik ishlov berish

Legirlovchi temirning allotropik o'zgarishlari haroratiga emas, balki qizdirish va sovutishda po'latda sodir bo'ladigan singish (diffuziya) jarayonlarining borish tezligiga ham ta'sir etadi. Shu sababli legirlangan po'latga termik ishlov berish rejimlari oddiy uglerodli po'latga ishlov berish rejimlaridan boshqacha bo'ladi.

Legirlangan po'latlarga termik ishlov berishda legirlovchi elementlar miqdori qancha ko'p bo'lsa, qizdirish tezligi shuncha past bo'lishi kerak. Legirlovchi elementlarning hammasi (kobaltdan tashqari) po'latning issiqlik o'tkazuvchanligini yomonlashtiradi, shu sababli sirtidagi va o'zidagi haroratlar farqi kattaligi tufayli detallar tob tashlamlasligi, ichki darzlar va boshqa nuqsonlari bo'lmastligi uchun, legirlangan po'latlardan tayyorlangan detallar uglerodli po'latlardan tayyorlangan detallarga qaraganda ancha sekin va bir tekis qizdiriladi.



18-rasm. Toblangan po'latni bo'shatishga qattiqligini o'zgarishi. 1-uglerodli po'lat; 2-kam legirlangan po'lat; 3-ko'p legirlangan (tezkesar) po'lat.

Legirlangan po'latlarning sovish tezligi talab etiladigan mexanik xossalarga bog'liq bo'ladi, lekin uglerodli po'latlarning sovish tezligiga qaraganda doimo ancha past bo'ladi.

Uglerodli po'latni bo'shatishda sovish tezligining ahamiyati yo'q, lekin legirlangan po'latni bo'shatishda mexanik xossalarga, ayniqsa, zarbiy qovushqoqligiga katta ta'sir etadi. Bundan tashqari, legirlangan po'latlarni bo'shatish uglerodli po'latni bo'shatishga qaraganda ancha yuqori haroratlarda olib boriladi, chunki ko'pgina legirlovchi elementlar qoplangan po'latlarni qizdirishda puxtaligini pasaytirish jarayonlarini yuqori haroratlarda sohasiga siljitadi, ya'ni po'latning bo'shatishga qarshi turg'unligini oshiradi.

Kimyoviy termik ishlov berishdan po'lat buyumlar sirtining to'yinish xususiyatiga legirlovchi elementlar katta ta'sir ko'rsatadi masalan, sementlashda legirlovchi elementlar uglerodning sirtidagi konsentratsiyasiga, uning qatlamlar ichiga taqsimlanishiga, karbid fazaning miqdoriga va taqsimlanishiga ta'sir etadi.

Legirlovchi elementlar qizdirilganda po'latning uglerodsizlanish jarayoniga juda kuchli ta'sir etadi. Ba'zi elementlar (kremniy, aluminiiy va h.k.) po'latning uglerodsizlanishga moyilligini oshiradi, ba'zilari (xrom, manganets va b.) esa, aksincha, kamaytiradi.

Termik ishlov berishda legirlangan po'latlarning ko'p markalarida, uglerodli po'latlarda deyarli kuzatilmaydigan nuqsonlar uchraydi. Eng ko'p uchraydigan nuqsonlar flokenlar, bo'shatish, mo'rtlik, shifersimon sinish, karbidli likvatsiya va hokazolardir.

BO'SHATISH

Bo'shatish mo'rtligi deganda, bo'shatish vaqtida po'latning zarbiy qovushqoqligi keskin pasayishi tushuniladi. Bo'shatish mo'rtligining ikki xil turi bor: qaytmas bo'shatish mo'rtligi, ya'ni barcha po'latlarda 250 – 350°C haroratlar oralig'ida kuzatiladigan I tur mo'rtlik va qaytar bo'shatish mo'rtligi, ya'ni faqat legirlangan po'latlarda 450-600°C haroratlar oralig'ida kuzatiladigan II tur mo'rtlik (18-rasm).

I turdagi bo'shatish mo'rtligi sovutish tezligiga bog'liq emas va quyidagi sabablar: qoldiq austenitning martensitga aylanishi hamda bo'shatish vaqtida martensitning bir tekis emas, balki notekis parchalanishi tufayli yuz beradi.

I turdagi
bo'shatish

II turdagi bo'shatish mo'rtligi, ko'pincha, xrom qo'shib legirlangan, bo'shatish vaqtida sekin sovutildigan po'latlarda paydo bo'ladi. Qaytar bo'shatish mo'rtligiga donalar chekkalarida karbidlarning ajralib chiqishi va donalar chekkalarida fosforning ko'payishi sabab bo'ladi.

II turdagi
bo'shatish

II turdagi bo'shatish mo'rtligini bo'shatish vaqtida po'latni tez sovutish (masalan, moyda) yoki po'latni 0,5% miqdordagi molibden yoki volfram bilan qo'shimcha legirlash oraliq yo'qo'ish mumkin. Molibden bilan volfram donalar chekkalaridan karbidlar ajralib chiqishi va donalar chekkalarida fosforning ko'payishini to'xtatadi. Agar molibden bilan volframning miqdori 0,5% dan ko'p bo'lsa, ularning foydali ta'siri yo'qoladi, chunki ular yuqori konsentratsiyalarda o'z karbidlarini hosil qiladi.

Bolg'alangan yoki prokatlangan po'latlarda paydo bo'ladigan mayda ichki darzlar flokenlar deyiladi

Flokenlar tarkibida xrom bo'lgan (xromli, xrom-nikelli, xrom-marganetsli va h.k.) po'latlarda eng ko'p uchraydi. Har qanday darz kabi flokenlar ham po'latning mexanik xossalarni juda ko'paytirib yuboradi. Po'lat qancha puxta bo'lsa, flokenlar shuncha xavfli bo'ladi. Flokenlar yuzaga kelishining sababi po'lat tarkibida ko'p miqdorda (0,0008% dan ko'p) vodorod borligidir.

Flokenlar bolg'alangan yoki prokatka qilingan po'lat 250-200°C haroratlar oralig'ida tez sovutilganda paydo bo'ladi. Po'lat 250°C yuqori haroratda tez sovutilganda vodorod qattiq eritmada ajralib chiqishga ulgurmaydi va ichki zo'riqish paydo qiladi, natijada darzlar (flokenlar) hosil bo'ladi. Agar po'lat sekin sovutilsa, vodorod po'latdan ajralib chiqishga ulguradi va flokenlar hosil bo'lmaydi.

Flokenlar quyma po'latda kamdan-kam hollarda yuzaga keladi, chunki quyma metall g'ovak bo'lib, vodorodning po'latdan ajralib chiqishini osonlashtiradi.

Flokenlar bolg'alash yoki prokatka qilish yo'li bilan po'latning o'lchamini kichraytirish orqali yo'qotiladi. Bunda darzlar payvandlanib ketadi. Flokenlar 25 mm dan kichik kesimlarda deyarli uchramaydi.

Noto'g'ri termik ishlov berilganda legirlangan po'latlarda nuqsonlar (uglerodsizlanish, o'ta qizish, kuyish, toblash darzlari va h.k.) uchraydi, bu nuqsonlar uglerodli po'latlarda ham kuzatiladi.

Sifatli ishlanadigan konstruktsion po'latlar tarkibida 0,3 – 0,5% uglerod va turli miqdorda legirlovchi elementlar bo'ladi. Yumshatilgandan keyin ularning tuzilishi ferrit bilan perlitdan tarkib topadi (legirlovchi elementlarda uglerod qancha ko'p bo'lsa, perlit ham shuncha ko'p bo'ladi). Bunday po'latlarga termik ishlov berish toblash va yuqori haroratda bo'shatishdan iborat.

Detallar uchun po'latlar qizdiriluvchanligiga qarab tanlanadi, chunki qizish normal bo'lganda turli markadagi po'latlarning mexanik xossalari yaxshilangandan keyin bir-biriga teng bo'lib qoladi.

Yodda saqlang!

Po'latda legirlovchi elementlar qancha ko'p bo'lsa, uning qizdiriluvchanligi shuncha yuqori bo'ladi, demak, katta kesimli detallar uchun ko'proq legirlangan po'lat tanlash lozim.

Xossalari yaxshilanadigan 35, 40, 45 markadagi uglerodli po'latlarning kritik diametri kichikroq (15-25 mm) bo'ladi, shu sababli ular o'rta nagruzkada ishlaydigan kichikroq kesimli detallar uchun ishlatiladi.

38XA, 40X va boshqa xromli po'latlar keng ko'lamda ishlatilmoqda. Ular moyda toblanganda kesimi 20 mm gacha toblanadi. Xromli po'latlar kichikroq kesimli mashinasozlik detallari uchun ishlatiladi. Bunday po'latlar II turdagi bo'shatish mo'rtligiga moyil bo'ladi, shu sababli yuqori haroratda bo'shatilgandan keyin ularni moyda tez sovitish lozim. Bor qo'shila (0,0002-0,005%), xromli po'latlarning qizdiriluvchanligi ortadi.

Xrom va marganets bilan legirlash po'latning qizdiriluvchanligini oshiradi, lekin bunda zarbiy qovushqoqligi pasayadi va qizdirilganda avstenit donalarining o'sishiga moyilligi kuchayadi.

Xrom – kremniy – marganetsli po'latlar (xromansil)ning mexanik xossalari yuqori bo'ladi. 30XTC xromansil po'latlari izotermik toblanganda (880°C da toblanadi, 280 – 310°C li suyuqlangan tuzda sovitiladi) mexanik xossalari odatdagi toblashdagiga qaraganda ancha yuqori bo'ladi. Xromansillarning qizdiriluvchanligi o'rta bo'lib, qizdirilganda uglerodsizlanishga moyildir.

Nikel bilan legirlangan po'latlarning qizdiriluvchanligi eng yuqori bo'ladi. Nikel miqdori 3% atrofida bo'lganda (38XH3VA po'lati) kritik diametr 100 mm dan ortiq bo'ladi. Nikelli po'latlar katta kesimli detallar uchun ishlatiladi. Bundan tashqari, nikel po'latning qovushqoqligini oshiradi. Nikel xrom bilan birga ishlatilganda po'latning qizdiriluvchanligi yuqori, yaxshi toblanadigan bo'ladi va h.k.

Lekin xrom-nikelli po'latlar II turdagi bo'shatish mo'rtligiga moyil bo'ladi. Bu nuqsonni yo'qotish uchun xrom-nikelli po'latlar molibden yoki volfram bilan qo'shimcha (0,3-0,5%) legirlanadi.

Mexanik xossalarining bo'shatish haroratiga bog'liq ravishda o'zgarish uchala po'latda bir xil bo'ladi va puxtalik darajasi bir xil bo'lganda barcha po'latlarning xossalari bir-biriga yaqin bo'ladi. Lekin qizdiriluvchanligi har xiligi sababli kesim bo'yicha xossalarining o'zgarishi ham turlicha bo'ladi.

Termik ishlov berilgandan keyin 40X po'lati kesimning 20-25 mm gacha qismi, 40XHM po'lati kesimning esa 50-60 mm gacha qismi (moyda toblangandan so'ng) yuqori mexanik xossalarga ega bo'ladi.

3.8. Asbobsozlik polatlarga va alohida xossalari polatlarga termik ishlov berish



Yodda saqlang!


Asbobsozlik po'latlari yuqori qatqilikka ega bo'lgan, egilishga chidamli uglerodli va legirlangan po'latlardir.

Asbobsozlik po'latlari issiqlikka chidamlilik, ya'ni asbobning ish qirrasini qiziganda, masalan, katta tezlik bilan kesishda, qizigan metall deformatsiyalangan ham yuqorida ko'rsatilgan xossalarni saqlab qolish xususiyatiga ega. Asbobsozlik po'latlarida uglerodning miqdori, odatda, 0,7-1,5% bo'ladi.

Kesuvchi asboblarga termik ishlov berish. Barcha uglerodli po'latlarning (U8, U10A, U11A va b.) qizdiriluvchanligi past bo'ladi. Shu sababli uglerodli asbobsozlik po'latlari kichik o'lchamli asboblarni tayyorlash uchun ishlatiladi.

Asbobsozlik po'lati donador perlit tuzilishi, yumshatilgan holda yetkazib beriladi, chunki plastinasimon perlit va ikkilamchi sementit tuzilishiga ega bo'lgan po'latga kesib ishlov berish qiyin.

Yuqorida aytilgan uglerodli asbobsozlik po'latlarini toblashning eng maqbul harorati 19-rasmda ko'rsatilgan.



Uglerodli asbobsozlik po'latlarini toblash haroratlari

19-rasm. Asbobsozlik po'latlarini toblash haroratlari.

U7, U8, U9A po'latlarining toblangan holatdagi tuzilishi martensit bilan ortiqcha miqdordagi karbidlardan tarkib topadi. Uglerodli asbobsozlik po'latlarini suvda yoki ishqorlarning suvdagi eritmalarida sovutish zarur, chunki ularda o'ta sovigan austenitning turg'unligi kichik bo'ladi, tez sovutish natijasida deformatsiya, toblash kuchayadi va darzlar paydo bo'ladi.

Tob toblashini va darz ketishi ehtimolini kamaytirish uchun uglerodli po'latlar aralash yoki bosqichma-bosqich toblanadi. Toblangandan keyin po'lat inchiagina mo'rt bo'lib qoladi, shuning uchun toblashdan so'ng bo'shatish kerak. Bo'shatish harorati asbobning ish qatqiligi qiymati bilan aniqlanadi.

U7 po'lati zarbalar tushadigan asboblarni (zubilo, temirchilik shimplari, tamg'a va h.k.) tayyorlash uchun mo'ljallangan, ular yetarli darajada qovushqoq va qatqil bo'lishi kerak. Shu sababli U7 po'lati, qatqiligi HRC 48-55 bo'lishi uchun 250-325°C haroratda bo'shatiladi.

U8 po'latdan matritsalar, puansonlar, pichoqlar, ya'ni juda qatqil va qovushqoqliq yaxshi asboblarni tayyorlanadi. Qatqiligi 60-62 bo'lishi uchun U8 po'lati 200-220°C haroratda bo'shatiladi.

U9A va U10A po'latlaridan metchiklar, parmalar, razvyortkalar, frezalar va boshqa asboblarni tayyorlanadi. Ular 150-200°C haroratda bo'shatiladi, shunda qatqiligi HRC 60-63 bo'ladi.

U12A, U13A po'latlari eng qatqil va egilishga nihoyatda chidamli asboblarni (o'ichov asbobi, egovlar, o'ymakorlik asboblari va h.) tayyorlash uchun mo'ljallangan. Bu po'latlar 150-180°C haroratda bo'shatiladi va qatqiligi HRC 62-64 ni tashkil etadi.

Legirlangan asbobsozlik po'latlarining qizdiriluvchanligi ancha yuqori bo'ladi. Bu po'latlardan yasalgan asboblarni moyda yoki suyuqlantirilgan tuzlarda sovutildi, natijada darzlar paydo bo'lish, deformatsiyalanish va toblash xavfi kamayadi. Shu sababli legirlangan po'latlar murakkab shaklli asboblarni uchun ishlatiladi.

9XC va X po'latlari toblash uchun 820-860°C haroratgacha qizdiriladi va moyda sovutiladi, natijada ularning qatqiligi HRC 62-63 bo'ladi. Agar bo'shatilgandan keyin qatqiligi (HRC 62-63) saqlab qolish kerak bo'lsa, bo'shatish harorati 150-160°C, bosharti qovushqoqligini oshirish zarur bo'lsa 260-300°C (qatqiligi HRC 55-60) bo'ladi.

9HS po'latlarining kamchiligi toblash uchun qizdirishda uglerodsizlanishga moyilligi va yumshatilgan holatda juda qattiq (HRC 217-255) bo'lishidir, bu kesib ishlov berishni qiyinlashtiradi.

HVG po'lati 820-840°C gacha qizdiriladi va qattiqligini (HRC 62-63) saqlab qolish uchun 150-160°C da bo'shatiladi.

Tezkesar po'latlar yuqori darajada legirlangan po'latlar bo'lib, boshqa asbobsizlik po'latlaridan issiqlikka chidamliligi yuqoriligi bilan farq qiladi (600-620°C da ham martensit tuzilishini va juda qattiqligini saqlab qoladi).

Quyma tezkesar po'latning tuzilishida evtektoid (ledeburit) bo'ladi, u donalarning chekkalarida joylashadi. Evtektik qatlamining qalinligi sovutish tezligiga bog'liq: sovutish tezligi qancha katta bo'lsa, evtektika qatlami shuncha yupqa bo'ladi. Evtektika quyma po'latni mo'rtlashtiradi.

Bolg'alaganda evtektika turi alohida-alohida karbidlarga maydalanadi. Ichki zo'riqlarini yo'qotish va ishlov berilishini yaxshilash uchun, bolg'alashdan keyin po'latni yumshatish lozim.

Bolg'alangan po'lat buyum 860-880°C haroratli pechga joylashtiriladi va shu haroratda tutib turilgandan keyin 720-750°C gacha sovutiladi. Bolg'alangan buyum austenitning o'zgarishi tugaguncha shu haroratda tutib turiladi (4-6 soat), so'ngra po'lat pechda 40-50 grad/soat tezlik bilan 600°C gacha keyin, esa havoda sovutiladi.

Tezkesar po'latlardan yasalgan asboblarning issiqlikka chidamliligi yuqori bo'lishi uchun toblanadi. P12 po'lati 1240 - 1260°C gacha, P6M3 - 1220 - 1240°C gacha, P9F5 - 1240 - 1250°C gacha va P9K5 - 1230 - 1240°C gacha qizdiriladi.

O'lov asboblari termik ishlov berish. O'lov asbobi tayyorlanadigan po'latlar quyidagi xossalarga ega bo'lishi lozim:

- ✓ asbob sirtini aniq o'lgan va me'yoriga yetkazilgan holatda saqlanib turishi uchun po'lat egilishga nihoyatda chidamli bo'lishi;
- ✓ harorat o'zgarib turganda issiqlikdan kengayish koeffitsiyenti kam o'zgaradigan bo'lmog'i;
- ✓ ishlatish vaqtida tasodifiy zarbalar asbob uqalanmasligi uchun yumshoqligi qoniqarli bo'lmog'i.

O'lov asboblari tayyorlanadigan po'lat juda qattiq bo'lishi uchun termik ishlov berish yo'li bilan martensit tuzilishini puxtalash kerak.

O'lov asboblari uchun H (SHH15), HG, 20, 20H, 50, 55, 40H13 markali po'latlar ishlatiladi. Yassi-parallel o'lov vositalari va kalibrlar uchun H (HH15) va HG po'latlari ishlatiladi. HG po'lati tarkibida uglerod miqdori ko'p (1,1-1,5%) bo'ladi.

Bir jinsli tuzilish hosil qilish uchun, bu po'latlardan yasalgan asboblarda 850-860°C da me'yordan va 600°C da bir soat bo'shatiladi.

H va HG po'latlari 840-850°C da moyda toblanadi. Toblash uchun bundan yuqori haroratda qizdirilganda qoldiq austenit miqdori ko'payadi. Toblangan po'latda vaqt o'tishi bilan asboblarning hajmi va o'lganlarini o'zgaritadigan o'zgarishlar sodir bo'ladi (eskiradi). Ushbu o'zgarishlar qoldiq austenitning martensitga aylanishi va martensit panjarasining tetragonallik darajasi kamayishi (martensitning parchalanishi) sabab bo'ladi.

Eskirishining oldini olish uchun o'lov asboblari 203 K da sovuq bilan ishlov beriladi, so'ngra 120-130°C da uzoq vaqt (24-60 soat) bo'shatiladi.

Silliqlangandan keyin darz ketishning oldini olish uchun 2-3 soat davomida qo'ya bo'shatish lozim. Bunday ishlov berilgandan so'ng qattiqligi HRC 62-64 bo'ladi.

Skobalar, andazalar, lekalar kam uglerodli 20, 20H po'latlardan yoki o'rtacha uglerodli 50, 55 po'latlardan tayyorlanadi. 20 va 20H po'latlardan tayyorlangan asboblarning sementatsiyalanadi, 790-810°C da moyda (20H po'lati) yoki suvda (20 po'lati) toblanadi. Shundan keyin 150-180°C da 2-3 soat bo'shatiladi. Sementatsiyalangan qatlamning qalinligi yupqa (taxtalangan po'latdan tayyorlangan detallar) bo'lgani va unda yuz beradigan o'zgarishlar po'latning umumiy hajmi o'zgarishiga kam ta'sir etgani tufayli uzoq vaqt davomida bo'shatish talab etilmaydi.

50 va 55 po'latlardan tayyorlanadigan asboblarda induksion qizdirish bilan toblanadi. Bu deformatsiya kamayishiga yordam beradi va to'g'rilashni osonlashtiradi. 150-180°C da 2-3 soat bo'shatiladi. 50 va 55 po'latlaridagi toblangan qatlamning egilishga chidamliligi sementatsiyalangan po'latlarnikidan past bo'ladi.

40H13 po'lati korroziyabardosh asboblarni uchun ishlatiladi. Toblangandan (950-1000°C gacha qizdirilib, moyda sovutilgandan) keyin 120-130°C da 12 dan me'yoriga yetkazishda sirti juda toza detallar olishni qiyinlashtiradi.

Shtamplar va press-qoliplarga termik ishlov berish. Shtamplanadigan po'latlar metallni deformatsiyalovchi asboblarni tayyorlash uchun mo'ljallangan. Shtamplanadigan po'latlar ikki guruhga: sovuqlayin deformatsiyalash uchun mo'ljallangan po'latlar va qaynoq holda deformatsiyalash uchun mo'ljallangan po'latlarga bo'linadi.

Sovuqlayin deformatsiyalash uchun mo'ljallangan shtamplanadigan po'latlar juda qattiq va puxta, egilishga chidamli, qovushqoqligi qoniqarli darajada va qizdiriluvchanligi yuqori bo'lishi kerak. Shu bilan birga bu po'latlarning toblashdagi hajmiy o'zgarishlari juda kichik bo'lishi lozim, bu ayniqsa, murakkab shaklli shtamplar uchun muhimdir.

Oddiy shakldagi va o'lchamlari kichik shtamplar uchun uglerodli U10A-U12A po'latlari ishlatiladi. Qizdiriluvchanligi yuqori emasligi sababli ularni nisbatan yengil ish sharoitida (deformatsiyalar kam va shtamplanadigan materialning qattiqligi kichik bo'lganda) ishlatish lozim.

Bo'shatish harorati asbobning zarur qattiqligiga (masalan, toblangandan va 250-350°C da bo'shatilgandan keyin U10A po'latining qattiqligi HRC 58 bo'ladi) qarab aniqlanadi.

Prokatka qilingan rolk va plashkalar, cho'zish filterlari egilishga juda chidamli, issiqlik o'tkazuvchanligi yuqori, tarkibida xrom ko'p (12%) po'latlardan tayyorlanadi. Oritqcha karbidli faza miqdori ko'pligi uchun tarkibida xrom ko'p po'latlar egilishga chidamli bo'ladi.

H12F1 va H12M po'latlarga turli xil tartibda termik ishlov beriladi, shundan keyin ularning qattiqligi HRC 60 ni tashkil etadi. Po'latlar bunday qattiq bo'lishi uchun 1000-1050°C haroratda toblangandan keyin moyda yoki selitrada sovutiladi. Toblangan po'latning tuzilishi martensit, karbidlar va qoldiq austenitdan (20-25%) tashkil topadi. So'ngra past haroratda (150-180°C) bo'shatiladi. Qattiqligi HRC 62-64 bo'ladi. Agar bo'shatish harorati bir oz ko'tarilsa (180-220°C), u holda qattiqligi HRC 58-60 gacha pasayadi. Bunday ishlov berish birlamchi qattiqlikka toblash deyiladi.

Ancha yuqori haroratlarda (1100-1150°C) toblashda moyda yoki selitrada sovutiladi, toblangan po'latning tuzilishida qoldiq austenit miqdori ko'payadi (35-45% gacha), toblangan po'latning kattaligi HRC 50 gacha pasayadi.

Qoldiq austenitni yo'qotish va ancha qattiq po'lat olish uchun, u toblangandan keyin 520-540°C haroratda ikki-to'rt marta bo'shatiladi yoki 203 K da sovuq bilan ishlov beriladi. Natijada qoldiq austenit martensitga aylanadi va qattiqlik HRC 60-63 gacha ortadi. Bunday ishlov berish ikkilamchi qattiqlikka toblash deyiladi.

Tarkibida xrom ko'p po'latlarning muhim kamchiligi bor, ularning karbid bo'yicha bir jinslimasligi yuqori bo'lgani sababli metallning kesimi bo'yicha mexanik xossalari pasayadi. Bundan tashqari, ularning yumshatilgan holatdagi qattiqligi yuqori bo'ladi (NV 2070-2690), bu esa kesib ishlov berishni qiyinlashtiradi.

Tekshirish uchun savollar

1. Yumshatish turlari sanab bering va tushuntiring.
2. Qanday toblash usullari bor?
3. Po'latdagi o'zgarishlarga legirovchi elementlar qanday ta'sir ko'rsatadi?
4. Legirlangan po'latlarning tasnifi va markalanishini tushuntiring.
5. Asbobsozlik po'latlariga termik ishlov berishni izohlab bering.

4. QORA VA RANGLI METALLAR TEKNOLOGIYASI

4.1. Cho'yan ishlab chiqarish

 Tabiiy birikmalardan aniq zaruriy xususiyatli metall ajratib olish texnologik jarayoniga *metallurgiya* deb aytiladi.

Cho'yan olish uchun ishlatiladigan materiallar.

Mashinalarning har xil qurilmalarini tayyorlashda sanoatda, asosan, temir qotishmalaridan foydalaniladi. Cho'yan temir rudalarini pechlarda eritish yo'li bilan olinadi. Rudalar tarkibining ma'lum qismini temir tashkil qiladi.

 Temir tabiatda eng ko'p tarqalgan element hisoblanib, yer qatlaminig og'irligini 4,7% ni tashkil etadi.


Kimyoviy toza temir kumushsimon oq rangda bo'lib, bolg'alanuvchan yumshoq metallidir. Ma'lumki, tabiatda sof temir kamdan-kam uchraydi. Tabiiy sharoitda doim birikma tarkibida bo'ladi.

 Metallurgiyada temirni ajratib olinadigan birikmalar temir rudalari deb ataladi.

Temir rudalarida temir oksidlari bilan birga boshqa oksidlar SiO_2 , CaO , MgO va S , P va boshqalar ham uchraydi.

Cho'yan ishlab chiqarish uchun tarkibida kamida 23-25% temir bo'lgan rudadan foydalaniladi. Rudani foydalanmaydigan qismini bekorchi jins tashkil etadi.

Temir rudasida bekorchi jismlarni ko'p hollarda qum, tuproq, ohak tashkil etadi. Keraksiz bekorchi jismini tashkil etgan S va P rudaning sifatini buzadi. Ba'zi rudalarda temirdan tashqari nikel, xrom kabi elementlar ham uchraydi. Bular cho'yan tarkibiga o'tib, uning xususiyatlarini yaxshilaydi.



Temir mineralda temir oksidi holida bo'ladi. Bunda toza temir miqdori 55-65% va qolgani kisloroddur. Rudada bekorchi jinsni qum, tuproq tashkil etadi. Rangi qoramir. Bunday temir magnit xossasiga ega bo'lgani uchun *magnit temirtoshi* deb yuritiladi.

Temirning o'rta miqdori 55-60% ga teng. Rudaning rangi uning kimyoviy tarkibiga ko'ra och qizildan to'q qizilgacha o'zgaradi. Bekorchi jinslarni qum, tuproq tashkil etib, P juda kam miqdorda bo'ladi.

Qizil temirtosh Fe_2O_3

Qo'ng'ir temirtoshda temirning miqdori 57-66%. Bu rudalar tarkibida bekorchi jinslar ko'p bo'lganligi uchun temirning miqdori 30-50% ni tashkil etadi. Bekorchi jinslar gil, qum va boshqalardan iborat. Bu rudada temirdan tashqari xrom, nikel va vanadiy ham bo'ladi.

Qo'ng'ir temirtosh $2\text{Fe}_2\text{O}_3 \cdot 3\text{H}_2\text{O}$

Bu mineralda temirning miqdori 35-45% ni tashkil etadi. Mineralning tarkibida gil, qum va ohaktosh bor. Rangi tiniq kulrang.

Temir shpati FeCO_3

Har qanday rudaning sanoat ahamiyatiga ega ekanligi quyidagilar bilan ifodalanadi va aniqlanadi:


1. Rudadagi temirning miqdori.

2. Rudadagi qo'shimchalarning turi va kimyoviy tarkibi.

3. Ruda qazib olishning arzon yoki qimmatligi.

4. Rudaning kondagi miqdori va uni qayta ishlash joyiga tashish imkoniyati.

Rudani domna pechlariga kiritishdan oldin, keraksiz jismlardan qisman tozalab, undagi metallning miqdorini sun'iy ravishda oshirish jarayoniga rudani boyitish deb ataladi.



20-rasm. Elektromagnit usulida rudani boyitish sxemasi.
1-ruda, 2-temirga boy ruda, 3-bekorchi jinslar, 4-elektromagnit.

Rudalarni boyitish yoki eritishga tayyorlash quyidagi jarayonlardan iborat(20-rasm):

Rudalarni maydalash va g'alvirlash

Katta hajmdagi rudalarni domna pechlariga to'ldirishdan oldin maxsus maydalagich mashinalarida maydalanib, ularni ma'lum o'lchamga keltiriladi. Maydalangan rudalarni g'alvirlash uslubini bilan saralanadi. Saralash natijasida, ruda bekorchi jismlardan birmuncha tozalanadi. Ba'zan g'alvirlash bilan birga rudani yuvish jarayoni birga bajarilib, ruda suv bilan yuvilib tozalanadi. Rudani yuvilganda keraksiz jinslar suv bilan oqib ketadi, natijada temir miqdori 5-20% gacha ko'payishi mumkin.

Rudani elektromagnit usul bilan boyitish.


Bunda ruda elektromagnit separatorlaridan o'tkaziladi. Bu usul bilan ishlansa, ruda 5-15% ga boyishi mumkin.

Rudani aglomeratsiya yo'li bilan boyitish

Juda mayda temir rudalarni domna pechlariga eritish uchun yuklab bo'lmaydi. Chunki mayda zarrachalar chiqayotgan gaz oqimi bilan qo'shib tashqariga chiqib ketadi va chang tutgichlarni ishdan chiqaradi.

Shuning uchun mayda rudalar yiriklashtiriladi. Mayda rudalar qazib olishda, elashda mayda holatida yig'iladi. Bulardan ma'lum o'lchamli (10-40 mm) konsentratlar olish uchun maxsus tarkibidagi maydalangan shixta (40-50% temir ruda, 15-20% ohaktosh, 20-30% konsentrat, 4-6% koks, 6-9% suv) aralashmasi mashina qoliplariga kiritilib, 1300-1500°C haroratda qizdirib pishiriladi. Qizdirish natijasida qisman suyuq faza hosil bo'ladi va uning yordamida zarrachalar o'zaro bog'lanadi.

Hosil bo'lgan flyusli g'ovak konsentratga aglomerat deyiladi.




21-rasm. Aglomeratsiyalash sxemasi.

- 1-transpartyor, 2-qolip, 3-aralashma,
- 4-bunker, 5-transpartyor, 6- aralashma,
- 7-namlagich, 8-qolip, 9-yondirgich,
- 10-rolik.

Yonilg'ilar. Metallurgiyada yoqilg'i sifatida ishlatiladigan uglerod yuqori darajada issiqlik berish bilan birga, yonish jarayonini borishida, kimyoviy reaksiyalarda ham faol ishtirok etadigan muhim elementdir.

Metallurgiyada ishlatiladigan yonilg'ilarga asosiy talab shuki, ular uqalanib ketmaydigan, yonganda oz kul qoldiradigan, yuqori energiya beradigan bo'lishi kerak. Yonilg'ida S, P kabi elementlar mumkin qadar kam bo'lishi zarur.



22-rasm. Metallurgiyada ishlatiladigan yonilg'ilar.

Metallurgiyada muhim ahamiyatga ega bo'lgan asosiy yonilg'ilar (22-rasm)

Kokslanuvchi Toshko'mirdan maxsus pechlarda havosiz sharoitda 1000-1100°C gacha qizdirish yo'li bilan olinadi. Koksni issiqlik berish darajasi 7000-8000 k kal/kg. Koks olish uchun Toshko'mir pechlarda 12-18 soat davomida maxsus kameralarda qizdiriladi.

Koks

Bular asosan neft va uning birikmalari eng yaxshi yonuvchi yonilg'i bo'lib, 9500-10000 k kal/kg energiya beradi.

Tabiiy suyuqliklar

Toshko'mirdan koks olishda koks gazi hosil bo'ladi va tarkibida vodorod (50-60%), metan (20-34%), uglerod oksidi CO (3-4%), CO₂ gazi 2-3% va azot bo'ladi. 1 m³ koks gazi yonganda 4000-4500 k kal issiqlik ajraladi. 1 tonna ko'mir yonganda 300-320 m³ koks gazi hosil bo'ladi.

Koks gazi

Domna pechlarida yonish jarayonini borishi natijasida gaz ajraladi. Bu gazni tozalab koks gazi bilan aralashirilib ishlatiladi. Bu gaz Marten pechlarida va qizdirgich pechlarida ishlatiladi. Yonganda 1150-1500 k kal m³ issiqlik ajralib chiqadi.

Yog'ochni 400-600°C havosiz muhitda qizdirish yo'li bilan olinadi. Pista ko'mir sifatli yonilg'i, chunki tarkibida 0,8% kul bo'ladi xolos.

Pista ko'mir

O'tga chidamli materiallar. Cho'yan va po'latni yuqori haroratda eritib olinadi. Shuning uchun pechning ichki devorlari, ayniqsa, uning erigan metall va shlak tegadigan yuzalariga ishlatiladigan materiallar o'tga chidamli bo'lishi kerak. O'tga chidamli materiallar pechdagi yuqori haroratda parchalanmasligi, yumshamasligi, metall va pechdagi gazlar ta'sirida shaklini, hajmini o'zgartirmasligi kerak.

O'tga chidamli materiallar kukun, g'isht va boshqa ko'rinishlarda bo'ladi.

Kimyoviy tarkibiga ko'ra o'tga chidamli materiallar kislotali, asosli va neytral turlarga bo'linadi.

Pech devori materialini tanlash uchun pechdan chiqadigan shlakning tavsifini bilish kerak. Agar pechda kislotatavsifli shlak hosil bo'lsa, pech devoriga ishlatiladigan materiallar ham kislotatavsifiga ega bo'lishi zarur va aksincha. O'tga chidamli kislotatavsifli materiallarga dinas g'ishti, kvarsit va boshqalar kiradi.

Dinas g'ishtining tarkibida 92-96% kvarsit bo'ladi, bog'lovchi material sifatida gil tuproq ishlatiladi va shakl beriladi. 1400-1600°C da maxsus pechlarda qizdiriladi.

O'tga chidamli asosli materiallarga magnezit ($MgCO_3$), dolomit ($MgCO_3 \cdot CaSO_3$) va hokazolar kiradi. Magnezitning erish harorati 2000-2400°C.

Dolomit kukun va g'isht shaklida po'lat eritadigan pechlarda ishlatiladi. Magnezit maydalanib, ozroq gil tuproq qo'shiladi va kerakli buyum olinadi 1400°C gacha pechda qizdiriladi. Bu g'isht Marten va elektr pechlarining devorlarini qoplashda ishlatiladi. Magnezit kukumi esa, pechlarni ta'mirlashda ishlatiladi.

O'tga chidamli neytral materiallar metallurgiya pechlarida eng ko'p ishlatiladigan materiallardir. Bu materiallarga gil tuproq bilan qum tuproq kiradi. Texnikada shamot deb ataladi va 2000-2100°C ga bardosh beradi.

Yuqorida aytilganidek rudani domna pechlarida eritishdan oldin boyitiladi. Lekin boyitilgan rudada baribir keraksiz jinslar mavjud. Ruda eritilayotgan vaqtda yonilg'idan hosil bo'lgan kul va bekorchijinslardan qutilish uchun maxsus modda solinadi. Bu modda flyus deb ataladi.



Flyus bekorchijins tarkibiga va miqdoriga qarab belgilanadi. Keraksiz jins kislotali bo'lsa, flyus sifatida biror asosli oksid, keraksiz jins asosli bo'lsa, aksincha flyus sifatida kislotatavsifli flyus solinadi.


4.2. Domna pechining tuzilishi va ishi

Cho'yanlarni domna pechlarida eritilib olinadi (23-rasm).

Domna pechining ichki devorlari o'tga chidamli shamot g'ishtidan qurilgan. Ustki qismi po'lat listlar bilan qoplangan. Domna pechlari shaxta tipida bo'lib, quyidagicha tuzilgan.

Domna pechining asosiy qismlari; koloshnik, shaxta, raspar, zaplechik va gorn. Pechga to'ldirilgan ruda, yonilg'i va flyusni *shixta* deb aytiladi. Shixta pechga porsiyalab tashlanadi.

Pechning raspar qismi yaqinida diametri $d=150-225$ mm truba halqa o'rnatilgan bo'lib, undan pechga 1000-1100°C ga qizdirilgan havo keladi. Havoni *kauper* deb ataluvchi maxsus qurilmalarda qizdiriladi.



23-rasm. Domna pechini tuzilishi.

Domna pechini tavsiflovchi ko'rsatgich, bu uning foydali hajmidir. Gorn, zaplechik, raspar, shaxtaning hajmlar yig'indisi pechini foydali hajmi deb atiladi.

Koksda ishlaydigan pechlarning foydali balandligi 30-32 m ni, ba'zan 40 metrga yetadi. Foydali hajmi 1300 m³ bo'lgan pechlarda sutkasiga 1800-2000 t cho'yan ishlab chiqariladi. Katta domna pechlarni qurish iqtisodiy jihatdan foydali, chunki olinadigan cho'yaning tannarxi kichik pechlarnikiga qaraganda 3-4 marta arzon.

Metallurgiya zavodlarida bir vaqtda ishlovchi bir necha domna pechlari bo'lib, ular birin-ketin ishlaydilar. Pechni to'ldirish uchun juda katta hajmdagi yukni domna pechini yuqori qismiga olib chiqib, uni pechga tashlash kerak. Bu juda og'ir ish bo'lib, bu ishlar mexanizatsiyalashgan.

Domna pechlarning foydali balandligi deb, solingan shixtani yuqori qismidan, cho'yan chiqadigan teshikkacha bo'lgan oraliqqa aytiladi.

4.3. Domna pechini mahsulotlari

Domna pechini mahsulotlari cho'yan, shlak va domna gazi bo'lib, shulardan cho'yan domna pechini asosiy mahsulotidir.

Cho'yanlar kimyoviy tarkibi bo'yicha va ishlatilishiga qarab oq cho'yan (qayta ishlanadigan cho'yan), quyish cho'yan (kulrang cho'yan),..... maxsus cho'yanlar (ferroqotishmalar), legirlangan cho'yanlarga bo'linadi.

Oq cho'yan tarkibidagi uglerod temir karbid holatida bo'ladi. Bunday cho'yanlarni sindirilsa, yuzalari oq rangda bo'ladi, shuning uchun oq cho'yan deb ataladi.

Hozirgi kunda eritilayotgan cho'yanlarning 80% oq cho'yandir. U qayta ishlab olinadi.

Tarkibida kremniy va marganets odatdagi cho'yanlikdan ko'proq bo'lgan cho'yanlar *maxsus cho'yanlarga* kiradi yoki *ferroqotishmalar* deb yuritiladi.

Tarkibida 9-13% Si bo'lgan cho'yan ferrotisiliy, tarkibida 10-25% Mn bo'lgan qotishma *marganets* yoki *yaltiroq cho'yan* deb yuritiladi. Tarkibida 75% gacha bo'lgan qotishmalar *ferromarganetslar* deb ataladi.

Legirlangan cho'yanlarda, odatdagi elementlardan tashqari xrom, nikel, titan va boshqa elementlar bo'ladi. Bu elementlar cho'yanni mexanik-fizik xossalarni yaxshilaydi.


Domna shlaklari har xil maqsadlar uchun ishlatiladi. Shlakni kovshdan suvga ag'darilsa, donalar granul hosil qiladi va granuldan shlak g'ishti ishlab chiqariladi. Bug' bilan ishlansa shlak paxtasi hosil bo'ladi.

Domna gazlari tarkibida 30% gacha uglerod II oksidi bo'ladi. CO ning issiqlik berish qobiliyati 900-950 k kal/m³. Shuning uchun yaxshi yonilg'isi hisoblanadi. Domna gazlari changdan tozalangach kauperlarni, pechlarini qizdirishda ishlatiladi. Koloshnik changi maxsus qurilmalarda yig'ilib, aglomeratsiya mashinalarida aglomeratga aylantiriladi va qaytadan domna pechiga solinadi.

Cho'yanning kimyoviy tarkibi o'rtacha: 2,5-4,5% C, 0,3-4,26% Si, 0,1-1,32% Mn, 0,1-1,2% P, 0,3-0,5% S bo'ladi.

4.4. Kislorodli konvertorlarda po'lat olish

Konvertor deb ataladigan maxsus eritish agregati nok shaklida bo'lib, ichki devori o'tga chidamli materialdan yasalgan, tashqi tomoni 20-25 mm qalinlikdagi po'lat list bilan qoplangan. Konvertorning o'rta qismi po'lat halqa bilan o'ralgan bo'lib, bu halqalarga konvertorni tayanchi hisoblangan sapfalari biriktiriladi (24-rasm).



24-rasm. Kislorodli konvertorning ko'rinishi.

Po'lat ishlab chiqarishda ko'pincha shixta materiallari tarkibida S va P tunning miqdori ko'p bo'lgani uchun sanoatda devori asosli g'ishtlardan terilgan pechlar ishlatiladi. Mashinalarning muhim detallarini tayyorlash uchun zarur bo'lgan po'latlarni ishlashda devori kislotatavsiyli g'ishtlar bilan terilgan pechlardan foydalaniladi. Kislotatavsiyidagi jarayonda pech tubiga dinas g'ishti, asosli jarayonda magnezit g'ishtlari teriladi. Konvertorlar havoda va kislorodda ishlashi mumkin. Havoda ishlaganda po'lat havoning tarkibidagi ba'zi elementlar bilan to'yinib qoladi, natijada po'latning sifati pasayadi.

Shunga ko'ra keyingi vaqtlarda konvertorlar kislorodda ishlatilmoqda. Kislorod konvertorlarida olingan po'latning sifati ancha yuqori bo'ladi.

Kislorod konvertorlarini ustki qismidan sovutiladigan fumalar orqali kislorod haydalib, uni ko'tarib va tushirish elektr dvigatel yuritmasi yordamida bajariladi (24-rasm.). Furma kanali metall sirtidan 300-700 mm uzoqlikda joylashgan. Berilayotgan kislorodning bosimi 10-12 atm, tozaligi 97,99%, bir tonna po'lat olish uchun bir daqiqada 2,2-4,5 m³ kislorod haydaladi. Jarayon pech hajmiga qarab 30-60 daqiqa davom etadi. Hozirda kislorodli konvertorlarning hajmi, odatda, 100-300 t, ammo hajmi 500 t gacha bo'lgan konvertorlar ham mavjud.

Kislorodli konvertorlarning ish jarayonlari avtomatik tarzda nazorat qilinadi. Konvertorni mexanizm yordamida 0-360° ga burish mumkin.

Konvertorni skrap (temir-tersak), cho'yan, flyus, bilan to'ldirish konvertorning yuqori qismidagi bo'g'izidan, po'lat va shlakni quyib olish esa yon tomonidagi novdan bajariladi.

Shixta tarkibida suyuq oq cho'yan, po'lat temir tersagi, ohaktosh, temir rudasi, boksit, dala shpatidan iborat bo'lishi mumkin.


Konvertorga quyilayotgan cho'yanning harorati 1250-1400°C. Kislorod konvertorlarida harorat katta bo'lgani uchun 20-30% temir ruda va skrapdan foydalaniladi. Bunda konvertorni gorizontol holatga keltirilib, shixta solinadi (suyuq cho'yan og'irligiga nisbatan 25-30% metallom kiritiladi).

So'ng oq cho'yan quyiladi va konvertor vertikal holatga keltirilib, unga kislorod bera boshlanadi, shuning bilan birga shlak hosil qiluvchi komponentlar ham solinadi (ohak, boksit, temir rudasi), furma yuzi bilan metall yuza oralig'i 0,3-0,8 m uzoqlikda bo'lishi kerak.

4.5. Po'latni Marten pechlarida ishlab chiqarish



Fransuz metallurglari P'er va Emil Martenlar metall chiqindilarini cho'yan bilan birga eritib po'lat olish usulini taklif qildilar.



Marten pechlarida qayta ishlovchi shixta materiallarini tavsifiga qarab, jarayonlar quyidagilarga bo'linadi:



1. Skrap jarayoni.

Bu jarayonda shixta sifatida chushka cho'yani bilan temir-tersakdan foydalaniladi. Skrap jarayoni asosli va kislotatavsiyidagi pechlarda boradi. Hajmi 100 tonnagacha.



2. Cho'yan-rudali jarayon

Bu jarayonda shixta sifatida suyuq cho'yan bilan temir rudasidan foydalaniladi. Shixta tarkibi 80-90% suyuq cho'yan, 10-20% temir rudasi bo'ladi.




3. Skrap-rudali jarayoni

Asosiy jarayon bo'lib, bunda shixtaning 60-80% qayta ishlanuvchi suyuq cho'yan va qolgan ruda va temir-tersak (hajmi 300-500t). Skrap jarayonini devori kislotatavsiy va asosli g'ishtlardan terilgan pechlarda olib boriladi. Bu jarayonda temir-tersakni qayta eritishda cho'yandagi qo'shimcha elementlarni oksidlash uchun pechga ma'lum miqdorda temir rudasi solinadi.


Skrup-ruda jarayonida P va S ko'p bo'lgan shixta materiallari ishlatiladi.

4.6. Gaz bilan ishlaydigan Marten pechlarining tuzilishi va ishi

Marten pechlarining asosiy qismi vannadir. Bu cho'zinoq eritish bo'shlig'i bo'lib, metall uning tubida joylashgan. Pechning devorlari o'tga chidamli dinas yoki xrom magnetit g'ishtlaridan terilgan. Pechning oldi qismida shixta materiallarini yuklash uchun darcha bor. Orqa devorida erigan po'latni chiqarish uchun teshik va nov mavjud. Pechning ish qismi yerdan 4,5-8 m balandlikda joylashgan, bu esa tamov ostiga katta hajmdagi kovshni quyishga imkon beradi.



Marten pechlarida metallni eritish uchun katta harorat kerak, buning uchun pechga havo va gaz qizigan holda beriladi. Qizdirishni to'rtta regeneratorlari bajaradi.



Regeneratorlar o'tga chidamli g'ishtlardan vertikal kanalchalar shaklida terilgan bo'lib, pechning har tomonida ikkitadan joylashgan. Regeneratorlarning ustki bo'shlig'i erish kamerasini tepa qismi bilan birlashgan bo'lib, pastki qismi kiritish yoki chiqarish trubalari bilan birikkan.

Pechning vannasiga haydaluvi havo qizigan gaz regeneratorining katak-katak kanallaridan o'tib, asta-sekin qizitadi. Sovuq havo ham ikkinchi qizigan havo regeneratorining katak-katak kanallaridan o'tib qiziydi.

Pechga haydaladigan gaz va havo 1100-1300°C gacha qizdirilib yuboriladi. Regeneratorlardan haydalayotgan havo va gaz pechning bo'g'izida o'zaro aralashib yonadi va natijada shixta materiallari ma'lum vaqt o'tgandan so'ng eriydi. Havo regeneratorlari kattaroq bo'lib, pechga ko'proq havo beradi. Chunki ortiqcha havo pechning ichidagi cho'yan, skrap uglerodini va boshqa elementlarini oksidlaydi.

Har 20-30 daqiqada havo va gazning yo'nalishi avtomatik ravishda o'zgartirilib, pechga borayotgan havo va gazning qizish darajasi ta'minlanadi.

Qizdirilgan gazning qizdirilgan havoda yondirilishi natijasida pechning ishchi yuzasida harorat 1800-1900°C ga yetadi, bu esa po'lat ishlab chiqarish uchun yetarlidir.

Agarda marten pechlari tabiiy gaz yoki mazut yordamida qizdirilsa, gazlarni qizitib beruvchi kameralarga ehtiyoj bo'lmaydi.

Marten pechlarining hajmi har xildir. Eng ko'p tarqalgan pechlarning hajmi 50-175 t gacha boradi, ammo ish hajmi 500 tonna bo'lgan pechlar ham mavjud.

4.7. Rangli metallar ishlab chiqarish

Qora metallar singari rangli metallar ham sanoatda konstruksion material sifatida katta ahamiyatga ega. Ayniqsa, elektrotexnika va radiotexnikada, samolyotsozlikda, asbobsozlikda va mashinasozlikning boshqa tarmoqlarida ularning ahamiyati beqiyosdir. Eng ko'p ishlatiladigan rangli metallarga mis, aluminiiy, magniiy, nikel, qo'rg'oshin, qalay, rux, xrom, volfram, titan va boshqalar kiradi. Ancha katta guruhni tashkil etgan rangli metallar turli-tuman xossalarga ega. Ish sharoitiga ko'ra elektr sanoat uchun yengil va mustahkam metall kerak, ba'zi bir joyda issiqlikni yaxshi o'tkazadigan, kam yeyiladigan, zanglamaydigan, ishqalanishi kichik bo'lgan metallar zarur.

Fan va texnikaning yangi tarmoqlari vujudga kelishi bilan sanoatda ham yangi tarmoqlar vujudga keldi. Bular atom texnikasi, radiotexnika, televideniya, kosmotexnika va boshqalar. Yangi tarmoqlar uchun yana ham yuqori xossalarga ega bo'lgan nodir metallarni ishlab chiqarishni ko'paytirish (titan, germaniiy, reniiy, gafniy, niobiiy) ko'zda tutilmoqda.

Texnikada va sanoatda eng ko'p ishlatiladigan konstruksion rangli metallardan mis, aluminiiy va magniiylar bo'lib, keyingi vaqtlarda titan, nikel ham ko'plab ishlatilmoqda.

Tekshirish uchun savollar

1. Temir rudalarining turlarini keltiring.
2. Rudalarni eritishga tayyorlashning mohiyatini bayon qiling.
3. Domna pechning tuzilishi va uning yordamchi qurilmalari haqida ma'lumot bering.
4. Domna pechida boradigan fizik-kimyoviy jarayonlarni izohlang.
5. Cho'yanni hosil bo'lishda CO gazning ahamiyatini keltiring.
6. Rudadan temirni tiklanishini tushuntiring.
7. Kislorod konverterning sxemasini chizing va po'latni hosil bo'lish jarayonini izohlang.
8. Po'latni quyish usullarini tushuntiring.
9. Po'latning sifatini oshirish uchun qanday texnologik jarayonlar bajariladi?
10. Texnikada eng ko'p ishlatiladigan rangli metallarni ayting.

5. QUYMAKORLIK

5.1. Quymakorlik haqida umumiy ma'lumotlar



Quymakorlik deb erigan metallni qoliplarga quyib fason quymalar, xomashyolar olish texnologiyasiga aytiladi.

Quymani keyingi mexanik ishlash natijasida undan detal tayyorlanadi. Ayrim quymalar ishlov berilmasdan ishlatiladi.

Quymakorlik mashinasozlikda, qurilishda ishlatiladigan mexanizm va mashinalarning detallarini tayyorlashda keng qo'llaniladi. Og'irligiga nisbatan metall kesish dastgohlarining 80%, prokat stanlarining 68%, avtomobil va traktorlarning 30-60% ni quyma detallar tashkil etadi.

Quymakorlik bilan olingan detallar ancha arzon bo'ladi. Boshqa usullar bilan xuddi shunday detalni tayyorlash bir necha bor qimmatga tushishi mumkin. Bundan tashqari, quyma usul bilan murakkab shakldagi katta detallarni har xil qotishmalardan oson olish imkoni bo'ladi. Ba'zan ana shunday detallarni boshqa usullar bilan tayyorlab bo'lmaydi. Quyma detallarning og'irligi 10 gramm dan 100 tonnagacha bo'lishi mumkin.

Quymakorlik usuli bilan juda mas'uliyatli detallar: ichki yonuv dvigatellarining bloklari, gaz turbinalarining lopatkalari, moy nasoslarning korpuslari, dastgohlarning staninalari va boshqalarni olish mumkin.

Undan tashqari quymakorlik bilan olingan detallarni aniqligi ham yetarli bo'lib, o'lchamlarini chetga chiqishi oz miqdorida bo'ladi.

Quymani po'lat va cho'yandan, aluminii, magnii, titan, mis qotishmalari va boshqalardan olinadi. Mashinasozlikda keng qo'llaniladigan detallar, asosan, po'lat va cho'yanlardan quyiladi.

Quyish yo'li bilan quyma olish bir nechta texnologik jarayonlar-bosqichlarning yig'indisidan iborat bo'lib, ular:



Eslab qoling!

model komplekslarini tayyorlash

qolip va sterjenlar uchun ularning aralashmalarini tayyorlash

sterjenlarni tayyorlash va quritish

quyish uskunalarini tayyorlash

model bo'yicha qolip tayyorlash

metallni eritish va qolipga quyish;

quymani sovitish, tozalash va nazorat qilish




Metallni quyish uchun qoliplar bir martalik va doimiy bo'ladi. Bir martalik qoliplar qolip aralashmasidan tayyorlanadi. Doimiy qoliplar metallardan tayyorlanib, ularda ko'p martalab quymalar olinadi. Qolip olish uchun model zarurdir.

Model – buyumning nusxasi bo'lib, detalning chizmasi bo'yicha metallardan, qattiq yog'ochdan tayyorlanadi.

Modellar bir butun yoki yig'ma bo'ladi. Yig'ma modellarning qismlari bir-biriga tirnoqlar yordamida yoki yelimlab yig'iladi (25-rasm).

Yog'och modellarni namdan saqlash uchun ular bo'yaladi. Ko'p holda modellar har xil rangga bo'yaladi, o'sha rang bilan qanaqa metall quyish ham aniqlanadi.




25- rasm. Metall qolip sxemasi:

1-qolip bo'shlig'i, 2-gaz chiqaruvchi teshik, 3-quyish tizimi kanali,


4-sterjen, 5-qovurg'a, 6-qolip bo'laklari.

Modellar ancha mustahkam bo'lishi kerak, chunki presslovchi mashinalarda model zichlagich bilan uriladi. Ko'plab quyma olish uchun avtomatik mashinalarda ishlatiladigan modellar metall qotishmalardan tayyorlanadi (kulrang cho'yan, aluminiiy va mis qotishmalaridan). Suyuq metall va qotishma qotgandan so'ng cho'kadi.

Cho'kish miqdori metall va qotishmaning turiga bog'liq, shuning uchun modellarning o'lchami buyum o'lchamidan biroz kattaroq bo'lishi kerak. Misol uchun cho'yan 1-2 % ga, po'latlar 1,5-3 % ga, bronza 1-1,5 % ga cho'kadi.



Sterjen – ichi bo'sh, teshik, chuqurli quymalar olish uchun ishlatiladigan element bo'lib, ularni maxsus sterjen yashiklarida tayyorlanadi. Sterjenlar qolipning ichiga joylashtiriladi (26-rasm).



26-rasm. Sterjenlar.


5.2. Polat quymalar olish

Pechlarda eritib olingan po'latlarni qoliplarga quyilib, sovutilib olingan mahsulotni quyma deb ataladi.

Yuqori sifatli po'lat quymalarni olishda suyuq metallni qoliplarga quyish jarayoni yakunlovchi bosqich hisoblanadi. Sifatli po'lat quymalar olish uchun suyuq metallni qoliplarga quyishdan avval tayyorgarlik ishlari bajariladi. Buning uchun po'lat tushadigan novlar, kovshlar va qoliplar tayyor holatga keltiriladi. Po'latlarni markasiga qarab ularni qoliplarga quyish alohida ish rejalarida, haroratlarda bajariladi.

Eritgan po'latni kovshlar yoki vagonetkalariga qabul qilinib, so'ng kranlar yordamida tayyor qoliplarga olib kelib quyiladi.

Po'lat quyiladigan kovshlar ta'mirlangandan so'ng qizdirilgan va tozalangan bo'lishi kerak. Pechdan erigan po'latni bitta kovshga qabul qilish ma'qul.



27-rasm. Kovshning ko'ndalang kesimi
1-kovsh,
2-grafit stakan,
3-probka.

Kovsh devori o'tga chidamli shamot g'ishtlardan terilgan bo'lib, tashqi tomoni po'lat qoplama bilan qoplangan. Qoplamada halqa bo'lib, bu halqa bilan kovsh vagonetkalariga o'rnatiladi, yon tomonidagi quloqlari esa kovshni kran yordamida aravachaga o'rnatish uchun xizmat qiladi (27-rasm).

Kovshning tub qismiga o'tga chidamli materiallardan stakan o'rnatiladi, uning teshigi bor. Ana shu teshikdan suyuq metall qoliplarga quyiladi.

Tekshirish uchun savollar

1. Quymachilikning mashinasozlikdagi o'rni haqida ma'lumot bering.
2. Qolip tarkibi va turlarini ko'rsatib o'ting.
3. Sterjening vazifasi va uni tayyorlash texnologiyasini tushuntiring.
4. Quyma olish texnologik jarayonlarini sanab bering.

6. METALLARGA BOSIM OSTIDA ISHLOV BERISH

6.1. Metallga bosim ostida ishlov berish haqida umumiy ma'lumotlar


Metallarni bosim ostida ishlashning mohiyati shundan iboratki, plastik metall va qotishmalar tashqi kuch yoki bosim ta'sirida plastik deformatsiyalanadi. Shunga ko'ra mo'rt metallarni (cho'yan, bronza) bosim ostida ishlab bo'lmaydi.

Metallarni bosim ostida ishlash ancha vaqtdan buyon ma'lum bo'lsada, bu usul rivojlanuvchi hisoblanadi. Chunki metall chiqindi chiqarish kam miqdorda, ish unumi katta va olingan mahsulot sifati yuqori bo'ladi. Bosim ostida ishlash natijasida metallning fizik-mexanik xossalari yaxshilanadi. Bosim ostida metall ishlansa shaklini o'zgartirishdan tashqari, uning ichki tuzilishi va xossalari ham o'zgaradi (28-rasm).

Metallarni bosim ostida ishlash usuli bilan 80% dan ko'proq ishlab chiqarilgan po'lat qayta ishlanadi. Rangli metall va qotishmalarning 60% dan ortig'i, plastmassalar, metallmas materiallarning ko'p qismi bosim ostida ishlanadi.

Bosim ostida ishlash bilan og'irligi 10 g dan 100 tonnagacha bo'lgan xomashyolar, yarim fabrikatlar, buyumlar, detallar olinadi.

Bosim ostida ishlash juda murakkab jarayon bo'lib, buyumning tashqi va ichki qismlarida ancha o'zgarishlar bo'ladi, natijada buyumda fizik va mexanik o'zgarishlarga olib keladi. Detal tashqi kuch ta'sirida, avval elastik, so'ng plastik deformatsiyalanadi. Misol uchun xomashyoga kuch ta'sir ettirsa, u shaklini o'zgartiradi. Shu bilan birga metallning donalari ham o'z navbatida sinadi, bukiladi, egiladi va hokazo.



28-rasm. Metall tuzilishini o'zgarishi eskitizi.

Elastik
deformatsiya

Bilish
kerak!

Plastik
deformatsiya


Elastik deformatsiyada metall atomlari orasidagi masofadan kichikroq miqdorga siljiydi va tashqi kuch olingandan so'ng avvalgi holatiga qaytadi.

Plastik deformatsiyada esa atomlar orasidagi masofadan katta miqdorga siljiydilar va tashqi kuch olingandan so'ng ham avvalgi holatiga qaytmaydi.

Jismning shakli va o'lchamlarini o'zgarish bilan birga uning butunligini saqlash kerak. Jismda uzilishlar, yoriqlar hosil bo'lishiga yo'l qo'yilmaydi.

Kristall
panjaralarning
o'zgarishlari

Bosim ostida ishlashni sovuq va issiq hollarda bajarish mumkin. Metallni sovuq holda bosim ostida deformatsiyalanganda, uning xossalari o'zgarib, elastikligi, issiqlik va elektr o'tkazuvchanligi, korroziyabardoshiligi yomonlashadi. Ushbu holatda tashqi kuch ta'siri natijasida kristall panjaralarda siljishlar hosil bo'ladi (29-rasm).



29-rasm. Deformatsiyada kristall panjaraning o'zgarishi a-chiziqli siljish, b-egilish.

prokatlash
(yoyish)

Metallarni
bosim ostida
ishlashining
asosiy usullari

cho'zish

bolg'alash

shtamplash

presslash

30-rasm. Metallarni bosim ostida ishlashining asosiy usullari.

Yoyish, cho'zish va presslash metallurgiya zavodlarida bajariladi.


Shtamplash va bolg'alash jarayonlari esa mashinasozlik, asbobsozlik, priborsozlik zavodlarida qo'llaniladi (30-rasm).

6.2. Metallarni prokattlash

Metallarni prokattlash bosim ostida ishlashning eng ko'p qo'llaniladigan usulidir. Prokattlashda metallni bir-biriga teskari aylanuvchi juvalar orasidan ezib o'tkaziladi. Bunda juvalar orasidagi tirqish berilgan materiallarning qalinligidan kichik bo'ladi. Juvalar bilan metallni ezish natijasida xomashyoning qalinligi kichrayadi, uzunligi oshadi va eni kengayadi.

Metallarni
prokattlashning
mohiyati.

Prokat stanlarining juvalari kesimlari turli-tuman bo'lib, ular bilan qurilish balkalari, har xil qalinlikdagi listlar, prokat xomashyolar yoyiladi. Po'latlarni sovuqlayin va issiq holda yoyiladi. Sovuq holda faqat yupqa listlar prokattanadi (31-rasm).



31-rasm. Prokattlash jarayonlarining sxemasi:


1-birinchi juva o'qi, 2-birinchi juva, 3-ikkinchi juva o'qi,
4-ikkinchi juva, 5-xomashyo, 6-tayyor mahsulot.

Juvalar orasidan xomashyoni bosilib, ezilib o'tishi xomashyolar va juvalar orasida hosil bo'ladigan ishqalanish kuchi natijasida bajariladi. Yoyilishda metall ikkita aylanuvchi vallar yordamida ilib olinib bosiladi. Metall vallar orasidagi qirquqimdan o'tgan xomashyo ishqalanish natijasida uzunlashadi va yoyiladi (31-rasm).

6.3. Metallarni cho'zish (kirriyalash)


Cho'zish

Cho'zish xomashyoni asta torayib boruvchi asbob-voloka teshigidan tortib o'tkazib, deformat-siyalab, shaklini o'zgartirish jarayoni bo'lib unda xomashyoning ko'ndalang kesimi kichrayib, uzun-ligi esa uzayadi. Bunda buyumning o'lchamlari aniq, berilgan geometrik shakli toza yuzali bo'lib chiqadi (32-rasm).




Cho'zish, asosan, sovuq hol-da bajariladi, bu usulda rangli me-tallar va ularning qotishmalari, past va yuqori uglerodli po'latlar hamda legirlangan po'lat va qo-tishmalarga ishlov berish mumkin. Issiq holda cho'zish juda kam hol-larda bajariladi.

Cho'zish natijasida olinadi-gan buyumlarning kesimi o'zga-radi.



a) 1-xomashyo, 2-kirriya asbob



32-rasm. Cho'zish sxemalari.
a) teshikdan o'tkazish, b) bo'ylama cho'zish,
d) andaza cho'zish namunasi.

Cho'zish quyidagi hollarda bajariladi:

1. Ingichka sim olish uchun (diametri 0,002-5mm gacha bo'lgan), bunday simlarni prokatalash usuli bilan olib bo'lmaydi.

2. Yupqa devorli trubalar olish.

3. Diametri 100 mm gacha bo'lgan har xil profilni (prokat usuli bilan olingan) buyumlarning o'tchalarini me'yoriylash va sirtlarini tozalash.

4. Fason kesimli buyumlar olish.

Cho'zish uchun boshlang'ich xomashyo sifatida har xil kesimli prokat ishlatiladi.

Bilish kerak!

Cho'zishda metall asta-sekin torayib boruvchi teshikdan o'tishi natijasida deformatsiyalanadi.

6.4. Metall va qotishmalarni presslash


Mashinasozlikda turli profilni sortament zarur bo'ladi va ishlatiladi. Bu buyumlarni, asosan, yoyish bilan olinadi. Lekin sanoatda ularni olishning yana boshqa usullari ham mavjud. Bularidan biri presslash jarayonidir. Presslash bilan asosan, rangli metall va qotishmalaridan xomashyolar olinadi.



Presslashning ikkita usuli bo'lib to'g'ri va teskari presslashdir.

Bilish kerak!

To'g'ri presslashda puansonning harakati natijasida metall matrisa ko'zidan chiqadi. Metallni harakat yo'nalishi pressning harakati yo'nalishi bo'yicha bo'ladi. Jarayon oxirida press-formada o'zgina metall qoldig'i qolib, bu qoldiq metallni shakllanishida ishtirok etmaydi(33-rasm).



33-rasm. To'g'ri usulda presslash:

1-puanson, 2-konteyner, 3-matrisa,

4-profil, 5-matrisa ushlagich, 6-xomashyo, 7-halqa.

Presslash metallni asbob teshigidan-matrisa ko'zidan siqib chiqarish jarayonidir. Matrisaning teshigining shakli har xil bo'lishi mumkin; yumaloq, kvadrat, to'rtburchak va xilma-xil. Presslash bilan po'lat va rangli metall quymalarini yoki xomashyolarini aniq shaklga keltiriladi. Presslash bilan olinadigan shakllarning o'lchamlari 5-250 mm. Olinadigan trubalar diametri esa 20-400 mm.



Puansonning tezligi presslash tezligi deb aytiladi.


Puansonning tezligi **presslash tezligi** deb aytiladi. Metallning ko'ndalang kesimi necha marta kichraysa, metall ko'zdan shuncha marta tez chiqadi. Presslash metallni qizdirilgan holda bajariladi. Presslash, asosan, katta kuchga ega bo'lgan gidravlik presslarda bajarilib, uning kuchi 8000 tonnagacha yetadi.

Teskari usulda presslashda matrisa pressning puansoniga mahkamlanib birgalikda harakat qiladi va quymani siqadi hamda metallni matrisa ko'zidan chiqaradi. Metallning matrisadan chiqishi yo'nalishi puanson harakati yo'nalishiga teskari bo'ladi. Bu usulda faqat metallning ko'zdan chiqishi uchun qarshilik bo'ladi xolos (34-rasm).

To'g'ri usulli presslashda yuqoridagi qarshilikdan tashqari quyma konteyner yuzasi orasida bo'lgan ishqalanish kuchi ham mavjud. Shuning uchun talab qilingan kuch 20-30% katta bo'ladi. To'g'ri va teskari presslashda ham anchagina chiqindi chiqadi. Uning miqdori to'g'ri usulda presslashda quymaning 12-15% (ba'zan 25%), teskari usulda presslashda esa 5-6% (ba'zan 12%) ni tashkil etadi.

Teskari usulda presslash kam ishlatiladi, chunki qurilmaning konstruksiyasi murakkabdir. Presslash vaqtida metallni qizdirishda va kuyundning ko'payib ketmasligiga e'tibor beriladi, chunki kuyundi matrisaning ishini yomonlashtiradi.

Presslash yo'li bilan ko'proq rangli metallardan trubalar, har xil o'lchamlardagi xomashyolar olinadi.



34-rasm. Teskari usulda presslash
1-gilza, 2-konteyner, 3-puanson, 4-profil,
5-to'siq, 6-xomashyo.

Presslash

Bilish kerak!

Presslashning afzalliklari

1. Olinadigan mahsulot sifati yuqori (boshqa usullarga nisbatan).
2. Kam unumli pardozlash jarayonini bajarmasa ham bo'ladi.
3. Katta ish unumiga ega.
4. Murakkab shaklli xomashyolarni olish mumkin.

Presslashning kamchiliklari

1. Asbobni ko'p yeyilishi.
2. Ko'p metallni chiqindiga chiqishi.

Olinadigan buyumlarning sifatiga xomashyo o'lchamlarining aniqligi va yuzasining tozaligi katta ta'sir ko'rsatadi.

Qizdirilgan xomashyoning sirti kuyundilardan albatta tozalanishi kerak, aks holda matrisani ham tezda ishdan chiqaradi. Presslash uchun boshlang'ich material sifatida og'irligi 0,1-3 tonnagacha bo'lgan yumaloq va olti qirrali quymalar olinadi. Konteyner o'rnatish uchun xomashyo tozalanadi, qizdiriladi va oksidlardan yaxshilab tozalanadi.

6.5. Metallarni bolg'alash

Metallarni bolg'a bilan urib, zarur shaklga keltirish *bolg'alash* deb ataladi. Bolg'alashda metall har tomonga qarab cho'ziladi. Bolg'alash natijasida buyumning mexanik xossalari yaxshilanadi, chunki uning tuzilishidagi dendrit to'lati tuzilishga aylanadi, tolalar to'g'ri joylashadi.

Xomashyoga qirqish usuli bilan ishlov berilganda tolalar noto'g'ri joylashadi.


Yumshoq metallarni, ba'zan, sovuq holda bolg'alash mumkin. Ikki xil bolg'alash usuli— qo'l bilan va mashina bilan bolg'alash mavjud.

Qo'l bilan bolg'alash kichik miqdordagi buyumlarni tayyorlashda qo'llaniladi. Qolgan hamma hollarda mashina bilan bolg'alaniadi. Odatda, qo'l bilan sandonlarda og'irligi 10 kg gacha bo'lgan buyumlar bolg'alaniadi. Bunda xomashyoni maxsus ombirlar bilan ushlab, og'irligi 10-20 kg kuvaldalar bilan uriladi.



Mashinada bolg'alash pnevmatik va bug'-havoli bolg'alash mashinalarida hamda gidravlik presslarda bajariladi. Bunda xomashyoni deformatsiyalash yuqoriga harakatlanuvchi urgich yordamida bajariladi.

Urgichlar (boyok)ning shakli teskari yuzali va fason yuzali bo'lishi mumkin. Bolg'alashda asosiy jarayonlar quyidagilar: cho'zish, cho'ktirish, qisman cho'ktirish, egish, teshish, qirqish, burab shakl berish va boshqalar.



Cho'ktirish jarayonlari cho'zish jarayonlarining teskarisi bo'lib, bunda metallning ko'ndalang kesimi ortadi, bo'yi esa qisqaradi.

Cho'zish jarayoni natijasida metall bo'yiga cho'ziladi, uni ko'ndalang kesimi kichrayadi.


Qisman cho'ktirishda buyumning ma'lum qismi cho'ktiriladi.

6.6. Materiallarni shtamplash

Buyumni bosim bilan shtamp yordamida ishlab uning shaklini o'zgartirish jarayoniga *shtamplash* deb ataladi.



Shtampning tuzulishi va shakli olinadigan xomashyo shakliga mos bo'ladi.



35-rasm. Shtamplash jarayoni.

1 - shtampning yuqorgi pallasi, 2 - shtampning pastki pallasi, 2-3 - xomashyo.

Shtampdar qattiq va mustahkam legirangan po'latlardan tayyorlanadi. Shtampdar tayyorlash juda ko'p vaqt va mablag' talab etadi. Lekin ko'plab buyum ishlab chiqarilganda hamma xarajatlar qoplanadi. Shtamplangan mahsulotlar bolg'alangan mahsulotlarga qaraganda arzon, o'lchamlari aniq va mustahkam bo'ladi. Shtampdar ajralma qilib yasaladi (35-rasm).

Shtampdar bilan avtotraktorlar, qishloq xo'jalik mashinalari, samolyot, vagon detallari tayyorlanadi. Shtamplangan detallar, umuman sanoatning juda ko'p tarmoqlarida ishlatiladi (36-rasm).

Shtampning yuqori bo'lagi *ustki shtamp* deb, pastki bo'lagi esa, *oski shtamp* deb ataladi.



36-rasm. Shtamplash mahsulotlari.

Shtamplash uchun pokovkalarni po'latlardan, rangli metall qotishmalaridan, metallmas materiallardan olinadi.

Shtamplash bilan olingan pokovkalarning og'irligi 0,1-30 kg, ba'zan 100 kg gacha bo'lishi mumkin. Shtamplash ikki xil bo'ladi: *hajmli shtamplash* va *listli shtamplash*. Buyumni qizdirib va sovuqlayin shtamplash mumkin.



Issiq hajmli shtamplashni ochiq va yopiq usullari mavjud.

Yodda saqlang!

Ochiq shtampdar shtamp kesimining chetki qirralari bo'yicha ariqcha qilinib, shtamplash vaqtida bosim hisobiga ortiqcha metall pitir ariqchasi bo'ylab chiqadi. Qizdirib shtamplashda pokovkaning o'lchamlarini kattaroq olish lozim, chunki pokovka sovitganda uning o'lchamlari qisqaradi.

Hajmli shtamplash

Shtamplashda xomashyo uchun kerak bo'lgan aniq metall miqdorini aniqlash katta ahamiyatga ega. Agarda metall yetarli miqdorda bo'lmasa shtamp bo'shlig'i to'lmaydi, ko'p bo'lsa metallning ortiqcha qismi qolip bo'shliqlari atrofida qalin qo'yim hosil qiladi. Bu qo'yimlarni keyinchalik qirqish va tozalash uchun ko'p vaqt ketadi. Boshlang'ich material sifatida sort prokati va davriy prokati profilari ishlatiladi.

6.7. Shamplash mashinalari

Shtamplash molotlarda, shtamplash presslarida, gidravlik va friksion presslarda, gorizontaal shtamplash mashinalarida bajariladi.

Buyumlarni issiqlyayin shtamplashda umumiy texnologik jarayonlar quyidagicha: xomashyoni qirqish, shtamplash (agar xomashyo murakkab bo'lsa, uni bir necha marta shtamplab shaklga keltiriladi), qo'yimlardan tozalash, termik ishlash, kuyundidan tozalash, kerak hollarda sovuqlayin kalibrlash.

Shtamplashda bir necha almashinuvchi jarayonlar alohida shtamp ariqchalarida bajariladi. Issiqlyayin shtamplashda xomashyoning o'lchamlari bolg'alab olingan pokovkanikidan aniqroq bo'ladi. Qizdirib shtamplashda qizigan buyum yuzasini kuyundidan tozalash kerak, aks holda shtamplashda kuyundi zarrachalari metallning ichiga kirishib qolishi mumkin.

Sovuq holda hajmli shtamplash. Rangli metallar va ularning qotishmalari hamda kam uglerodli po'latlardan shtamplash usuli bilan turli detallar tayyorlanadi. Bunday shtamplashda buyum mustahkam bo'lib qoladi va uning mexanik va fizik xossalari yanada yaxshilanadi.

Sovuqlayin hajmli shtamplash bilan katta bo'lmagan sodda pokovkalar, detallar tayyorlanadi.

Listli shtamplash.

Bunda yupqa devorli, yassi, tekis va fazoviy buyumlarni list, lenta, metallmas materiallardan tayyorlanadi.

Listli shtamplash-shtamplash mashinalarida, krivoship presslarida bajariladi.

Qalinligi 0,10-4 mm gacha bo'lgan listli metallar sovuqlayin shtamplanadi.

Qalinligi 4-60 mm gacha bo'lgan listlar qalin listli hisoblanib, yupqarog'i sovuqlayin, qalindari esa issiqlyayin ishlanadi.

Listli shtamplashning asosiy afzalliklari quyidagilardan iborat:

1. Pishiq, yupqa devorli, sodda va murakkab shakldagi detal va buyumlarni oson olish mumkin. Bunday detallarni boshqa usullar bilan tayyorlash juda qiyin yoki umuman olib bo'lmaydi.

2. Ish unumi katta, metall tejaladi va jarayon sodda.

3. Bajarilayotgan jarayonlarni keng mexanizatsiyalash va avtomatlashtirish mumkin.

Listli shtamplash yo'li bilan soat, velosiped, mototsikl, avtomobil, metall idishlar, samolyot, vagon, har xil ramalar, yirik, yupqa va qalin devorli detallar, jumladan yirik detallar tayyorlanadi. Bu usul bilan hajmi bo'yicha avtomobillarning 75%, kimyo apparatlari detallarning 80% va metall idishlarning 95% tayyorlanadi. Listli shtamplashda asosiy ishchi qism shtamp hisoblanib, u ikki bo'lakdan iborat. Listli shtamplashda detal bitta jarayon bilan yoki bir necha birin-ketin jarayonlar bilan bajarilishi mumkin.

Bilib
qo'ying!

Tekshirish uchun savollar

1. Metallarni bosim ostida ishlov berish mohiyatini tushuntiring.
2. Elastik va plastik deformatsiyaga izoh bering.
3. Bosim ostida ishlov berishda kristall panjaralar qanday o'zgaradi?
4. Metallarni prokatlashni tushuntiring.
5. Metallarni cho'zish va presslash haqida ma'lumot bering.
6. Metall va qotishmalarni presslashning qanday usullari bor?
7. Metallarni bolg'alash jarayonini izohlang.

7. METALLARNI SINASH USULLARI

7.1. Metallarni sinash

Odatda metallarning mexanik xossalari deganda, quyidagi ko'rsatkichlar tushuniladi:

mustahkamligi – metallning deformatsiyaga va yemirilishiga qarshilik ko'rsatishi

plastikligi – metallning qoldiq deformatsiyada yemirilmasdan turish xususiyati

Metallarda plastiklikning kamligi yoki yo'qligi mo'rtlik deyiladi

Mexanik xossalalar konstruktor va texnologlarga nagruzkalarning chegarasini belgilash va mashinalarni ishlatish sharoitini aniqlash imkonini beradi.

Mexanik xossalalar tavsiflarining son qiymatlari, ya'ni zo'riqishlar yoki deformatsiyalar qiymatlari mexanik sinovlar natijasida olinadi. Mexanik sinovlardan metallarning tayyorlanish va ishlov berish sifatini nazorat qilishda keng ko'lamda foydalaniladi. Qo'yilgan kuchlar ta'sirida detalning o'ichamlari va shakli o'zgarishi *deformatsiya* deyiladi. Deformatsiya jismga qo'yilgan tashqi kuchlar ta'sirida yoki jismning o'zida sodir bo'ladigan fizik-kimyoviy jarayonlarda vujudga keladigan ichki kuchlar ta'sirida yuzaga kelishi mumkin. Bunda vujudga keladigan zo'riqishlar o'q yo'nalishida cho'zilishning oddiy holida quyidagiga teng bo'ladi:

$$\sigma = P/F$$

bunda, P – kuch, N ; F – ko'ndalang kesim yuzi, m^2 .

Jismda normal va urinma zo'riqishlar vujudga keladi. Muvaqqat (tashqi) zo'riqish bilan ichki zo'riqishlarni bir-biridan farqlash lozim.

Muvaqqat zo'riqishlar tashqi nagruzka ta'sirida vujudga keladi va muvozanatlashadi.

Ichki zo'riqishlar tashqi kuchlar ta'siridagi, berilgan jism doirasida vujudga keladi va muvozanatlashadi.

Ichki zo'riqishlarning hosil bo'lishi deformatsiyalarning jism hajmi bo'yicha notekis taqsimlanishi bilan bog'liq. Ichki zo'riqishlar haroratning metall hajmi bo'yicha notekis taqsimlanishi natijasida vujudga keladi. Masalan, metall tez isitilganda va sovutilganda metallning tashqi va ichki qatlamlari notekis kengayadi (siqiladi). Bunday zo'riqish *issiqlikdan zo'riqish* deyiladi. Bundan tashqari, ichki zo'riqishlar termik ishlov berishdagi faza o'zgarishlari natijasida ham vujudga kelishi mumkin. Bunday zo'riqish *faza (tuzilish) zo'riqish* deyiladi.

Ichki zo'riqishlar quyidagicha tasniflanadi:

Jismning butun hajmida muvozanatlashadigan I tur zo'riqish, u *makrozo'riqish* deyiladi

bitta donasining (kristallitning) yoki bir necha blokning hajmida muvozanatlashadigan II tur zo'riqish, u *mikrozo'riqish* deyiladi

Kristall katakcha o'ichamlariga yaqin hajmlarda muvozanatlashadigan III tur zo'riqish, u *submikroskopik zo'riqish* deyiladi.

Ichki zo'riqishlar metallarning xossalari va ularda sodir bo'ladigan o'zgarishlarga katta ta'sir etadi.

Deformatsiya elastik va plastik bo'lishi mumkin.

Tashqi kuchlar ta'siri to'xtatgandan keyin to'liq yo'qoladigan deformatsiya *elastik deformatsiya* deyiladi. Elastik deformatsiya metallning tuzilishi va xossalari katta o'zgarishlar keltirib chiqarmaydi (37-rasm).

7.2. Qattqlikni aniqlash

Qattqlik deganda, metallarning plastik deformatsiyaga qarshilik ko'rsatish xususiyati tushuniladi.





Qattqlik eng ko'p tarqalgan tavsiflardan biri bo'lib, u metallar va qotishmalarni yemirmagan holda ularning sifati haqida fikr yuritishga imkon beradi. Ko'pincha, chala mahsulotlar va tayyor buyumlarning yaroqliligi faqat qattqligi bo'yicha aniqlanadi.

Qattqlikni o'lchash usullarining keng tarqalganligi quyidagi sabablar bilan tushuntiriladi: buyumlar sifatiga tez baho berish mumkin, buyumlar yemirilmaydi va sirti buzilmaydi.

Qattqlikni aniqlash uchun bosib kiritish, urib ko'rish va timash usullari qo'llaniladi.

7.3. Qattqlikni Brinell usuli bilan o'lchash

Qattqlikni sinash mashinasi



37-rasm. Metallarning deformatsiya grafiqi.

Elastik cho'zilish qiymati juda kichik bo'ladi va Guk qonuniga binoan nagruzkaga chiziqli bog'lanishda bo'ladi: $\sigma = E(\Delta l/l)$, bunda: $\Delta l/l$ – kristallning nisbiy elastik deformatsiyalanishi; elastiklik moduli, u metallning bikrligini, ya'ni elastik deformatsiyalarga qarshilik ko'rsatishini tavsiflaydi, N/m^2 . Elastiklik moduli atomlararo bog'lanish kuchlariga bog'liq bo'ladi va metallning tuzilishiga bog'liq bo'lmaydi.


Agar tashqi nagruzkaga olingandan keyin jism dastlabki shaklini tiklamasa, qoldiq yoki plastik deformatsiya vujudga keladi.

Plastik deformatsiya ko'chishlar (dislokatsiya) vujudga kelishi va siljishi bilan bog'liq, u sirpanish va qiyofadoshlash bilan amalga oshishi mumkin. Agar deformatsiya vaqtida zo'riqish chekli qiymatiga yetsa, metall yemiriladi. **Yemirilish ikki xil bo'ladi:** mo'rt va qovushoq yemirilish.

Mo'rt yemirilishda atomlararo bog'lanishlar buziladi va plastik deformatsiya bo'lmaydi. Odatda, mo'rt yemirilish donalarning chekkalarida sodir bo'ladi va sinish kristall xususiyatli bo'ladi. Lekin sof mo'rt yemirilish amalda uchramaydi.

Qovushoq yemirilish oldidan anchagina plastik deformatsiya sodir bo'ladi. Sinish tolali bo'ladi, chunki yemirilish donaning butun tanasi bo'yicha sodir bo'ladi. Metallning yemirilishi, ko'pincha, murakkab xususiyatli bo'ladi.

Bilish kerak!



38-rasm. Materiallarning qattqlikini Brinell usulida aniqlash.

a) Qattqlikni Brinell usuli bilan aniqlash sxemasi, b) Iz diametrini hisoblash mikroskopi bilan o'lchash sxemasi.

Bilish kerak!

Qattqlikni Brinell usuli bo'yicha aniqlashda metallning yassi yuzasiga o'zgaras nagruzka bilan diametri 2,5;5 va 10 mm bo'lgan toblangan po'lat zoldir botiriladi (38-rasm).

Zoldir orqali namunaga beriladigan nagruzkaning zoldir sirtida qoldirgan sferik iz yuzasiga nisbati Brinell usuli bo'yicha **qattqlik soni** deyiladi. Brinell usuli bilan qattqlikni ushbu formuladan aniqlash mumkin:

$$HB = \frac{2P}{\pi D(D - \sqrt{D^2 - d^2})} \quad \text{bunda: } P - \text{nagruzka, N; } D - \text{zoldir diametri, mm; } d - \text{iz diametri, mm.}$$


Qattqlikni amalda aniqlash uchun chuqurchaning diametri o'lchanadi va shu asosida maxsus jadvallardan qattqlik soni topiladi. **Brinell usulini** qattqligi 4500 HB dan katta bo'lgan metallar uchun qo'llash tavsiya etilmaydi, chunki po'lat zoldir deformatsiyalanishi mumkin va natija noto'g'ri bo'ladi.

Brinell bo'yicha qattqlik soni HB va cho'zishdagi puxtalik chegarasi σ_v orasida empirik yo'l topilgan quyidagi nisbatlar mavjud:

Po'lat (HB 1250-1750)	$\sigma_v = HB 0,343$
MPa	
Po'lat (HB > 1750)	$\sigma_v = HB 0,362$
MPa	
Aluminiy quymasi	$\sigma_v = HB 0,26$
Yumshatilgan bronza va jez	$\sigma_v = HB 0,55$
Kulrang cho'yan	$\sigma_v = (HB-40)/6$
Rux qotishmalari	$\sigma_v = HB 0,09$

Brinell usuli bilan qattqlik gidravlik va mexanik yuritmalari presslarda aniqlanadi.

7.4. Qattqlikni Rokvell usuli bilan o'lchash



Rokvell usuli. Qattqlikni Rokvell usuli bilan aniqlashda sinalayotgan namunaga uchidagi burchagi 120° bo'lgan olmos konus yoki diametri 1,59 mm bo'lgan po'lat zoldir botiriladi.

Bilish kerak!


Olmos konus qattiq metallarni, zoldir esa yumshoq metallarni sinash uchun qo'llaniladi, Rokvell usuli bilan sinashda namunaning qalinligi kamida 1,5 mm bo'lishi kerak.

Juda qattiq va yuqaroq materiallarni sinashda konus hamda zoldir ikki ketma-ket nagruzka bilan: zoldir 100 N ga teng dastlabki nagruzka va 900 N ga teng asosiy nagruzka bilan (V shkala), olmos konus esa 1400 N ga teng (S shkala) hamda 500 N ga teng (A shkala) nagruzka bilan botiriladi.

Qattqlik Rokvell usuli bilan shartli birlimlarda aniqlanadi va quyidagicha belgilanadi: HRA 70, HRC 62 va h.k. Raqamlar tegishli shkala bo'yicha qattqlikni ko'rsatadi.

Ayrim hollarda qattqlik «Super-Rokvell» asboblarda 30N ga teng dastlabki nagruzka va 450, 300 yoki 150 N ga teng umumiy nagruzka bilan o'ichanadi. O'ichashning oddiyligi va tezligi, juda aniqligi hamda izning uncha katta bo'lmashligi Rokvell usuli sanoatda keng qo'llaniladi.

Vickers usuli. Qattqlik
yuzasi silliqdigan sinalayotgan metallga uchidagi burchagi 136° bo'lgan to'rt yoqli olmos piramidani botirish yo'li bilan aniqlanadi. Tushgan iz romb shaklida bo'ladi (39-rasm).



Bilish
kerak!

39-rasm. Qattqlikni Vickers usuli bilan aniqlash sxemasi.

$$HV = \frac{2P \sin \alpha / 2}{d^2} = 1.8544 \frac{P}{d^2}$$

Vickers usuli bilan qattqlik yuza birligiga to'g'ri keladigan solishtirma bosim sifatida aniqlanadi.

Bunda, P—piramidaga tushadigan bosim (50, 100, 200, 300, 500, 1000 yoki 1200 H); α —piramidaning qarama-qarshi yoqlari orasidagi burchak ($\alpha=136^\circ$); d—ikkita diagonal izlarning o'rtacha arifmetik qiymati, mm, u nagruzka olingandan keyin maxsus mikroskop yordamida o'ichanadi.

Bu usul qalinligi kichik, yuza qatlamlari yupqa, qattqligi yuqori bo'lgan detallarning qattqligini aniqlash uchun qo'llanadi.


Mazkur usulning sex sharoitida keng ko'lamda qo'llanilishiga xalaqit beradigan o'ziga xos xususiyati sinaladigan namunaning yuzasini yaxshilab tayyorlash zarurligidir. Brinell va Vickers bo'yicha qattqlik sonlari 4000 birlikkacha bir-biriga mos keladi. Qattqlik sonining bundan katia qiymatlarida Vickers bo'yicha qattqlik soni Brinell bo'yicha qattqlik sonidan katta bo'ladi. Bu usulda namunani qalinligi $S \geq 1,5d$ bo'lishi shart.

Mikroqattqlik PMT-3 yoki PMT-5 asbobi bilan o'ichanadi, unda piramidani bosish uchun mexanizm bilan birga metallografik mikroskop ham bo'ladi. Bu uslubdan juda yupqa qatlamlarning va alohida tarkibiy tashkil etuvchilarning qattqligini o'ichash uchun foydalaniladi. O'ichash sinaladigan namunaning yuzasi elektr asbob bilan yoki mexanik usulda sayqallanadi.

$$H_p = (2P \sin \alpha / 2) / d^2$$

Qattqlikni o'ichashning yuqorida bayon qilingan usullari sinaladigan materialning plastik deformatsiyalanishiga asoslangan. Lekin sinaladigan materialning elastik deformatsiyalanishidan ham foydalanish mumkin.

7.5. Qattqlikni Shor usuli bilan o'ichash



40-rasm. Qattqlikni Shor usuli bilan aniqlash sxemasi.

Namunaning yemirilishiga sarflangan ishini bilgan holda zarbiy qovushqoqlikni aniqlash mumkin:

$$KS=W/F$$

bunda, F—namunaning sinashga qadar kesilgan joydagi ko'ndalang kesimi yuzi, m², W — namunaning yemirilishiga sarflangan ish, MJ.

Asosiy namuna sifatida I turdagi namunalarini sinashda KC simvoliga kesikning millimetr hisobidagi chuqurligini (KC₃, KC₅), IV turdagilarni sinashda — kesikning ochilish burchagini ko'rsatuvchi, V turdagilarni sinashda «b» indeksi (KC_{n.i}) qo'shiladi. Zarbiy qovushqoqlik ikki tashkil etuvchidan tarkib topadi, chunki uni aniqlashda yemirilish darzlarining paydo bo'lishi va kattalashuviga qarshilik o'tchanadi: $KC=KS_{p.b.}+KC_1$, bunda: $KC_{p.b.}$ — darz paydo bo'lishiga sarflangan ish; KC_1 — darzning tarqalishiga sarflangan ish.

Bu tashkil etuvchilar material tuzilmasining holatiga va ko'pgina tashqi omillarga turlicha bog'liq bo'ladi. Metalning mo'rt yemirilishi holatiga o'tishi ko'p jihatdan darzning kattalashishiga sarflangan ish bilan aniqlangan tufayli zarb bilan sinashda KC_1 ni aniqlash yaxshiroq. KC_1 ish metallning boshlangan yemirilishiga qarshiligini tavsiflaydi va kesiklarning o'tkirligiga kam bog'liq bo'ladi. KC lari teng bo'lgan ikki xil materialdan KC_1 kattasi ishonchliroq bo'ladi, demak, darzning tarqalishiga sarflangan ish materialning ishonchligini tavsiflaydi.

Yemirilishlar turlari singan joylarni o'rganish (frag-tografiya) natijasida aniqlanadi.


KC ni tashkil etuvchilarga ajratishning bir necha uslublari bor. Namunalarning yemirilishi mo'rt yoki qovushqoq bo'lishi mumkin. Mo'rt yemirilish uzilish yo'li bilan sodir bo'ladi va bunda namuna sezilarli darajada plastik deformatsiyalanmaydi. Qovushqoq yemirilishidan oldin kattagina plastik deformatsiya sodir bo'ladi.

Qattqlikni Shor usuli bilan o'lchashda yuk bilan unga mahkamlangan indentor (odatda, po'lat zoldir) H_p balandlikdan namunaning yuzasiga tik yo'nalishda tushadi (40-rasm). Shor uslubi bilan qattqlik indentoring urilib qaytish balandligi H_{0ga} qarab aniqlanadi. Qattqlik shkalasi 130 birlikka bo'lingan. U toblangan evtektoid po'latning qalinligi 100 birlikka teng degan fikrga asoslanib hisoblangan. Bu asboblardan shoshilinch tahlillar uchun foydalaniladi. Shor bo'yicha qattqlik bilan boshqa uslublar orasida hech qanday o'zaro bog'liqlik yo'q.

Qattqlikni o'lchashda yuqorida aytib o'tilgan uslublarini qo'llash mumkin bo'lmagan hollarda u og'irligi o'lchangan egovlar yordamida aniqlanadi. Bu uslubning aniqligi kam bo'lsa ham oddiy va uni sex sharoitida osongina tatbiq etish mumkin.

7.6. Zarbiy qovushqoqlikni aniqlash

Zarbiy qovushqoqlikni aniqlash dinamik nagruzkada metallning yemirilishiga moyilligini aniqlashga imkon berdi. Zarbiy sinovlar materialning mo'rtlashuvi (donalari katta-kichikligining o'zgarish, dispers fazalarning tushib qolishi, flokenlar paydo bo'lishi va h.k.) bilan bog'liq bo'lgan ko'pgina tarkibiy o'zgarishlarni nisbatan oson aniqlash imkonini beradi. Zarb ta'sirida sinish, ko'pincha zavod amaliyotida metallarga ishlov berish me'yoringini to'g'riligini va metallning sifatini baholash maqsadida qo'llaniladi. Zarbiy qovushqoqlikni aniqlash uchun besh turdagi (I-V) kesikli namunalaridan foydalaniladi (41-rasm).



41-rasm. Metallarning zarbiy qovushqoqlikni aniqlash sxemasi.

Mo'rt yemirilish uchun xos xususiyat darzning katta tezlikda tarqalishi va uning tarqalishida plastik deformatsiyaning bo'lmashligidir. Darz to'plangan energiya tufayli harakatlanadi. Qovushqoq yemirilish uchun xos xususiyat darzning tarqalish tezligi kichikligi va uning harakatlanishida anchagina plastik deformatsiya sodir bo'lishidir. Yemirilishlar turlari singan joylarni o'rganish (fragtografiya) natijasida aniqlanadi.

Yemirilish xususiyatining o'zgarishidagi harorat oralig'i sovuqlayin sinish bo'sag'asi yoki mo'rtlikning kritik harorati deyiladi.

Ko'pgina metall va qotishmalardan (birinchi navbatda hajmiy-markazlashgan kubsimon va geksagonal panjaralilarda) harorat pasayishi bilan qovushqoq yemirilishdan mo'rt yemirilishga o'tish kuzatiladi, bu hol zarbiy qovushqoqlikning pasayishida va sinish xususiyatining o'zgarishida namoyon bo'ladi. Metallning tuzilish holatiga va mustahkamlik darajasiga qarab mo'rt yemirilishga o'tish asta-sekin yoki keskin bo'lishi mumkin.

Sovuqlayin sinish bo'sag'asining yuqoriligi T_{y0} va plastik T_p chegaralari bo'ladi. Bu haroratlarning oralig'ida qovushqoq tolali sinishdan mo'rt kristall sinishga o'tish yuz beradi. Sovuqlayin sinish bo'sag'asi, ko'pincha, sinash haroratiga qarab aniqlanadi, bunda singan joyda 50% qovushqoq tolali tashkil etuvchi T_{50} bo'ladi. Sovuqlayin sinish bo'sag'asi, qancha yuqori bo'lsa, metallning mo'rt yemirilishiga moyilligi shuncha katta bo'ladi. Buyumlarni sovuqlayin sinish bo'sag'asidan yuqori haroratlarda ishlatish kerak, shunda mo'rt yemirilish bo'lmaydi.

Sovuqlayin sinish bo'sag'asiga donalarning katta-kichikligi, kimyoviy tarkibi, masshtab omili (buyumning o'lchamlari), zo'riqish to'plag'ichlari, yuklanish tezligi va boshqa omillar ta'sir etadi.

Yemirilish qovushqoqligi. Yemirilish qovushqoqligining sinash metallarning qovushqoqligi haqida ancha to'liq axborot beradi. U darzlar uchiga tushadigan zo'riqishlar intensivligi ko'effitsiyenti K ning qiymati yoki darzning uzunlik birligiga siljishi uchun zaruriy kuch G bilan tavsiflanadi; K bilan G biri biri bilan quyidagi nisbatlar orqali bog'langan: $K^2 = EG - yassi zo'riqgan holat uchun$;

$K^2 = EG / (1 - \mu^2)$ – yassi deformatsiyalangan holati uchun, bunda μ – Puasson ko'effitsiyenti (metallar uchun $-0,3$). Yassi zo'riqgan holatda namunaning qalinligi bo'yicha zo'riqish bo'lmaydi. Yemirilishga siljish sabab bo'ladi.

Yassi deformatsiyalangan holat uchun namunaning qalinligi bo'yicha deformatsiyaning yo'qligi xos bo'lib, yemirilish uzilish yo'li bilan yuz beradi. Yemirilish qovushqoqligiga sinashda diagrammalar tuziladi, ular darz uzunligi kattalashishining qo'yilgan kuchlanishga bog'liqligini ko'rsatadi.

K kattalikdan hisoblashda foydalaniladi. Uning qiymatini bilgan holda yemiruvchi zo'riqishlar qiymatini darzning shakli va uzunligiga qarab aniqlash va aksincha, detaldagi ish zo'riqishni bilgan holda darzning yemirilish sodir bo'lgan uzunligini oldindan aytish mumkin. O'z-o'zidan yemirilishga o'tish paytidagi zo'riqishlar intensivligi ko'effitsiyentining qiymati K_{10} (yassi zo'riqish sharoiti uchun) yoki K_{10} (yassi deformatsiyalanish sharoiti uchun) bilan belgilanadi va zo'riqishlar intensivligini kritik ko'effitsiyenti deyiladi. K_{10} ko'effitsiyent yirik namunalarda aniqlanadi. Namunaning qalinligi amalda quyidagi nisbatni qanoatlantirish kerak:

$$b \geq 2,5x (K_{10} / \sigma_{0,2})^2$$

 K_{10} va K_{10} kritik qiymatlar yemirilish qovushqoqligi deyiladi.

7.6. Cho'zilishga sinash

Sinashning bu turi keng tarqalgan. Sinash uchun standart namunalar olinadi. Sinov mashinalari cho'zilish diagrammalarini, ya'ni namuna uzunligining qo'yilgan nagruzkaga bog'liq ravishda o'zgarishini yozib boradigan asboblardan jibozlangan.

Sinashning boshlanishida nisbatan kichikroq nagruzkalar qo'yilganda namunaning cho'zilish biror P_{pts} kuchgacha namunaga mutanosib bo'ladi. Bu nagruzka vujudga keladigan zo'riqish mutanosiblik chegarasi deyiladi:

$$\sigma_{pts} = P_{pts} / F_0$$

Mutanosiblik chegarasidan ortib ketmaydigan zo'riqishlar faqat elastik deformatsiyani keltirib chiqaradi, u nagruzka olingandan keyin yo'qoladi. Shu sababli mutanosiblik chegarasi amalda elastiklik chegarasi bilan tenglashtiriladi. Ko'pincha elastiklik chegarasi dastlabki uzunligidan qoldiq deformatsiya hosil bo'ladigan zo'riqish sifatida aniqlanadi. Masalan, 0,01% ($\sigma_{0.01}$), 0,02% ($\sigma_{0.02}$).

Elastiklik chegarasi muhim xususiyat hisoblanadi, chunki metallning kichik plastik deformatsiyalarga qarshiligini belgilaydi.

Nagruzka P_{ps} dan ortganda nagruzka bilan cho'zilish orasidagi chiziqli bog'lanish buziladi. P_{ps} ning biror qiymatida diagrammada gorizontaal maydonchani kuzatish mumkin, u nagruzka ko'paymasdan metall cho'zilayotganini (oqayotganini) ko'rsatadi.



Metallning ixtiyoriy "oqishi" sodir bo'ladigan zo'riqish oquvchanlik chegarasi deyiladi.

Oquvchanlikning gorizontaal maydonchasi texnik temir cho'zilishida juda yaqqol kuzatiladi, aksariyat metallarda esa unchalik yaqqol namoyon bo'lmaydi. Bu holda oquvchanlik chegarasi (shartli) namunani qoldiq cho'zilishga duchor qiladigan zo'riqish sifatida aniqlanadi, qoldiq cho'zilish dastlabki hisoblab topilgan uzunlikning 0,2% ga teng bo'ladi ($\sigma_{0.2}$). Oquvchanlik chegarasi mustahkamlik ko'rsatkichi sifatida xizmat qiladi va mashinasozlikda joiz zo'riqishni hisoblash uchun qo'llaniladi.

Eslab qoling!

Ancha katta nagruzkalarda metall kuchliroq plastik deformatsiyalanadi va yemiriladi. Nagruzkaga muvofiq keladigan, metallning yemirilishiga sabab bo'ladigan zo'riqish *mustahkamlik chegarasi* deyiladi.

Cho'zilishga sinashda namunaning ayrim joylari plastik deformatsiyalanadi, bu esa plastiklik tavsiflari: nisbiy uzayish va nisbiy torayishni aniqlashga imkon beradi.

Nisbiy uzayish δ namuna uzilgandan keyin organ uzunligining dastlabki hisoblab topilgan uzunligi l_0 ga nisbatidan iborat bo'lib, foizda ifodalanadi:

$$\delta = [(l - l_0) / l_0] \times 100 \%$$

bunda, l – namunaning uzilgandan keyingi uzunligi.

Nisbiy torayish deganda, uzilgan namuna ko'ndalang kesimining dastlabki yuzasi ko'ndalang kesimiga nisbati tushuniladi, u foizda ifodalanadi: $\psi = [(F_0 - F_k) / F_0] \times 100 \%$, bunda: F_k – uzilgan joydagi ko'ndalang kesim yuzi.

Plastik materiallar uchun uzilishga qarshilik tavsifi bo'lib haqiqiy mustahkamlik chegarasi xizmat qiladi: $S_k = P_k / F_k$, bunda: S_k – yemirilish paytidagi haqiqiy zo'riqish, MPa; P_k – yemirilish paytidagi kuch, N; F_k – uzilish joyidagi kesim yuzi, m^2 .

Mo'rt materiallar siqilishga (cho'yan), egilish va buralishga (toblangan asbobsozlik va konstruksion po'latlar) statik sinovdan o'tkaziladi.

Nisbiy uzayish
 $b = [(l - l_0) / l_0] \times 100$

Nisbiy torayish
 $\psi = [(F_0 - F_k) / F_0] \times 100$

Mustahkamlik
chegarasi
 $\sigma_b = P_b / F_b$


Tekshirish uchun savollar

1. Metallar uchun kristall panjalarining qaysi turlari xos?
2. Kristall tuzilish nuqsonlarini birma-bir aytib bering. Ular mustahkamlikka qanday ta'sir etadi?
3. Metallarning kristallanish jarayoni qanday sodir bo'ladi?
4. Qotishmalardagi faza o'zgarishlari haqida gapirib bering.
5. Metallarning qanday xossalari bor?

8. NOMETALL KONSTRUKSION MATERIALLAR


8.1. Nometall konstrukcion materiallarning sinflanishi

Hozirgi zamon mashinasozligining rivojlanishi keng ko'lamlarda har xil nometall konstrukcion materiallarni qo'llash bilan chambarchas bog'langan va nometall materiallar keyingi vaqtda sanoatda keng o'rin olmoqda. Ularga keramika, yog'och, rezina, va plastmassalar kiradi (42-rasm).



8.2. Plastmassalar

Plastmassa qat'iyatining ko'p xususiyatlari bilan sanoatda juda ahamiyatlidir. Avvallari faqat izolatsion material sifatida ishlatilgan bo'lsa, hozir dastgohsozlikda, apparsozlikda konstrukcion material sifatida keng qo'llanilmoqda. Plastmassalarni ishlatish texnika vositalarining konstruktsiyalarini ixchamlash, massalarini kamaytirish, ishlash ishonchligini oshirish bilan bir qatorda, ishlab chiqarish tannarxini va mehnat sarfini kamaytirishga katta yo'l ochib beradi, polimerlarning keng qo'llanilishiga ularning qimmatbaho metall va yog'och materiallarning o'rini bevosita almashira olishi, ko'p hollarda ulardan ustun turishi sabab bo'lmoqda (42-rasm).



42-rasm. Plastmassalarning afzalliklari.

Plastmassalar asosan termoplast va termoreaktiv turlarga bo'linadi.

Termoplastik plastmassalar. Qiziganda yumshab, juda plastik bo'lib qoladigan, oson deformatsiyalanadigan, soviganda esa yana qotadigan va qayta yumshatsa bo'ladigan plastmassalar termoplastik plastmassalar deyiladi. Bunday materiallarni ko'p marta bir holatdan boshqa holatga o'tkazish mumkin. Ular turli erituvchilarda eriydi, 70 °C gacha ishlay oladi, ba'zilar esa 160-200 °C gacha chidaydi.

M A S N

Mashinasozlikda ishlatiladigan termoplastik plastmassalarga: polietilen, polipropilen, polistiro, polivinilxlorid va poliamidlar kiradi.

Termoreaktiv plastmassalar. Qiziganda avval yumshaydigan va qisman suyuqlanadigan, so'ngra esa suyuqlanmaydigan va erimaydigan holatga o'tuvchi plastmassalar termoreaktiv plastmassalar deb ataladi. Ular erituvchilarda erimaydi yoki bir oz shishadi. Termoreaktiv plastiklarni qayta ishlamaydi. Ular turli erituvchilarda erimaydi.

Termoreaktiv plastmassalarga – fenolformaldegid, epoksid smolasi va boshqalar kiradi.

Plastmassa tarkibiga asosiy bog'lovchilardan tashqari quyidagi komponentlar ham kirishi mumkin:

1. Organik va mineral to'ldirgichlar-kukun holida yoki tolasimon materiallar
2. Plastifikatorlar – massaga yuqori plastiklik beradi va ishlashni osonlashtiradi
3. Stabilizatorlar – uzoq vaqtgacha plastmassaning fizik-kimyoviy xossalarni saqlovchi materiallar
4. Ranglovchilar – kerak bo'lgan rangni beradi

Yuqoridagi komponentlarning hammasini plastmassalar tarkibiga qo'shish shart emas. Ular texnik maqsadga qarab qo'shiladi.

Plastmassaning asosiy xossalari

solishtirma og'irligi 2-2,3 g/sm³, ba'zan 1g/sm³, mexanik mustahkamligi 1000 kg/sm³ gacha, issiqlikka chidamligi 70-300°C gacha.

Plastmassalarni ishlash usullari

prokatlash, shtamplash, presslash, bosim ostida quyish, payvandlash, kesib ishlov berish va boshqalar.

Bular polimer materiallari bo'lib, ularning tarkibiga fenolodegid, fenolo-formaldegid, karbomid, kremniy organik asosidagi materiallar, har xil to'ldiruvchilar kiradi.

Kompozitsion materiallardan texnik maqsadlar uchun–elektroizolatsion, issiqlikka chidamli, namga, kimyoviy muhitga chidamli, friksion, antifriktsion, nurlar ta'siriga chidamli buyumlar tayyorlanadi. Ular kukun, tabletkalar, granula shakllarida bo'lishi mumkin.

Kompozitsion termoreaktiv plastmassalar

8.3. Plastmassalarga ishlov berish

Plastmassaga ishlov berish asosan, kukun, tabletkalar, granula holidagi materiallarni yumshoq-ovuqchan holatga o'tkazilib ishlashdan iborat. Buning uchun plastmassaga issiqlik bilan bosim bir vaqtning o'zida ta'sir ko'rsatiladi. Bunday ishlash usuliga: presslash, bosim ostida quyish, ekstruziya, kalandrlash va boshqalar kiradi.

Qizdirish yuqori chastotali tok bilan bajariladi. Plastmassaga zarur miqdorda material solinib qizdiriladi. Harorat +5°C aniqlikda bo'lib, presslash harorati avtomatlar yordamida rostanib turiladi.



Plastmassa mahsulotlari

Termoplastdan plyonka olish

Plyonka olish uchun ekstruzion mashinaning kallagiga (golovka) tushgan termoplast halqasimon qirsim orqali siqiladi va mundshuk hamda dornlardan o'tib truba hosil qiladi.

Hosil bo'lgan truba bosim ostida havo bilan puflanadi va sovutgich hududidan o'tib qabul qiluvchi rolklar orqali yo'naltirilgan ikki qavatli plyonka barabanga o'raladi. Shu usul bilan olingan plyonkaning kengligi 1400 mm, qalinligi esa 0,050-1mm. Tezlik 150 m/min gacha, plyonkaning diametri va qalinligini moslash havoning bosimi hisobiga avtomatik tarzda bajariladi.

8.5. Plastmassalarni payvandlash

Plastmassa detallarini bir-biriga payvandlash uchun detal qirralari yumshatiladi va bosim ostida birlashtiriladi.

Faqat termoplastik plastmassalar payvandlanadi.

Qizdirish yumshoq holgacha bajariladi. Bunda qizdirish qisqa vaqt ichida o'tkaziladi. Ko'p termoplastlarni aniq erish harorati bo'lmaydi. Qizdirish, yumshatish haroratidan yuqori va ajralish haroratidan pastki harorata bajariladi. Kattaroq haroratga qizdirilib yuborilsa, payvandlash joylarida plastmassa ajralishi, bo'linishi mumkin va chok erib ketadi.

Payvandlash qizdirilgan asbob yordamida ishqalanib, yuqori chastotali tokda, ultratovush, gaz bilan va boshqa usullar bilan bajariladi.

Eng ko'p tarqalgan usul qizdirilgan gaz oqimida payvandlashdir. Yumshagan chok materiali qo'l bilan yopishtiriladi. Plastmassalarni yelimlab ham birlashtiriladi.

8.6. Plastmassalarni mexanik ishlash

Kesish asboblari bilan plastmassani ishlashda uni kichik issiqlik o'tkazuvchanligi, issiqlikka chidamsizligini hisobga olish kerak. Kesish vaqtida plastmassa tarkibidagi to'ldiruvchilar tezda yeyiladi. Shunga binoan plastmassani ishlash talabga javob bera oladigan qattiq qotishmalar va tezkesar po'latlardan tayyorlangan asboblarda bajariladi.

Ishlash vaqtida plastmassa yumshashi mumkin, bunday hollarda shakl buziladi. Shuning uchun uni sovuq havo bosimi bilan sovutilib turiladi. Frezalash, randalash, pardozlash jarayonlari, teshik teshish va rezba ochish jarayonlari bajariladi.

Bunday jarayonlarni bajarish metall kesish dasigohlari yordamida bajariladi.

8.4. Presslash bilan quyish

Bosim bilan presslab quyishda boshlang'ich materialni yumshoq-oquvchan holatga o'tkazish alohida qizdirgich kamerasida bajariladi. Bunda puansonning ishi materialni siqish uchun xizmat qiladi.

Bosim bu yerda katta bo'lib, 1500-2000 kg/sm² gacha. Bu usul bilan chuqur yupqa devorli buyumlarni olish mumkin. Pressformaning konstruksiyasi murakkab hamda material ko'proq isrof bo'ladi. Shunga qaramasdan murakkab konstruksiyadagi, shakldagi buyumlarni olishda ishlatiladi. Buyum olish uchun gidravlik presslar ishlatiladi. Tayyor buyumni chiqarish ham kichik gidravlik presslar yordamida bajariladi.

Ekstruziya. Bu usul bilan sterjenlar, trubalar, listlar va boshqalar olinadi.

Ekstruziya – polimer materialini mundshuk orqali siqib o'tkazish jarayoni bo'lib, mundshukning kesimi olinadigan material kesimini tashkil etadi. Ekstruziya usuli bilan olinadigan mahsulot profilari har xil bo'ladi.

Tayyor mahsulotni transportyor yordamida qabul qilib olinadi.

Shishalar

Soda (10-12%), ohak (5-8%) va qum (82-85%) larni pechlariga yuklab, 1350°C atrofida eritilib olinadi. Shishalarni quyib, bosim ostida ishlab zarur shaklli, maqsadli detallar tayyorlanadi.

Rezinalar

Xalq xo'jaligida keng ishlatiladigan material bo'lib, yaxshi xossalarga ega. Ayniqsa, har xil harorat sharoitida yuqori plastiklikka ega.

Rezinaning afzallik xususiyatlari

1. Rezina detallarini amortizatsiyalanishligi, har xil tashqi kuchlarni qaytarishligi

2. Egilishga chidamliligi

3. Ba'zi suyuqliklarga chidamliligi (suv, tuzli aralashma, emulsiya va h.k.)

4. Elektroizolatsion xossalari

Rezinaning asosi **kauchuk** bo'lib, unga har xil to'ldirishuvchilar (plastifikatorlar, vulkanizatorlar, ranglovchilar, olingugurt, yarim xlorli olingugurt va h.k.) komponentlar kiritiladi. Kauchukning sintetik va tabiiy xillari bo'ladi. Mustahkamlikni oshirish uchun buyumga har xil to'qima materiallarini qo'shish bilan erishiladi. Qo'shimchalarni, to'qimani mashinalar yordamida aralashtiriladi. Rezina buyumlarni olish bosim ostida shakl berish bilan bajariladi.


Rezinani **vulkanizatsiya qilish jarayoni** deb buyumni 120-150°C qizdirib bosim bilan birkitirish jarayoniga aytiladi. Xom rezinani vulkanizatsiya qilish qizdirilgan par yoki qizdirilgan havo bilan bajariladi.

Kauchukni vulkanizatsiya qilishni sovuq holda ham bajarish mumkin, lekin sifati past bo'ladi.

Rezinadan tasmalar, lentalar, shinalar, har xil buyumlar tayyorlanadi.

Rezinada 25-30% S bo'lib gaz holdagi qotishma sovitiladi va uni shakl berib ebonit hosil qilinadi.

Tekshirish uchun savollar



1. Metallmas konstruksion materiallar qanday sinflanadi?
2. Plastmassalarga qanday ishlov beriladi?
3. Presslash bilan quyishni tushuntiring.
4. Plastmassalarni payvandlash usullarini izohlang.
5. Plastmassalarga qanday mexanik ishlov beriladi?

1. Каримов И.А. Юксак маънавият – енгилмас куч. – Тошкент: Маънавият, 2008, 174 б.
2. Ўзбекистон Республикасининг Таълим тўғрисидаги қонуни. – Тошкент: Маънавият, 1997, 14 б.
3. Ўзбекистон Республикасининг Кадрлар тайёрлаш миллий дастури. – Тошкент: Маънавият, 1997, 12 б.
4. Umarov E.O. Materialshunoslik. – Toshkent: Cho'lon, 2014, 383 b.
5. Фокин В.В., Марков С.Б. Материаловедение на автомобильном транспорте. – Ростов-на-Дону, 2007, 287с.
6. Xamraqulov O. va boshqalar. Transport vositalarida ishlatiladigan ekspluatatsion materiallar. – Jizzax, 2004, 192 b.
7. Norxudjayev F.R. Materialshunoslik. – Toshkent: Fan va texnologiya, 2014, 157 b.
8. А Белов Н.А. Материаловедение. Технология конструкционных материалов. Технологический университет МИСИС, Кафедра Мат.цветных металлов-Москва: Учебн., 2007, 183с.
9. Технология металлов и других конструкционных материалов. Под.ред А.М.Дальского. – М: Машиностроение, 2005, 259с.

Kirish	3
1. Metall va qotishmalarning tuzilishi, xossalari	
1.1. Metallar va qotishmalar.....	5
1.2. Metallarning ichki tuzilishi.....	8
1.3. Metall va qotishmalarning xossalari.....	14
2. Temir-uglerod qotishmalarining tasnifi	
2.1. Qotishmalar haqida ma'lumotlar.....	22
2.2. Qotishmalarning holat diagrammasi.....	24
2.3. Temir-uglerod holat diagrammasi.....	27
2.4. Konstruksiya po'latlar va ularning sinflanishi.....	34
2.5. Uglrodli sifatli asbobozlik po'latlari.....	36
2.6. Korroziyabardosh po'latlar.....	38
3. Po'latga termik ishlav berish	
3.1. Yumshatish turlari.....	40
3.2. To'la yumshatish.....	44
3.3. Chala yumshatish.....	45
3.4. Me'yoriy (Normalash).....	46
3.5. Toblash usullari.....	46
3.6. Legirovchi elementlarning po'latdagi o'zgarishlarga ta'siri	49
3.7. Legirlangan po'latlarning tasnifi va markalanishi.....	50
3.8. Asbobozlik po'latlariga va alohida xossali po'latlarga termik ishlav berish.....	58
4. Qora va rangli metallar texnologiyasi	
4.1. Cho'yan ishlab chiqarish.....	64
4.2. Domna pechining tuzilishi va ishi.....	71
4.3. Domna pechining mahsulotlari.....	73
4.4. Kislorodli konvertorlarida po'lat olish.....	74
4.5. Po'latni Marten pechlarida ishlab chiqarish.....	76
4.6. Gaz bilan ishlaydigan Marten pechlarining tuzilishi va ishi.....	77
4.7. Rangli metallar ishlab chiqarish.....	78
5. Quymakorlik	
5.1. Quymakorlik haqida umumiy ma'lumotlar.....	80
5.2. Po'lat quymalar olish.....	83

6. Metallarga bosim ostida ishlov berish	
6.1. Metallarga bosim ostida ishlov berish haqida umumiy ma'lumotlar.....	85
6.2. Metallarni prokatlash.....	88
6.3. Metallarni cho'zish (kirriyalash)	90
6.4. Metall va qotishmalarni presslash.....	93
6.5. Metallarni bolg'alash.....	96
6.6. Metallarni shtamplash.....	98
6.7. Shtamplash mashinalari.....	100
7. Metallarni sinash usullari	
7.1. Metallarni sinash.....	102
7.2. Qattqlikni aniqlash.....	105
7.3. Qattqlikni Brinell usuli bilan o'lchash.....	105
7.4. Qattqlikni Rokvell usuli bilan o'lchash.....	107
7.5. Qattqlikni Shor usuli bilan o'lchash.....	109
7.6. Zarbiy qovushoqlikni aniqlash.....	110
7.6. Cho'zishga sinash.....	113
8. Nometall konstrukcion materiallar	
8.1. Nometall konstrukcion materiallarning sinflanishi.....	116
8.2. Plastmassalar	117
8.3. Plastmassalarga ishlov berish.....	119
8.4. Presslash bilan quyish.....	120
8.5. Plastmassalarni payvandlash.....	121
8.6. Plastmassalarni mexanik ishlash.....	121
Foydalanilgan adabiyotlar	124

R.X. SAYDAHMEDOV, T.O. ALMATAYEV,
U.A. ZIYAMUXAMEDOVA

MATERIALSHUNOSLIK VA KONSTRUKSION MATERIALLAR TEKNOLOGIYASI

Toshkent – «Fan va texnologiya» – 2017

Muharrir:	M.Hayitova
Tex. muharrir:	F.Tishaboyev
Musavvir:	D.Azizov
Musahhah:	N.Hasanova
Kompyuterda sahifalovchi:	Sh.Mirqosimova

E-mail: tipografiyacent@mail.ru Tel: 245-57-63, 245-61-61.
Nashr. lits. AL№149, 14.08.09. Bosishga ruxsat etildi: 23.11.2017.
Bichimi 60x84 1/16. «Timez Uz» garnituras. Ofset bosma usulida bosildi.
Shartli bosma tabog'i 7,75. Nashriyot bosma tabog'i 8,0.
Tiraji 400. Buyurtma №209.

Ныкаббаҳов Д

«Fan va texnologiyalar Markazining
bosmaxonasi» da chop etildi.
100066, Toshkent sh., Olmazor ko'chasi, 171-uy.

ISBN 978-9943-11-653-5



9 789943 116535

